

Аҳадқули Ҳолмуҳаммад ўғли

САВДОГАРЛАР УСТОЗИ

Тошкент 2018

АСАРНИНГ БОШИДА МУҚАДДИМАГА ЎХШАШ НАРСА, АММО ҲИКМАТЛАР БИЛАН БЕРИЛАДИ. АЙТАЙЛИК, МУҲТОЖНИНГ ОЖИЗЛИГИДАН ФОЙДАЛАНИБ МОЛИНИ ЎЗЛАШТИРМА ЁКИ АРЗОНГА СОТИБ ОЛМА. АСАР ОХИРИДА ЭСА, ЎША АЙТИЛГАНЛАР ТҮЛИҚ ШАРХЛАНИБ, ЎҚУВЧИ ИХТИЁРИГА БЕРИЛАДИ. ШАРХЛАР УЗУН БЎЛМАЙДИ. БУТУН АСАРНИ БИР ЁДГА СОЛДИРАДИ.

САВДОГАРЛАР УСТОЗИ

Бисмиллахир Роҳманир Роҳим

Дунёда шундай инсонлар бўлганки, бугун улар ҳақидаги ривоятлар, ҳикоялар эртакдек туюлади. Бугунги кунларда улардек буюклар қайта туғилмайди, деб ишонилади, ишонтирилади. Мен ҳам эл қатори улуғ аждодларимиз ҳақида ўқиганимда ғуурурланаман ва қайта туғилмайди буюклар деган ишончимда “садик” қоламан. Ўзим тадбиркор ўлароқ (асли филологман) тирикчиликдаги минг бир қийинчиликларга дуч келаман. Муваффақиятга, омадга, пуллар хазон бўлиб ётадиган келажакка тезроқ етиш учун ўнлаб китоблар ўқидим, ўқияпман. У китоблар пул топишнинг, бу ҳаётда яшаб қолишнинг минг бир усулинни ўргатади. Тан олишим керак улардан кўп фойда олдим ва самарасини кун сайин сезяпман. Яна шуни ҳам сезяпманки, менга нимадир етишмаяпти. Ўша ниманидир узоқ қидирдим. У нимадир китобларда бўлиши керак. Ўқидим, изландим ва ниҳоят... Ниҳоят топдим. Ўнлаб ўқиган китобларимда йўқ илмлар, ўзимизда экан. Нақ бурнимизнинг тагида, шундок қўл узатса етаркан. Ўша илмлардан нега халқимиз шу пайтгача фойдаланиб, яхши бир савдо, тирикчилик (буғун бизнес дейилади) ҳақида китоб ёзмаган? Халқ айбдор эмас, аслида. Чунки улар мустақил бўлгач, тоғдай уйилиб ётган тирикчилик ташвишидан ортиб, илмга эътибор беролмасди. Ҳалиям тирикчилик

ташвишидан ортиб янгилик сари илдамлаётганлари кам. Биз шу пайтгача ва ҳозир ҳам бизнес ҳақида, савдо ҳақидаги етти ёт бегоналарнинг таълимотларидан сув ичяпмиз. Ҳалолликни қадоқлаб, темир сандиққа кўйиб қўйганимизга анча бўлган. Нима қилсанг қил, бойи, хар қандай йўл тўғри (ҳалолми, ҳаромми фарқи йўқ, сен танлаган ва тўғри деб билган ҳар қандай йўл ҳақ йўлдир).

Бугун инсонлар ҳалол тижорат деса ажабланадиган ахволга келиб қолаётир. Айни шу сабаблар туфайли қўлга қалам олиб, камтарона бир асар ёзишга киришдим. Бу асар сизга бойишнинг асл йўллари, омаднинг олтин калитлари, муваффакиятнинг ҳақиқий сири, хотиржам яшашнинг бебаҳо йўллари, саҳиyllикнинг самаралари, дўстликнинг устунликлари, ҳожатбарорликнинг туганмас фойдалари ҳақида ҳикоя қиласди. Яна ҳалол тижорат ва тожирнинг сифатлари берилади. Минг афсуски китобда тўлиқ маълумот йиғолмаганим учун кўп қаҳрамонлар ҳақида ёзилмайди.

Сиз китоб ҳақида гапирдику, аммо ким ёки нима ҳақидалигини айтмадику, деб ўйлаётгандирсиз. Айтаман. Марв деган сultonликни ҳамма эшитган. Бугунги Хоразм. Ўша юртдан бир ўғлон чиққан. Бугун уни кўпчилик билмайди, чунки улар қолиб бошқаларнинг ҳаётини ўрганишга киришиб кетилган. Ўша буюк, тарихда номини–ю, изини то қиёмат инсонлар қалбига ўйиб ёзив кетган бобомиз – Абдуллоҳ ибн Муборак. Ҳа, азизларим,

шу буюк инсон савдогарларнинг узтози деган мақомнинг эгаларидан бири.

Унинг ёшлиги илмга рағбат ва кучли ғайрат билан ўтади. Жанг санъатида ҳам жуда моҳир бўлиб етишгани эса кучли мусулмонлик сифатига далолат қиласди. Биз унинг тижорий фаолиятини дўсти ва китобдори тилидан ҳикоя қиласдик.

Отасининг “Савдогарликни обрўингни сақлаш, сахийлик қилиб илм аҳлига ёрдам беришинг ва факирларнинг мушкулини осон қилишинг учун касб қил!” деган биргина сўзи учун дунёнинг бойига айланиб, илм аҳлининг ҳақиқий ҳомийси бўлиб етишади.

Ушбу китоб жонимдан азиз бўлган ота-онамга бағишлиданади. Ўқиганингизда ота-онам ва каминани дуоларда йўқлашингиздан умидворман.

АБДУЛЛОҲ ИБН МУБОРАКНИНГ ДУНЁГА КЕЛИШИ

Ташқаридан назар солган одамнинг узумзор боғ ичида узумларни парвариш қилиб, қўриқлайдиган ва кўп ҳолларда ўша боғнинг ичида намоз ўқиб ўтирадиган инсонга кўзи тушади. У Муборак исмли тақводор инсон бўлиб, Марв сultonлиги қозисининг қули. У шу боғда ишлай бошлаганидан бери, ҳатто унинг шу уйга қўйган қадамидан бўён қозининг уйига ўзгача файз, барака ва хотиржамлик киргандай бўлди. Индамай ишини билиб қилаверадиган йигит қозига жуда ёқиб қолган. У боғнинг бир четида курилган кулбада яшаб, қоровуллик ҳам қиласди. Агар бирор зарурат билан қозининг ҳовлиси олдига келадиган бўлса, ҳатто уйга бир назар солмайди. Унинг одоби кўпчиликни лол қолдиради...

Бир куни қози уйига меҳмон чақирди. Узун калта бўлиб бир неча киши кириб келди. Уй соҳиби Муборакни чақириб унга узум олиб келишни буюрди. У кўзни қувнатадиган узумларни ювиб олиб келди. Улар узумдан тотиб кўрганида у нордан чиқди. Унга яна олиб келиш буюрилди. Бу ҳол тўарт марта такрорланди. Тоқати тоқ бўлган қози:

- Нега ҳар сафар нордон узум олиб келасан, тахирлигидан иштахалар бўғилдику. Сен қайси ширин, қайси тахир эканини билмайсанми? - дея жаҳл аралаш савол берди.

- Йўқ, - деди у мулойимлик билан. – Сиз менга боғга қоровуллик қилишни ва парваришлашни буюргансиз, ейиш ҳақида гапирмагансиз, - деди ҳижолат бўлиб.

- Ё Қудратингдан, бирор марта татиб кўрмадингми?

-
- Йўқ, хожам татиб кўрмадим.

Қозининг ҳоли ўзгарди. Меҳмонлар билан суҳбат ҳам татимади. Ҳаёлида бир ўй: қандай қилиб шунча катта боғдаги узумдан бир татиб қўрмаган бўлса?. Ўлаган сари фикрлари тиниклашар, Муборакка нисбатан ҳурмати ортарди. Охири чидолмади. Уни чақириди. Улар ўртасида шундай суҳбат бўлди.

- Сендан бир маслаҳат сўрасам.
- Куллардан маслаҳат сўралмайди хожам.
- Биламан, аммо сенга берилган илм, одоб, диёнат ҳаққи сендан маслаҳат олгим келди.
- Илмим етгунча жавоб бераман, хожам.
- Менинг бир бўйи етган қизим бор. Унга сultonлардан, ҳокимлардан, саркардалардан, савдогарлардан совчи келяпти. Уни кимга берганим хайрлироқ?
- Яхудийлар аёлнинг насабига, насронийлар бойлигига, Мухаммад алайхисалом даврларида диёнатига қараб танланган. Бугун аралашиб кетди. Ўзингизга маъқул келганини танлаб узатаверинг.
- Йўқ, мен сенга никоҳлаб бераман қизимни. Чунки бу умматда диёнат учун қиз олинниб, қиз берилади.
- Уйдагиларингиз билан маслаҳатлашинг. Мен бир қул бўлсам, унинг устига тайнли уйим ҳам йўқ.
- Бугундан озодсан. Қолганига Худо пошшо. Уйдагилар қароримни рад этмайди.
- Раҳмат хожам, сиздан Худо рози бўлсин (Муборак яхшиликдан қаттиқ суюниб ёмонликдан қаттиқ куюниб кетмасди, шунинг учун соддагина миннатдорлик билдириди). Қиз боладан сўралиши керак. Акс ҳолда мажбурланган бўлиб қолади.

- Унда бугун сўрайман. Майли қани озод киши, боғимда ойлик маош учун ишлашга розимисан? Агар истасанг бошқа иш ҳам қилишинг мумкин.

- Ишлайман.

- Жуда соз бомдод намозидан кейин гаплашамиз.

Қози аёлидан сўради, “сиз ёмон куёв танламайсиз, розиман”, деди, қизи ҳам худди шу жавобни берди. Қози хуфтонни ўқиб Яратгандан дуо қилиб, тўйни хайрли қилишини сўради.

Муборак намоздан сўнг узок ўйлади. Шундай улуг қозикалон оддий йигитга қиз берсая (у қуллигини бир онда унутди). У ҳам ушбу никоҳ унинг икки дунёсига ҳам фойдали бўлишини Аллоҳдан сўраб дуо қилди.

Бугун тонг ҳам бошқача отди Муборак учун. Озод кишининг нафас олиши ҳам бошқача бўларкан. Ҳар кунги боғ, ўз қулбаси кўзига бошқача кўриниб кетди. Ҳовлида қози жаноблари билан учрашувни кутиб тураркан, беихтиёр уй томон назар солди. Бирдан қилмишидан уялиб, кўзини олиб қочди. Ўнгайсизланди.

- Қани супага чиқ Муборак, - дея табассум билан қози чиқиб келди. Улар узок сухбатлашмади. Тўйни пешингача ўтказишни мўлжаллашди, асргача келинни олиб кетади. Шунча обрўсига одмигина тўй қилди қози. Нима унинг давлати етмасмиди? Етарди, аммо бойлигини кўз-кўз қилгиси келмади. Ундан ташқари куёвининг ҳамиятига тегиб кетгиси йўқ.

Хуллас тўй ҳам ўтди. Улар узумзорнинг четидаги одмигина уйда яшай бошлади. Қизнинг онаси ҳафтада бир келиб қизидан хабар олиб туради. Бешинчи дафа келишида қизининг йиғлаб тургани устидан чиқди. Уларнинг сухбати мана бундай бўлди.

-
- Нега йиғлаяпсан қизим?
 - Танлаб топған күёвларингиз ҳатто юзимга ҳам қарамаяпти.
 - Тушунарли...

Жаҳл билан уйига келган аёл хўжайини ишдан келишини сабрсизлик билан кутди. Эри келгач, аввало овқат сузди. Овқатланиб бўлгач, секин гап бошлади.

- Султонзодаларни менсимасдан оддий одамга қиз бергандингиз. У эса мана салкам қирқ кундирки, қизимизнинг юзига ҳам қарамабди. Шунақа зулм қилар экан нега уйланди?

Қози бир оғиз гапирмади. Хуфтондан сўнг Муборакни чақирирди. У келгач, қозилигига бориб бақирмади, жаҳлга минмади. Мусулмон киши олдин сабабини билиб, кейин тадбир қиласди. У ҳам масала моҳиятини билиш учун куёвидан оддий савол сўради.

- Нега шу вақтгача қизим билан гаплашмасдан, юзига ҳам қарамасдан зулм қилиб келяпсан?

-Минг бор узур. Орада сал англашилмовчилик бўлибди. Сиз қозисиз. Ишончли, шубҳали таом егансиз деёлмайман, аммо барибир совға салом, турли зиёфатлар, ҳукмлар (жанжалли вазият ечимлари) учун олинган пуллар шубҳали бўлиши мумкин. Шунинг учун мен мана салкам қирқ кундан бери ҳалол луқма едиряпман. Томирларидан тоза қон оқиши учун. Аллоҳ гувоҳ – мен бу ишни солиҳ фарзанд учун қилдим.

Қози лол қолди. Яратганинг инояти билан қуёвни тўғри танлаганига яна бир бор амин бўлди. Орадан бир йил ўтиб бу оиласда Абдуллоҳ дунёга келди...

АБДУЛЛОҲНИНГ БОЛАЛИГИ

Абдуллоҳ бошқалардек ўйинқароқ эмасди дейдиганлар адашади. У жуда ўйинқароқ эди, аммо болалигидан ўша ўйинқароқлигини ақл эгаллаганди. Бир куни ўртоқлари ўйнаб келиб, “Кетдик ташқарига от ўйин ўйнаймиз”, деди. Абдуллоҳ уларга ҳатто ақлини таниган инсонлар, улардан ўтиб олимлар ҳам ҳайрон қоладиган гап айтди. “Аллоҳ мени ўйин кулгу учун яратмаган”...

У ота-онасига ҳақиқий ёрдамчи. Ишлардан ортиб, жанг санъати билан шуғулланади. От миниш ва камондан отишни ўрганади.

Жуда қизиқувчанлигидан кўп хато қиласди. Отаси унга қаттиқ таъқиқ қўймайди, чунки ортиқча танбех ва таъқиқ болани бетарбия қилиб қўяди. Отасининг тарбиядаги ажойиб услубини у сўнги нафасигача гапириб юрди.

У Қуръон ёдлашдаги отасининг услубини кўп эслайди. От мининш, камондан ўқ узиш, қиличбозлик, жанг санъатига қаттиқ қизиққани учун отаси айни шунга мос услугуб топган. Агар бир бет ёдласа, жанг санъатига, икки бет ёдласа от миниш, уч бет учун ўқ отиш, тўрт бет учун қиличбозлик, беш бет мусобақага рухсат, олти бет учун сувда сузиш мукофоти. Абдуллоҳ жон дили билан ёдлашга берилган. Отасини қойил қилиш учун баъзан ўн, ўн беш бетлаб ёд олган. Шу тариқа қисқа муддатда

Аллоҳнинг Каломини қалбига жойлаган. Отаси ҳеч замон мукофотни бермай қолмаган.

У ҳали еттига тўлмасдан отаси савдо сирларини ўргата бошлаган. Узум, майиз сотиш, катта савдогарлардан улгуржи сотиб олиб, доналаб сотиш, уйга бозор қилиш каби илмларни у анча эрта олган. Отасининг ишларини диққат билан кузатган.

Илмий йигин, савдо мажлисларида бўлганида араб тилини билиш жуда муҳим эканини отаси унга тушунтирган. У араб тилини жуда тез ўзлаштиргани учун отаси унга от совға қилган. Кейин мадрасага дарсга қатнай бошлаган.

ОДДИЙ ТАНИШЛИКДАН ҚИЁМАТ ДҮСТАЛЫККАЧА

Мен Абдуллоҳ билан ҳадис ўрганаётганды танишканман. Ҳеч эсимдан чиқмайды, у күпчилик олдида мени ҳимоя қилғанды. Ҳатим чиройли бўлгани учун, негадир китоб кўчиргим келаверар, баъзан дарс тайёрлашга вақтим етмай қоларди. Бир куни ҳадисдан дарс қилмаганим учун устозим қаттиқ жазолади. Бошқа болалар мен билан гаплашмай қўйди. У пайтларда дарс қилмайдиган бола билан бошқалар гаплашмасди. У билан гаплашган бола зехни пасайиб кетишидан кўрқарди. Аммо, Абдуллоҳ ундаи қилмади. У мен билан гаплашди. Ёш бўлсақда (6 ёш эдик) ўзимизча ўртоқлашдик. Мени хайрон қолдирадигани, унинг қорилиги, юзлаб ҳадисларни ёд билиши эмас, ғайрати, шижаоти ва ўта кучли хотираси эди. Бирор нарсани бир эшлишида, китобларни бир ўқишида ёд оларди. Оддий мисол. Бир куни масжид олдидан ўтиб кетаётганимизда имом узун дуо қилиб, саловат айтди, бир неча оят Қуръондан ўқиди. У менга “мен тўлиқ ёдлаб олдим”, деди. Ишонмадим. Унинг гапларини ўша атрофдагилар эшишибди. Улар ундан ёдлаганини айтиб беришини сўради. У имом қандай айтган бўлса, ўшандай қайтариб айтиб берди...

Ордан бир ой ўтиб, у билан жуда қалин бўлиб кетдик. У менинг ёзишни яхши кўришимни билгач, ёзиладиган дарсларини менга берди. Мен ўз навбатида ундан устоз айтганларини ўзидек қайта эшиштаман. Шундай қилиб у билан дўстлашиб кетдик. У таъсирланиб кўп ривоятлар, ҳадислар айтиб беради, мен эринмасдан ёзигб олардим. Ана шундан унинг энг яқин дўсти ва китобдорига айланади.

бошладим. Тез орада тенгдошларимиздан илмда ўзиб кета бошладик. Бир куни устоз бизни бошқа устозга жўнатди. Шундан илм излаб йўлга тушдик. Аввалига Марв (Хоразм) ни айланиб тахсил олдик. Унинг файрати ва шижаоти борган сари ортиб борди. Дарсдан бўш вақтларимиз жанг санъати, сувда сузиш билан шуғулланардик. У жанг қилишда ҳам тезда кўпчиликдан ўзид кетди. Қиличлашиш, от устида камондан нишонни беҳато уриш, сувда сузишда унга тенг келадигани кам эди. Улгайгани сари ҳар томонлама етилиб бораверди. У Куръон тафсири, ҳадис шархи, турли масалалар баёнида Марвдагилардан олдинга ўтиб кетди. Бир куни менга “Абдусалом устозларим менга илм олиш учун Ироққа боришим кераклигини айтди. Сен билан бирга кетишни истайман. Чунки сендеқ яқин дўст ва китобдорни қаердан ҳам топардим”, деди. Табиийки мен бирдан жавоб беролмадим. Ота – онамдан сўрашим керак эди. Уйга келиб улардан рухсат сўрадим. Отам ҳеч иккиланмай “**боравер, дунё кез, олим бўл, ўзингдан из қолдир, сендан кейин келадиганларнинг ҳаётларини енгиллаштириш учун ҳаракат қил**”, деди. Онам ийғлади. Биз тўрт ўғил бўлсақда, онам мени бўлак яхши кўрарди. Лекин отамнинг раъйига қарши бормади. Дуо қилди...

ИЛК САЁХАТ БОШЛАНДИ

- Абдусалом сен қанча пул олдинг?, - деб сўраб қолди у дабдурустдан.

- 10 динор, деб жавоб бердим. Кейин сухбатлашиб кетдик.

- Биласанми, мен бир чақа ҳам олмадим. Аллоҳга тавакkal қилиб чиқяпман. Отам савдогарликни обрўйимнгни сақлаш учун, сахийлик қилиб илм аҳлига ёрдам беришим ва факирларнинг мушкулини осон қилишим учун касб қилишимни тайинлаб дуо қилди. Отамдан савдода ўргангандаримни бошқа мамлакатларда ҳам кўллайман. Тажриба ўз сўзини албатта айтади.

- Нега бир чақа ҳам олмадинг, ахир йўлда нима бўлишини билмайсанку Абдуллоҳ.

- Тўғри, билмайман, аммо Парвардигорим мен билан бирга. Ота-онамнинг дуоси билан қийинчиликлар осон ҳал бўлади.

Шу билан сухбатимиз тугади. Зикр қилиб кета бошладик. Аммо ҳаёлимда унинг гапи. Энди нима бўлади? Каби ўйлар. Мана йўлга чиққанимизга ҳам роса уч ой бўлди. Бир ойга қолмай етиб олишимиз керак эди, аммо йўл-йўлакай дарс олдик. Озгина ишладик. Ниҳоят Ироққа ҳам салкам етиб келдик. Бир ҳафталик йўл қолди. Пулимиз, озуқамиз тугаган. У ов қиласиди. Мен таом тайёрлайман. Кечалари намоз ўқиб, узоқ сухбаташардик. Базан тонг отишини истамасдим...

Бомдоддан сўнг, у билан яна йўлга тушдик. Бир кичик бозорнинг устидан чиқдик. Бир аёл яхши отни олиб чиқиб сотувга қўйган экан. Кўпчилик тўпланиб савдо қиласиди. Аёл отни боғлаб бир четда турибди. Бир

даллол аёлнинг номидан савдо киляпти. “Сотилди!”, дея энди отни қозигидан бўшатмоқчи эди. Абдуллоҳ қўлидан ушлаб қолди.

- Мусулмонмисиз?, деб сўради даллолдан. Даллол бу савонни кутмаган шекилли довдираб қолди. У олувчига ҳам юзланиб, шу савонни берди. У ҳам довдираб қолди. Аммо шарт ўзига келиб “Алҳамдуиллаҳ мусулмонман”, деди.

- Унда нега отни асл баҳосида сотиб олмаяпсиз?, дея савол берди у. Шу тариқа тортишув бошланди.

- Мен уни асл нархиди сотиб оляпман.

- Асл нархи бунча эмас, сиз ярим баҳосига сотиб олдингиз. Даллол фойдага шерик.

- Сен бизга ақл ўргатма, ҳали ёш экансан.

- Илм ва ҳақгўйлик ёш танламайди. Келинг аёлдан отни нима учун сотаётганини сўраймиз.

- Сўра!

- Кечирасиз, отни нега сотяпсиз она?

- Эрим касал, болаларим оч. Ишлайдиган ёшда эмас улар. Шу ерда бозор бўладиган кунлар уйимизда қўлга илинадиган нарсаларни сотиб, рўзғор қилиб кетаман. Бугун кунимизга яраб турган отимизни сотиб, рўзғордан ортганига эримга дори-дармон олмоқчи эдим. Аммо сотган пулим харажатларимга етмайди. Иложсизман. Отни қайтариб кетсан, рўзғор ўтмайди, - дея йиглаб юборди. Одамлар гунгур-гунгир гаплашиб бошлади. Лекин ҳамма воқеа қандай яқун топишини кутарди. Абдуллоҳ сотиб олган одамдан яна пул қўшиб беришини талаб қилди, аммо у кўнмай туриб олди. Бошқалар бизнинг ёнимизни олди. Лекин у савдо ҳалол бўлганини айтиб туриб олди. Шунда Абдуллоҳ ўз отини аёлга бериб

юборди. Бир киши воқеани кузатиб турган экан. Аёлга:

- Мен табибман. Дорини сизга текинга бераман, -деди. Шу тариқа кўпчилик аёлга қўлида боридан бера бошлади. Даллол билан савдогар мулзам бўлиб бир четда қолди.

Унинг миниб турган отини бериб юборгани ортиқча бўлди. Йўл мashaққатли, у бўлса, ўйламай нетмай отини шарт бериб юборди. Ана жўмардлик. **“Аллоҳ жўмарддир, жўмардларни яхши кўради”**. Ушбу ҳикматнинг маъносини энди тушунгандекман. Чунки унга нисбатан муҳаббатим минг чандон ортди. Аллоҳнинг оддий бир қули шунчалик таъсирланиб, меҳри товланган экан, Холикнинг яхши кўришини тасаввур қилиш қийин.

Машаққатли сафар ортда қолиб, Ироққа кириб келдик. Катта жоме масжидида пешинни ўқиб, илм мажлисига бордик. Асрни ўқиб бўлгач, тунашга жой қидирдик. Мен маҳаллий аҳолини бунчалик меҳмондўст деб ўйламагандим. Исломнинг гўзаллиги, адолатлилага, тенглик дини эканига яна бир бор амин бўлдим. Марвдаги мусулмонлар қандай одобли бўлса, маҳаллий халқ ҳам шундай гўзал ахлоқли эди. Биз бошқа мамлакатга келганимизни ҳис қилмадик. Гўё узоқ айланиб яна Марвга келгандек. Сиз табиати ўхшамайди дерсиз. Ҳақсиз, аммо қалб яқин бўлса, инсонлар бир-бирини тушунса, бошқа омиллар иккинчи даражали бўлиб қолаверади. Хуфтон намозини ўқигач, у билан узоқ сухбатлашдик.

- Абдусалом энди мен тижорат қилишим керак.
- Сармояни қаердан олмоқчисан?

-
- Аллоҳ меҳрибон. Сармоя чўнтақда эмас мияда бўлади.
 - Сен доим мени лол қолдирасан. Аммо бу сафар ростдан ҳам ахволимиз тант. Чиндан ҳам савдо қилишимиз керак.
 - Бомдоддан кейин катта бозорга тушамиз.
 - Яхши, аммо пулни қаердан оламиз? Қарз олишга таниш бўлмаса, отни сотай десак, ўзи биттагина от. Уни ҳам сотсак, узоғимизни яқин қиладиган воситадан айриламиз.
 - Таваккул қил, Худонинг Ўзи йўл кўрсатади. Яхши дам ол.

Мен дам олишга қанча ҳаракат қилмай, тирикчилик ташвиши устун келиб уйқумни қочиради. Таваккал қилиб уйқуга кетдим. Тушимда олтин-кумуш хазон бўлиб ётган жойда уларни тепкилаб юрибмиз. Абдуллоҳ қайрилиб ҳам қарамайди.

Ёқимли аzon товуши бомдодга чақирди. Таҳорат олиб, масжидга чиқдик. Намоздан сўнг бозорга бориб, газлама, ипак сотиладиган растани айландик. Мева, ширинлик, мол, қўй бозорларни кўздан кечирдик. Бир пайт Абдуллоҳни тополмай қолдим. Бир соат қидириб, газлама бозоридан топдим. У тилмочлик (таржимонлик) қилиб турган экан. Халал бермадим. Ишлар битгач, тушлик қилиб, пешин ўқидик. Кейин қизиқиш устун келиб, ундан сўрадим.

- Абдуллоҳ савдогарга тилмоч кераклигини қандай билдинг?

- Атрофни кузатиб турсам, бир савдогар ташвишли кўринди. Бир – икки одамнинг олдига борди, аммо улар қўлларини кўтариб, “тушунмадик” ишорасини қилди. Олдига борсам, форс ўлкасидан келган савдогар экан. Араб тилини яхши билмаслигидан молларини сотолмаётган экан. Олдинги тилмочи жуда қиммат нарҳ айтибди. Мен кўнглидан чиқариб берганига рози бўлдим. Шу тариқа моли сотилди, мен 15 динор ишлаб олдим. Бу пул икки ой бемалол яшшимизга, илм олишмизга етади, - дея жавоб берди табассум қилиб. Шу йўсин бозорда таржимонлик қила бошлади. У ҳам илмдан ортган вақтида. Кечки пайт эса ўргангандаримизни ёзамиз, аникроғи у айтиб туради, мен ёзаман. Орадан бир йил ўтиб, устозлар Абдуллоҳга бошқа устозга боришни тайинлади. Шу билан бир неча йил илм талабида шахарма шаҳар, мамлакатма мамлакат кезиб юрдик. Ироқ, Яман, Жазира, Миср ва Шомда илм таҳсил қилдик. Қаерга борсақ, узоги олти ой туардик. Шу орада 3 мингдан дан ортиқ шайх билан кўришдик. Бир куни бир устозимиз бизга Куфадаги отаси Термизлик Нўмон ибн Собит (Абу Ҳанифа) ҳазратларининг олдига боришни тайинлади. Вақтни кўлдан бой бермай йўл тадоригини кўра бошладик. Аммо кўнглимнинг бир четида йўлга қўйган тижоратимиз, топаётган пулларимиздан айрилгим йўқ эди. Чунки бу ерда ишларимиз яхши эди. Мен ҳам хатлар, мурожаатномаларни таржима қила бошлаган, озми-кўпми фойда қилаётган эдим. Лекин илмга рағбатимиз устун келди. Абдуллоҳнинг олтинларни босиб ўтиб кетаётгани

ҳаёлимда тез-тез гавдаланадиган бўлиб қолди. Қалби дунёга боғланмаган унинг. Бир лаҳзада ҳаммасидан кечиб юборади-я, Субҳаналлоҳ.

Биз шом вақтида Абу Ҳанифа ҳазратларининг уйларига етиб келдик. Узоқдан ажралиб тураркан. Бадавлат эканда деган ўй ўтди ҳаёлимдан. Эшикни бир йигит очди. Очиқ чеҳра билан меҳмонхонага бошлади. Устоз билан эртага учрашишимизни айтди. У ерда бизга ўхшаган мусофиirlар кўп экан. Бир мусофиir билан гаплашиб қолдик. У устозимиз уйни атай катта қилиб қурганини, одамлар ёрдам сўраб мурожаат қилиши осон бўлишини, уй қидирса мўлжал аниқ бўлишини ният қилган экан. Бу одам бой, ёрдам бера олади, деган ишонч бўлиши учун шундай йўл тутганини айтди. Нўмон ибн Собит ҳазратларига ҳурматимиз янада ортди. Ҳуфтондан сўнг Абдуллоҳ менга қараб шундай деди.

- Абдусалом мен бундан ҳам катта уй қурдираман. Ҳовлим ҳам ундан икки баравар катта бўлади. Токи юзлаб одамлар сиғадиган бўлсин. Мусофиirlар ҳеч иккиланмай ҳовлимга кириб келсин. Мен унинг нияти амалга ошишини сўраб дуо қилиб қўйдим. У айтганини қиласидиган одам.

АСЛ БАРАКА

Мана устознинг уйида туриб ўқиши ҳам бошладик. Аммо Имоми Аъзам ҳазратлари билан пешингача кўриша олмадик. Сабабини кейин билдик. Хабарчилар пешинга яқин биз ҳақимизда айтишган экан.

Устозни минглаб одамлар орасидан бемалол ажратиб олса бўладиган даражада экан. Ўрта бўйлардан узунроқ, буғдоранг, кенг елкали, катта кўзли, қорин қўймаган қотмадан келган. Киймлари нафис ва тоза. Ўзидан энг сара мушк иси келади. Гаплашмасдан туриб, у кишини яхши кўриб қоладиган даражада истарали. Юзидан нур ёғилиб туради.

- Қани ота юртимдан келган меҳмонлар, юрт ҳавосидан баҳраманд бўлай, - деди устоз биз томон яқинлашиб.

Кучоқлашиб кўришдик. Абдуллоҳга узоқ термулди. Биз келмасимиздан шамолимиз келган экан. Балки устоз унга термулганида олис келажакда эмас яқин орада илмда, авлиёликда, савдода пешқадам бўладиган инсон сиймосини кўргандир. Балки юрт соғинчи устун келиб, ватадошидан ота ватан кенгликларини, ширин булоқлари-ю, чўққисига қараганда дўппи тушадиган тоғларини кўз олдига келтиргандир...

Бизичкарига кирибанчагаплашибўтиридик. Пешиндан сўнг дарсни бошладик. Устоз кунларини жуда аниқ режа асосида ўтказаркан. Кечаси умуман ухламасди. (бир шогирди 20 йилдан бери елкаси тўшак кўрмади деганида ишонмаган эдик). Кечаси Қуръон тиловат қиласди. Бомдоддан кейин Аллоҳни зикр қиласди. Савдо ишларига қарайди. Пешиндан сўнг асргача дарс беради. Асрдан

шомгача масала сўраб келганларнинг, хожатмандларнинг хожатларини чиқаради. Шомдан хуфтонгача тафаккур қиласди, масжидда бўлади. Хуфтоннинг таҳорати билан бомдод ўқиди. Илми денгиз қадар. Зеҳни ўта ўткир. Жуда талабчанлигидан баъзан шогирдлари кийналиб ҳам қолади. Савдода жуда ҳалол ва эҳтиёткор.

Бир куни бозорга ипак ва газламаларни тартиблаб, тахлаш учун бизни олиб борди. Унинг бир шериги бор экан. Бир шойини 200 дирхам эмас 400 дирхамга сотибди. Шеригини койиб, харидорни топиб келишни буюрди. Харидор келгач, унга 200 дирхамини қайтиб берди. Уларнинг ўртасида гўзал “тортишув” бўлди.

- Мана бу пулни олинг. Бу матони биз 200 дирхамдан сотамиз.

- Йўқ, устоз сиздан Аллоҳ рози бўлсин. Мен берганимга розиман. Бозорда шу мато 500 дирхам туради.

- Мен 200 дан сотаман. Устига фойдамни ҳам кўшганимдан кейин шу нарх ҳосил бўлган. Қолгани ҳалол бўлмай қолади. Бозорни биламан, аммо Худодан кўрқаман.

- Майли устоз, Аллоҳ савдоингиз ва илмингизга баркалар ато этаверсин.

- Омин.

Ўша куни устоз шериклари балан ишни тўхтатди. Ҳалол тирикчиқлик учун шундай қилди. Биз кечаси шу воқеани Абдуллоҳ билан узоқ мухокама қилдик. Абдуллоҳ билан кун келиб савдода ҳам устоздек иш тутишни режа қилдик.

Бомдоддан кейин ҳовлига чиққандик, устоз бир пора тиловат қилгудек муддатдан сўнг олдига ўтишимизни тайинлаганини айтишди. Мен китоб

ўқидим, Абдуллоҳ Қуроън тиловат қилди. Бир пора тутгатгач, туриб устознинг олдига бордик.

- Келинглар, - деди устоз ўрнидан туриб. – Мен сизлар ҳақингизда суриштиридим. Мисрдаги илм таҳсили ва тирикчиликларингизни ҳам сўраб билдим. Тижоратга иқтидорларингиз борлигини сезганим учун ҳам кеча бозорга олиб боргандим. Сизларнинг тижоратдан етарлича илмингиз борми?

- Йўқ, устоз, - деди Абдуллоҳ. (У одатда озгина билса ҳам билмайман дер ва ўрганишга киришарди). Аммо йўл-йўриқ кўрсатсангиз ўрганиб кетамиз. Берган қўлга айланиб, инсонларнинг ҳожатларини умрим сўнгигача чиқаришни ният қилганман. Аллоҳдан дуода ҳам сўрайпман.

- Илмга иштиёқинг жуда баланд. Келганинга унча кўп бўлмаган бўлса-да, баракангдан баҳраманд бўлдим. Ҳозир сизларга Пайғамбаримиз алайҳиссаломнинг тижоратлари ҳақида бироз айтиб бераман. Гапимни ҳадис билан бошлайман. **Эй мусулмон тижоратчи, олишда ва сотишда, қарз беришда ва олишда доимо осонлик ва қулагайликни асос қилиб олки, тижоратингни хотиржам бир тарзда амалга оширган холда Аллоҳнинг раҳматига эришгайсан** (Бахридин аканинг китобидан), деган Муҳаммад саллоллоҳу алайҳи васаллам. Шунга мувофиқ кеча шеригим билан ишни тўхтатдим. Хўш, мавзуга қайтай. Пайғамбаримиз алайҳиссалом ҳақиқий тижратчи эди. Маккадан мол олиб Яслиб, шомга бориб сотар, у ёқдан турли буюмлар сотиб олиб, Маккада сотарди (бугунги кунда экспорт-импорт дейилади бу. Пайғамбаримиз Муҳаммад алайҳиссалом илк экспортёр ва импортёр бўлган Муаллифдан). Бугун мен ҳам тўрт

томонданга карвон жўнатиб олди - сотти қиляпман. Кун келиб сизлар ҳам моҳир савдогар бўлиб етишингизга ишонаман. Қани энди илм олишга ғайрат қиласверинг.

Биз бу даргоҳда асосан ҳадис ва фикҳдан дарс олардик. Абдуллоҳ шу даражада закий ва иштиёқли эдики, баъзан таомланиш ёдидан чиқиб қоларди. Илм олиш истаги ўта кучлилигидан устознинг ҳар бир сўзини қалбига жойларди. Бир куни ундан хотираси нега бу қадар кучлилигини ва ёдлаган нарсалари ёдидан чиқмаслигини сўрадим.

-Мен нимани қалбимга ишониб топширган бўлсам, у мени ҳеч қачон ноумид қилмаган ва унутиб қўйиш қўркувидан озод қилган, - деб жавоб берди. Унинг жавобидан лол қолдим. Қалбга ишониб топшириш нима эканини билмасдим. Кейинчалик англадим. Илмни бутун вужуд билан, роҳати дил билан олинса, қалбга мустаҳкам ўрнашар экан. Аммо Устоз бу қарашим озгина хато эканини тушунтириб қўйди. Илмни тақво билан ҳосил қилиш керак экан (Тақво Аллоҳ буюрганларини қилиб, қайтарган ишларини қилмаслик). Яъни гуноҳлар, харом ишлар, шубҳалардан тийилиб, илм, савдо қилиш ҳақиқӣ барака келтирас экан. Тушунчам ниҳоят бутун бўлди.

Илм қалбга мустаҳкам ўрнашиши учун, тижорат баракали бўлиши учун ҳаром ишлардан, гуноҳлардан, шубҳалардан, фирромлиқдан тийилиб, роҳати дил билан ҳаракат қилиш керак.

Куфада ҳам катта бозор бор экан. Илмдан бўш вақтларимизда бозорга чиқа бошладик. Мисрда йиққан пулларимизга форсдан, шомдан келадиган карвонлардан мол олиб сота бошладик. Бу ишимиизга устоз қаршилик қилмади. Аммо кўпчилик шогирдларига рухсат бермасди. Бир куни бир аёл келди. Устозда иши бор экан. У устозга

хурмат билан гап бошлади.

-Ассалому алайкум имоми аъзам ҳазратлари. Ўғлимни олиб кетмоқчиман.

-Нега олиб кетмоқчисиз?

-Оилада бокувчим йўқ, у эса ишлаш ўрнига бомдоддан шомгача илм билан машғул.

-Ишлаш учун олиб кетмоқчимисиз?

-Ха, ўзим ишлолмайман.

-Бир ойда рўзғор учун қанча сарфлайсиз?

-50 дирҳам.

-Илтимос ўғлингизни олиб кетманг. Унинг зеҳни ўткир, китоб ёзадиган, илм тарқатадиган қобиляти бор. Мен сизга ойига 100 дирҳам бериб тураман. Яна бирор хизмат бўлса, тортинманг.

-Сиздан Аллоҳ рози бўлсин. Умрим охиригача сизни дуо қилиб ўтаман.

Шу воқедан кейин биз билдириласдан савдо қиласдиган бўлдик. Лекин устозга билдириласдан илож йўқ эди. Охири Абдуллоҳ устозга айтишга қарор қилди. Устоз унинг гапларини табассум билан тинглади. Кейин сўз бошлади.

-Сен айтаётган гапларни бир ойдан буён кутиб юргандим. Тушунаман, мендан хайиқиб турибсан. Савдони тўхтатиб қўяди деган хавотирдасан. Кўнглинг хотиржам бўлсин. Мен сен билан илк кўришганимдаёқ, етти иқлимга донғи тараладиган тижоратчи бўлишингни сезгандим. Тўхтама, аммо илмдан қолма.

-Худо хоҳласа илмдан ортган вақтимдагина тижорат қиласман. Аммо кунимни қандай режалаштиришга хайронман.

-Кунингни мендек режалаштири. Аммо ухлашни тарк этма. Сенга бир саволим бор. Айтчи итлар бир

болалаганда 12 талаб кучукча туғилади. Қўй эса бир йилда бир марта нари борса икки марта болалайди, аммо битта ё иккитадан. Лекин қўй кўпу, аммо итлар кўп эмас. Аслида итлар дунёни босиб кетиши керак эмасмиди?

-Билдиринг устоз, саволнинг жавобини билмайман.

-Итлар туни билан акиллаб, сахар вақти ухлаб қолади. Қўйлар туни билан ухлаб сахар вақти уйғоқ бўлади. Мараб эгасини уйғотади. Улар қуёшни уйғотади. Орадаги фарқ ризқ тарқатиладиган вақтда. Сен ҳам қуёшни уйғотишдан тўхтама. Энди кунингни режалашингга келсак, ҳозир баъзи қилишинг керак ишларни айтаман. Аввало бомдодни ўқиганингдан сўнг кунлик зикрларингни қил, Куръон ўқи ва ҳадис ёдла. Кейин тижорат қил. Пешин намозини ўқиганингдан кейин менинг дарсларимни тингла. Асрдан сўнг яна тижоратинга қара, улуғларни зиёрат қил. Шом ўқигач масжиддан чиқиб уйингга бор ва тафаккур қил. Ҳуфтондан олдин бугунги кунингни ҳисоб-китоб қил. Савобинг кўпроқми, гуноҳингми аниқла. Дангасалик қилган ўринларингни белгилаб қўй. Фиқҳни, ҳадис шарҳлашни, тафсирни ўрган ва иложи бўлса, китоб ёзгин. Ундан сўнг эртанги кунингни режалаб ол. Бугунги режалашга кетган вақтинг сенинг бир кунингни тежаб беради. Ҳуфтонни ўқигач, ўрганган билимларингни бир тақрор қил ва таҳоратли ҳолда ухлагин. **Беш вақт намозини ўринлатиб қўймаган одамнинг бошқа ишларни қойил қилишига ишонмайман.** Намозга эҳтиёт бўл.

-Аллоҳ сиздан рози бўлсин устоз. Айтган тавсияларингизга албатта амал қиласман.

Ана шу кундан эътиборан янада шижаот билан илм ола бошладик. Ибодатнинг завқини теранроқ ҳис қила бошладик. Тижоратимиз ҳам гуллай бошлади.

Кунлик режаларни намозлар орасига қўйиб олганимиз учун адашмасдик ва чалғимасдик. Абдуллоҳ бир вақтнинг ўзида фақат бир ишни қиласарди. Ўша ишни битирмагунча бошқа ишга ўтмасди. “**Чала қилинган иш бошланмаган ишдир**”, деган гапни кўп такрорларди.

Мана орадан беш йил ўтди. Шу вақт ичиди Абдуллоҳ 10 та китоб ёзди. У ҳадис ўрганиш мақсадида дунёнинг тўртдан бир қисмини кезиб чиқди. (Дарвоҳе, мен ҳам у билан бирга юрт кездим) Тижоратини кенгайтирди. Янги ҳовли сотиб олди. Ҳовли жуда катта бўлиб, минг кишини бемалол сиғдиради. Мана салкам бир йилдан буён усталар девор айлантириб, уй курмоқда. Абдуллоҳ ният қилган орзусига эришаяпти. Умуман устознинг кўрсатмалари асосида режали ишлаганимиз босиб ўтадиган қийинчиликларимизни енгиллаштириди. Устозсиз бир ҳафталик йўлни, етти йилда босиб ўтасан, деган гап рост экан. Бу орада устоз Абдуллоҳни чақириб уйланиш таклифини берди.

Абдуллоҳнинг тўйи соддагина бўлди. Оиласи ҳақида батафсил айтольмайман. Чунки у алоҳида масала. Хуллас уйлангач ҳам илмни тўхтатмади, ишларини қолдирмади. Унинг Ироқда ҳам Марвда ҳам камида минг кишини сиғдирадиган ҳовлиси бор эди. Тижорат билан Хурсондан араб диёрларига, Шомга қатнаганида ўз уйида турарди. Ундан ташқари илм истаб ва тижорат билан юриши сабабли ўндан ортиқ мамлакатда уйлари бор эди. У уйлар бўш эмас, муҳтоҷ ёш оиласарга берилган ва қачон борса ўша ерда туриш учун рухсат олинган эди (одам ўз уйини бирорвга бериб, яна ҳар замон келганида яшаб туриш учун рухсат сўраганини энди кўришим эди).

УСТОЗДАН АБАДИЙ ИБРАТ

Бир куни устознинг илм мажлисида ўтиргандик. Устоз бизга фиқҳдан дарс берётганди. Имоми Аъзам ҳазратларининг ўрнак бўларли одатлари кўп эди, аммо бир одати бор эдики, бизни доим лол қиласади. Устоз ўзи савол бериб, ҳар биримиздан жавоб эшитар ва охирида ўз жавобини берарди. Ўша куни ҳам бир савол берди.

-Айтингларчи, қайнаб турган шўрвага куш тушиб кетди. Энди шўрванинг масалси нима бўлади? Биз бирин – кетин жавоб берса бошладик.

-Шўрва ҳалол бўлади.

-Қайнаган сувда ҳамма нарса пишиб кетади ва ҳалолдир.

-Эгаси билмагани учун ҳалол бўлади. Навбат Абдуллоҳга келди.

-Устоз қушни олиб ташлаб шўрвани ичса бўлади. Чунки куш ҳалоллаб сўйилмаган. Устоз куиб турдида, ўзлари жавоб берди.

-Шўрвага тушган куш тозаланмаган ва ҳалоллаб сўйилмаганидан нажосатдир. Нажосат тушган шўрвани ичиб бўлмайди, ҳаромдир. Шўрванинг ҳаммаси тўкиб ташланади. Биз умримизнинг охиригача устознинг олдидан кетолмаслигимизни, илмлар денгизидан баҳраманд бўлиб туришимиз лозимлигини яна бир бор англадик. Бир вақт бир киши шошиб дарсга кириб келди. Устоздан узр сўраб, келагни сабабини билдириди.

-Устоз шомдан йўлга чиққан карвонингизни қароқчилар талабди. Афсусдаман. Устознинг ҳолати умуман ўзгармади. Бир мартағина “Алҳамдулилах”, деб кўйди. Кейин яна дарс ўта бошлади. Орадан икки пора

Куръон ўқийдиган вақт ўтгач, ўша киши тағин ҳаллослаб келиб қолди.

-Минг бор узр, устоз, сизни ташвишга қўйдим. Кароқчилар урган карвон сизники эмас экан. Сизники соғ-омон келаётган экан, - деди. Бу гапни эшигтан устознинг ҳолати яна ўзгармади. Тағин бир мартагина “Алҳамдуиллах”, деб қўйди. Жавобдан ажабланган хабарчи савол сўаради.

-Устоз карвонингизни кароқчи урди, деганимда ҳам “Алҳамдуиллах”, дегандингиз, карвон соғ-саломат экан деганимда ҳам “Алҳамдуиллах”, дедингиз. Бунинг ҳикмати нима? Устоз табассум қилиб жавоб қилди.

- Сен менга карвоним талон-тарож қилинибди, деганингда қалбимга қулоқ солдим. Агар у дунёга боғланиб қолганида ҳам чекиши керак эди. Аммо ўзгариш сезмадим. Шунинг учун “Алҳамдуиллах”, деб қўйдим. Сал туриб карвоним саломат эканини хабар қилганингда яна қалбимга қулоқ солдим. Дунёга боғланган қалб тезда хурсанд бўлиб кетади. Аммо қалбимда ўзгариш сезмадим ва бу сафар ҳам “Алҳамдуиллах”, дедим.

Устознинг жавоблари ва гўзал ахлоқи қиёматгача келадиган умматлар учун ҳақиқий ибрат бўлди. Дарс олиб бир хурсанд бўлган бўлсак, шундай кенг кўнгилли устоз билан сухбатлашиб турганимиздан бир қувонамиз. Абдуллоҳ билан савдо иши юзасидан кўп мамлакатларга боришга тўғри келади. Устоздан йирокда илм мажлисларини чўлда қолган инсон сув истаганидан ортиқроқ хоҳлардик.

ОМАД ОМАДСИЗЛАР ҚИЛИШНИ ИСТАМАГАН ИШЛАРНИ ҚИЛИШИНГДАДИР

Биз одатдагидек устознинг олдида масала тинглаб ўтирибмиз. Биз у зотдан файз олардик. Барка олардик. Шунинг учун тез – тез олдилариға бориб, дарс олишни канда қилмасдик. Яна шуни ҳам билардикки, ҳар сафар бу даргоҳдан янги бир нарса ўрганиб кетамиз. Бу сафар устоз дарсдан сўнг, бизни Хурмозорга бошлади. Ўз хурмозори ва бошқа боғларни кўрсатди. У ерда ҳатто устознинг боғидан ҳам чиройлироқлари, серҳосиллари бор эди. Умуман яхши ишлов берилмаган боғлари ва шохлари тарвақайлаб ётганлари айниқса кўп эди. Устоз ҳар доимгидек аввал бизга савол берди.

-Шу боғларни кўриб, қандай хulosага келдиларинг? Нега ҳамманинг боғи ҳар хил?

Биринчи мен жавоб бердим.

-Устоз, менимча боғ парваришлашга уқувсизлик туфайли бу ерда мева бермаётган хурмолар кўп бўлса керак.

Мендан сўнг Абдуллоҳ жавоб берди.

Устоз, менимча бу ерда меҳнатга эътибор бериш керак. Мана бу гуллаб-яшнаб турган боғларнинг эгалари муносиб меҳнат қилган, ёввойи боғга айланганларида меҳнат яхши бўлмаган.

Бизнинг жавобларимизни тинглагач, устоз ўз саволига жавоб бера бошлади.

-Иккалангизнинг жавобларингиз ҳам тўғри. Аммо мен сал бошқачароқ жавоб бераман. Бу ерда омадсизлик ва омаднинг чегараси бор. Мана бу боғга қаранглар

қурий деб қолган. Эгасини танийман. Биз у билан бу ерга хурмоларни бирга экканмиз. Богимнинг ёнидаги меникиданда серҳосил ва чиройли ишлов берилган боғ эгаси ҳам биз билан бирга эккан. Боглар орасидаги фарқ шу қадар аниқки, хурмони парваришилаш нима эканини билмаган одам ҳам сезади. Биз бу ерни ўзлаштиришни бошлаганимизда жуда унумсиз ва ўғитталаб эди. Аммо таваккал қилдик. Мехнатни бирга бошладик. Биринчи йили эккан хурмоларимиз кўкармади. Иккинчи йили ерни ўғитладик. Қайтадан экдик. Яна биз кутган натижа бўлмади. Учинчи йили кўкарди. Кейин сув бериб, ўғитладик. Парвариш қилдик. Мен савдо иши билан ва илим билан кўп банд бўлдим, аммо боғга қарашни унутмадим. Икки тарафдаги боғ эгалари ҳам меҳнат қилди. Аммо гуллаб турган боғ эгаси биздан кўпроқ ишлади. У совуқни совуқ, иссқни иссиқ демасди. Боғга биздан олдинроқ келиб, кейинроқ кетарди. Аксига олиб, унинг ери унумсизроқ экан. Қайта-қайта меҳнат қилишга, қуриб қолган кўчатлар ўрнига янгисини экишига тўғри келди. Унинг бошқа тирикчилиги йўқ эди. Ҳосилдорликни оширишга мин марталаб уринишлари самара берди ва бойиб кетди. Иккинчи тарафдаги қўшним ҳам меҳнат қилди. Аммо биздан кейинроқ келиб, олдинроқ кетарди. Куриб қолган кўчатлар ўрнига янгисини экмасди. Совуқ пайтлар уйидан чиқмас, иссиқ пайтлар фақат жуда кам меҳнат қиларди. Оқибат у ҳамон фойда кўргани йўқ. Умидини узиб ҳам кўйган. Бозорга борсаларинг ҳозир ўша одам мардикорлик қилиб юрибди. Менинг боғимга келсак, ўзим меҳнат қилмаганим учун ишчилар кўнгилдагидек меҳнат қилмади. Ҳосилдорлик қўшниникидан уч баробар кам. Айтганларимни тушундингизми?

-Тушундик, - деб тасдиқладик.

-Йўқ сизлар тўлиқ тушунмадингиз.

Англамаганингиз кўзингиздан маълум, - дея устоз гапида давом этди. – Бу ерда муваффақият ва муваффақиятсизлик орасида аниқ фарқни кўрмаяпсизарми? Камғал одамнинг тақрор-тақрор уринишлари самараси ва омадсизнинг қилишни истамаган ишларини қилгани учун бойиб кетгани зўр ибратку. Ўртахол одамнинг дангасалиги ва ўзига ёқмаган, лекин фойда келтириши мукаррар ишларни қилмасдан мардикорга айлагани асл фожиадан бўлак нарса эмас. Бугунги дарсимни ҳеч қачон унутманглар. **Омад – омадсизлар қилишни истамаган ишни қилишингда.**

Биз устознинг гапларидан шу қадар қаттиқ таъсирландикки, то боғдан чиқиб, масжидга келгунча бир оғиз гапирмадик. Мен Абдуллоҳнинг ёзган асарларини кўчиришга дангасалик қилганларимни, савдо ишидаги баъзи келишувларни арзимас баҳоналар билан ортга сурганимни, оқибат ўша ишлар ўҳшамаганини эсладим. Яна ёғингарчилик пайтлари муҳим сафарларни бекор қилганларимни, оқибат фойдадан қуруқ қолганларимизни афсус билан ҳаёлдан ўтказдим. Абдуллоҳга қарасам шижаоти янада ортган, кўзлари ёниб туради. Яна ҳам қаттиқроқ меҳнат қилишга бел боғлаганини ва натижада даромадларимиз мислсиз ортиб кетишини ҳис қилдим. **Ва ўзимга ўзим вада бердим: энди қулай фурсатн кутмайман. Омадсизлар қилишни истамаган ишларни қиласман.**

ҲИСОБЧИННИНГ ИШГА ОЛИНИШИ

Мана бир неча йилдан буён тижоратимиз гуллаб-яшнайти. Абдуллоҳнинг карвони дунёнинг тўр тарафига қатнаб тижорат қиласди. Асосан газлама ва мўйна сотилади. Тижорат бошланиб то шу кунгача энг моҳир ишчилар йиғилди. Савдо ва бошқа ишларга жами 300 киши ёлланди. Уларнинг орасида ҳисобчилик алоҳида танлаб олинди. Чунки агар ҳисобчи қинғир бўлса, ишлар олдинга юрмайди. Шу ишни бошқаришга Абдуллоҳ роса икки йил деганда бир одам топди. **Унинг бир шиори бор: “Ишга секин, синаб оламиз, бўшатсак, норози қилмаймиз ва муддат берамиз”.**

Марвда (Хоразм) тижорат қилиб турганимизда Абдуллоҳ тез-тез бозорларни айланар, ишлаб чиқариш, ҳунармандчилик ишлари билан танишар ва янгилик изларди. У ишлаб чиқарувчилар билан савдо фақат у орқали бўлишини келишиб оларди. У бу ишни нархлар кўтарилиб кетмаслиги ва чайқовчилар оддий халқни қийнаб қўймаслиги учун қиласди.

Бир куни у менга бир жойга ўтиб келишимизни айтди. Кўчираётган китобимни тўхтатиб, унга эргашдим. Биз ҳунармандлар бозоридаги бир дўконга кирдик. У ерда 20 ёшлар атрофидаги бир йигит алоҳида дафтарларга бир нималарни ёзиб ўтиради. Бизга қайрилиб қарамади ҳам. Абдуллоҳ салом бергач, бизга эътибор қилди. Ҳижолат бўлиб, ишларини тўхтатди-да, муздек сув олиб келди. Абдуллоҳга “устоз”, деб мурожаат қилди. Мен таажжубланиб турганимда Абдуллоҳ гап бошлади.

-Бу йигитни мен икки йилдан буён кузатаман. Ўз ишини билиб қиласди. Мана шу дўкон хўжайинининг

хисобчиси. Мен дўкон эгаси билан гаплашдим. Энди у биз билан ишлайди. Мана икки ойдан бери ўзига шогирд тайёрлайти. Шогирди дўкондаги ишларни эплайдиган бўлиб қолди. Яқинда биз билан Ироққа қайтади. Кейин менга бир имлаб қўйди-да, ўзи ташқарига чиқиб кетди. Бу ишонмасанг, ўзинг бир ишини кўргин дегани эди. Ундан иши билан таништиришини илтимос қилдим. У менга бир неча дафтар олиб келиб кўрсатди. Мен шу вақтгача бу қадар аниқ хисоб-китобли ишни кўрмагандим. Дафтарлари алоҳида ишлар учун тутилган экан. Биттаси фақат кириб келаётган пуллар учун, яна бири харажатлар, яна бири қарзлар, тагин биттаси шартномалар, биттаси режаланган харажатлар, биттаси соф фойда, биттаси бажарилган ишлар учун экан. Яна бир неча дафтарлари бор эдикни, уларда нархлар ёзилган бўлиб, ҳар катакчасида ўзгарувчанлари, янги ва эски нархлари ёзилган эди. Азбаройи қойил қолганимдан уни кечки овқатга таклиф қилиб келдим. Шомдан сўнг у Абдуллоҳнинг уйига келди. У билан узоқ сұхбатлашдик. Абдуллоҳ унга саволлар берди, у одоб билан жавоб қайтариб турди.

-Уйинг тинчми?

-Аллоҳга шукр, тинчмиз.

-Синглингнинг тўйини қачон қилмоқчисан?

-Озгина пул йифсан, келаси йили кўкламга тўй қиласман.

-Сенга қанча пул керак?

-2 динор.

-Сенга шу пулни ортиғи билан бераман. Синглингнинг тўйини эртагаёқ ўтказгин. Яхши ишларни кейинга суриш мўминнинг иши эмас. Тўй ўтгач, биз билан Ироққа кетасан.

-Раҳмат, сиздан Аллоҳ рози бўлсин.

-Хўжайинингга шогирдинг маъқул келдими?

-Ҳа, ишлар унчалик қўп эмаску. Ундан кейин янги ходим мендан анча ёш, тезда ўрганиб олди. Эплаб кетади.

-Жуда соз. Сенга хозир Абдусалом пул беради. Тўйга ҳозирлик кўр. Тўй ўтгач, сиёҳ, қалам, дафтарлардан керагича олиб ол. Бу ерларда анча арzon бўлади.

-Хўп бўлади. Кечки таомдан сўнг у ҳовлига чиқди. Дарвоқе унинг исми Содик экан. Мен 2 динор олиб чиқаётган эдим Абдуллоҳ тўхтатди ва 5 динор беришимни айтди. “Ахир бу жуда кўпку”, деганимда “**У ўз эҳтиёжидан келиб чиқиб пул сўради, мен ўз эҳтиёжимдан келиб чиқиб пул беряпман**”, деди.

Орадан уч кун ўтиб биз янги ҳисобчи билан Ирокқа қараб йўлга чиқдик. Лекин мен учун ҳамон Абдуллоҳ уни қандай топгани жумбок эди. Охири ундан бу ҳақда сўрадим.

-Мен уни икки йилдан бери кузатаман. Аслида уни ўша дўкончига мен ишга жойлагандим. Унинг ҳаракатлари маъқул келгани учун.

Бир куни бир дўконга кирдим. У ерда бир неча киши овора бўлиб ўтирган экан. Сабабини сўрасам, ҳисоб-китоблар аралашиб кетаётганини айтишди. Дўкончи билан танишлигим учун ишни кузатиб турдим. Бир пайт шу йигитча келди. У дўкон эгасини сўради. Айтишича, у турли тижоратчиларга ёлланиб, ҳисоб-китобларини қилиб бераркан. Ушбу дўкончига ҳам ҳисобчи кераклигини айтибди бир таниши. Дўкончи дўстим уни ичкарига чақирди. Йигитча пухта экани сезилиб туарди.

-Ассалому алайкум, - деди у одоб билан. Алик олингач гапида давом этди. – Сизга ҳисобчи керак

экан. Бир танишым тавсия қилганди. Ишингиз билан таништирсангиз.

-Албатта, қани омборга ўтайлик, - деди тожир дўстим. Улар омборхонада то пешингча ишлар билан танишди. Ниҳоят пешинни ўқиб бўлганимиздан кейин уни ишга қабул қилишини билдириди.

-Бу йигит менга ишларимни бир ҳафтада тартибга келтириб беришга вада берди, - деди дўстим. Мен қизиқиб қолдим. Чунки унинг тижорати меникидек катта эди. Шунчалик катта тижорат ишини бир ҳафтада тартибга туширадиган одам менга жуда керак эди.

Шу-шу бир ҳафта унинг ишини кузатдим. Муддат яқинлашганда у 7 дона дафтар билан дўстимнинг олдида турарди. У ҳар бир ишни ўта аниқлик билан алоҳида қилиб ёзиб чиққандики, дўстим қойил қолганидан икки баравар тўлашини айтиб юборди. Асли шу йигитни тавсия қилган мен эдим. Менлигимни айтмаслигини тайинлагандим. Хуллас унинг моҳирлигига ишондим. Аммо яна синаш керак эди. Уни икки йил обдон ўргандим. У шу икки йил ичида дўстимнинг тижоратдаги фойдасини йигирма баробар ошириб берди. Унинг ҳалоллигига қойил қолганман. Мени энг лол қолдирган жойини сенга айтаман. Айнан шу сабабли уни ишга оляпман.

Хуллас бир ҳафта бурун бу ерга келганимизда, ўша тижоратчи дўстим келганди. У билан узоқ суҳбатлашдик. Содик ҳақида антиқа бир воқеа айтиб берди. У Содикқа маош берибди. У эса бир қисмини унга қайтарибди. Ажабланиб турганини кўрган дўстимга:

-Ажабланманг, - дея гапида давом этибди. – Мен маошни тўлиқ ололмайман, чунки бу ой бошқа тожирларнинг ҳам ишини сизнинг корхонангизда ўтириб бажардим. Тўғри сизнинг ишингиз ҳам ҳар доимгидек битди, аммо уларнинг ишларини сизнинг ишхонангизда ва иш вақтига ажратилган соатларда бажардим. Илтимос мендан рози бўлинг.

Дўстим роса хайрон бўлиб қолибди. Нима қиларини билмасдан менга айтди. Аммо Содикни қаттиқ ҳурмат қила бошлабди. Агар иложи бўлса, у билан бир умр ишламоқчилигини айтди. Мен унга ҳақиқатни айтдим. У бироз ўйланиб қолди, аммо рози бўлди. Сен нега ҳисобчини унинг олдига жўнатганимини биласанми?

-Йўқ, - дедим қисқа қилиб.

Чунки дўстимнинг талабчанлиги ортида унча – бунча одам ишломасди. Агар шу йигит ишлаб кетолса, мен билан бемалол катта – катта ишларни қила олишига ишондим. Дўстим ишчиларини мавсум пайти тонг отгандан кун ботгунча ишлатади. Аммо ҳақини ортиғи билан беради. Бу атрофда унингдек кўп ҳақ тўлайдиган одам йўқ. Аммо унингдек кўп ишлатадиган одам ҳам йўқ. Унинг босимига чидаган ҳар қандай ишчи, дунёning исталган бурчагида ўзига иш топиб кета олади. Агар унга рақобат қилиб ишлашни эплсанг, дунёning ҳар қандай бурчагидаги улкан тожирлар билан осонгина рақобатлаша оласан. Сенга бир воқеани айтиб берай.

Икки йил олдин у бошқа мамлакатдан яхши сопол идишлар олиб келарди. Бир куни ўзи ишлаб чиқара

бошлади. Кейин шу атрофдаги бозорларда сопол буюмлар нархи тушиб кетди. Қолған савдогарлар энди ундан ола бошлади. Нега бундай қилганини сүрадим. Жавоби жуда ажайиб бўлди.

-Мен сопол буюм оладиган савдогардан бир сафар фақат мен учун катта миқдорда сопол буюмлар ясаб бера оладими, йўқми сүрадим. У мижозлари кўплигини, ҳатто улгурмай қолаётганини айтди. Ўн кунга боргандим Шомга. Аммо шу билан уч ой қолиб кетдим. Обдон сополга ишлов бериш сирларини ўргандим. Унинг сирларини ўрганиш учун ҳатто сармоямдан ҳам пул тиқдим. Ниҳоят ўрганиб олгач, Марвга қайтиб келиб ясай бошладим. Мана кўриб турибсан одамлар хурсанд. Чунки улар ярим баҳосида сотиб оляпти маҳсулотларни.

Мана Абдусалом шунинг учун ҳам Содикни унинг олидга жўнатгандим. Биринчидан у савдо сирини ўрганади, иккинчидан обдон пишади. Ўйлаганимдек бўлди. Қани шомни ўқиб олайликчи. Намоздан сўнг Абдуллоҳ бизга ҳадис ривоят қилди. Фикҳдан масалалар айтди. Хуфтонни ўқиб бўлганимиздан сўнг чодирга дам олиш учун кирдик. Менинг уйқум қочди. Бир вақтлар Абдуллоҳнинг газлама ва мўйна ишлаб чиқарувчиларни қандай топгани ёдимга тушди...

ҮЗИГА ИШОНГАН ИНСОН СҮРАШНИ ҲАМ БИЛАДИ

Бир неча йил олдин Абдуллоҳ газлама ва мўйна сотишни ният қилди. Устоз Абу Ҳанифа ҳазратларидан рухсат бўлгач йўлга тушдик. У билан кўп бозорларни айландик. Нихоят биз хоҳлаган маҳсулотларни топдик. Аммо улар жуда қиммат эди. Пулимиз ҳам унчалик кўпмасди. Биз катта микдорда қарз олиб, ишлаб чиқарувчининг ўзидан олмоқчи ва халқ қийналмаслиги учун нархни пасайтиromoқчи бўлдик. Шу пайт Абдуллоҳ мени яна лол қолдирди. У биринчи кичик бир хонтахтacha устига матоларни ёйиб савдо қилётган одамнинг олдига борди. Унда нари борса икки тўп мато бор эди. Абдуллоҳ ундан:

-Менга шу матодан 20 тўп керак эди, деб сўради. Унда унча мато йўқ эди. Бошқа дўконни кўрсатди. У айтган дўконга бордик. У ерда 15 тўпча мато бор экан. Абдуллоҳ улардан 30 тўп сўради. Унда йўқ экан, бошқа дўконни кўрсатди. Кейинги дўконда ҳар хил матодан 10 тўп, 15 тўпдан бор экан. У бу сафар бир газламани ушладида айни шундан 60 тўп кераклигини айтди. Улар ҳам топиб беролмади. Бошқа дўконга бордик. Улардан 100 тўп сўради (Абдуллоҳ агар биз сўраган молни ишлаб чиқарувчига етказмасдан “бор” деб қоладиган савдогар чиқса иккиланмай сотиб олишимизни режалаган эди). Шунда дўкончи қизиқ гап айтди.

-Сизлар бизга мол тарқатадиган савдогарнинг олдига боришлиарингиз керак. У асрдан кейин келади. Ўша одам сизларга истаганингизча газлама топиб беради. Биз унга раҳмат айтиб, мажсидга жўнадик. Асрни ўқиб

бўлгач, яна бозорга келдик. Излаган одамимизни топдик. Унинг дўкони ҳақиқатда катта экан. Бизга ҳатто 300 тўп ҳам топиб бероларди. Шунда Абдуллоҳ қўрқмасдан тожир билан гаплаша бошлади.

-Ассалому алайкум! Сиз хқингизда бозордагилардан сўраб билдик. Шу бозорда энг катта садогарлардан экансиз. Бизга газлама керақ, аммо бозорда биз сотиб оладиган миқдорда газлама йўқ экан.

-Ваалайкум ассалом! Сизларга қанча керак?, - деди у хушламайгина.

-Икки минг тўп, деди Абдуллоҳ дадил. Шунда тожир ўрнидан туриб кетди. Кейин жиддий туриб саволлар берди. Абдуллоҳ эса хотиржам жавоб бериб турди.

-Қачонга керак?

-Шу бугунга.

-Бугун бунча молни сизга етказиб беролмайман. Аralаш қилиб бер десангиз, ҳар хилидан беришим мумкин.

-Менга мана бу оқ матодан керак. Бошқасини кейинги сафар оларман, агар талааб бўлса.

-Унда сизга фақат ишлаб чиқарувчигина айтган молингизни, хоҳлаган миқдорда сота олади. Шомгача улгурсангиз келишиб оласиз. Мана манзил: катта карvonсарой, учинчи бурилиш. Мўлжал: Катта оқ масжид. Абдусомад тожир.

Биз тезда берилган манзил томон ошиқдик. Ҳамон кўнглимда хавотир бор. Ахир у айтаётган миқдордаги молни яқин йиллар ичида ололмаймиз. Нега Абдуллоҳ ўзига ишонч билан жуда катта миқдордаги газламани сўрайяпти? Саволларимни очиқчасига унга беролмасдим.

Одатда у ишлар битгач, менга сабабларини тушунтиради. Лекин менга ҳозирги ҳолатди бир нарса жуда қизиқ: нарх борган сари пастлаб кетяпти. Биринчи савдогарнинг айтган баҳосидан деярли икки баравар тушди. Шом вақтига улгурдик. Аммо тожирнинг олдига эмас, шом намозини ўқиши учун тўғри масжид томон йўл олдик. Намоздан сўнг манзилга бордик. Катта дарвозага оддийгина илгак қулф сифатида осиб қўйилган экан. Тақиллатдик. Дарвозанинг четида бир мушт сиқадиган жой бор экан. Бир одам ўша жойдан “Нима хизмат”, деди. Муддаомизни айтдик. У эртага эрталаб бомдоддан кейин келишимизни айтди ва ортига қайтиб кетди. Абдуллоҳ “Кутамиз”, дегандек ўёқдан буёққа бориб кела бошлади. Мен чидолмасдан унга савол бердим.

-Абдуллоҳ қоровул эртага келинглар дедику, нега яна кутяпми?

-Хўжайини агар жамоат билан намоз ўқийдиган бўлса, хуфтон вақти албатта ташқарига чиқади, -дея гапида давом этди. – Биз ўша вақтда у билан гаплашиб оламиз. Маҳоратли тижоратчи харидорни рад этмайди. Устознинг гапи ёдингдами? **“Мижоз биринчи ўринда туради. Харидор, халқ биринчи ўринда. Агар улар бўлмаса, биз маҳсулотимизни қаерда сотамиз. Уларнинг ҳурматини сақлашимиз керак. Дўконимиз улар билан обод. Агар халқ бўлмаса дўкон кимга керак? Бу худди бепаён чўлга дарвоза қургандек гап”**, - деганди. Шунинг учун кутамиз. Биз зикр қилиб савдогарни кутиб ўтирдик. Абдуллоҳ кутганидек, савдогар хуфтонга чиқди. Абдуллоҳ унга яқинлашиб:

-Ассалому алайкум, Абдусомад ака, биз Марвдан тижорат мақсадида шу ерларга келдик. Сизга ишимиз

тушиб турибди. Хожатимизни чиқаришингиздан умидвормиз, - деди.

-Ваалайкум ассалом, муҳтарам меҳмонлар, дея саломга очик чехра билан алиқ олган савдогар бизга яқинлашиб, гапида давом этди. –Марв дедингизми? Ахир у юртлардан ҳалиттдан олимлар етишиб чиқа бошлади. Абу Ҳанифа ҳазратлари ҳам асли ўша тарафлардан деб эшитгандим. У зотнинг сухбатига муштоқман. Ҳуфтонни ўқиб олайлик меҳмоним бўласизлар, хожатларингизни кўлимдан келса албатта чиқараман. Биз масжидга бирга бордик. Намоздан сўнг у уйига бошлади. Қуюқ зиёфатдан сўнг, муддаомизни айтдик. У мол сотишга рози бўлди. Мени энг лол қолдирган жойи Абдуллоҳнинг гапи бўлди.

-Бизга 200 тўп мато керак, - деди у. Ахир шунча мато бозорда ҳам бор эдику. Ётиш олди ундан изоҳ сўрадим. У табассум билан бирма-бир тушунтириб берди.

-Сенинг гапинг тўғри бозорда ҳам бор эди. Аммо у ерда қиммат эди. Мана бу ерда арzon бўлади Худо хоҳласа. Ҳали савдогар нархини айтмаган бўлса-да, арzon бўлишини сезиб турибман. Биз келажакда шу одамдан сотиб олиб сотсак, ҳалқ қийналмайди. Биз уларга арzon сотамиз. **Чайқовчилардан шундоғам одамлар азиат чекяпти.** Биз савдогарникида тунадик. Бомдоддан кейин омборхонага бордик. Абдуллоҳ ўйлагандек нарх арzon экан. 200 тўп эмас 600 тўп олдик. Агар истасак, қарзга ҳам яна шунча мол олишимиз мумкинлигини ҳам айтишди. Юкларни олиб, карвон билан Марвга келдик. Шу билан савдомиз мислсиз кенгая бошлади.

ФИРИБАРЛИК ИНСОННИ ХАРОБ ҚИЛАДИ

*“Албатта, то бир қавм ўзларини
ўзгартирмагунларича, Аллоҳ уларнинг ҳолини
ўзгартирмас” (Раъд сураси 11 оят).*

Устозимиз шу оятни доимо тақорлаб, бизларга эслатиб турарди.

-Ўғлонларим, ёдларингда бўлсин,
фикрлашларинг ўзгармагунча, хаётларинг
ўзгармайди. Ўзларингни ўзгартирмагунларингча,
Аллоҳ ҳам сизларни ўзгартирмайди.

Биз олдинлари инсонни ўзгалар ўзгартиради, устоз тарбиялаб қўя қолади, деган фикрлар билан яшарканмиз. Аслида инсон аввало ўзгаришга ўзи қарор қилиши ва устозга бориши керак экан. Акс ҳолда ҳеч ким инсонни ўзгартириб қўёлмас экан.

Хозир орада бир воқеани айтиб ўтишни лозим топдим. Биз ҳам бу воқега озгина алоқадормиз.

Биз тижоратни бошлаган вақтда бир катта фирибагар ҳақида эшитдик. У одамлардан қарз олар, муддати келганида бошқадан қарз олиб ёпар, иш касодга учраганини айтиб, тўловни йиллар ортга сурарди. Баъзи пулдорлар билан музораба қилас ва шерикликни бузиб, сувдан куруқ чиқарди (Музораба шериклик қилишдир. Бунда бир томон пул иккинчи томон меҳнатини тикади. Иш касод бўлса, пул берган пулига, меҳнат қилган одам меҳнатига куяди). У бошқа шаҳарлардаги бойларнинг қизига уйланиш учун совчи қўяр ва тўйгача бойдан пул олиб, еб кетарди. Аксар бузгунчилигини Кифада эмас

бошқа шаҳарларда қиласы.

Үша пайтларда түя айниңса, қызыл түя ҳақиқий обрү эди. У мана шундан ҳам устамонлик билан фойдаланган. Қызыл түя савдоси султонлик тасарруфидаги иш эди. У одамларга арzonроқ нархларда қызыл түя олиб бермоқчи бўлган. Султоннинг амалдорлари билан келишиб, ишни бошлаган. Улар фирибгарлик йўлида бирлашган ва натижада түя сотиш яккаҳоқимликка айланган. У одамлардан пул йиғиб олиб, аввал бошда түяларни етказиб берган, аммо охирида түя танқислигини, амалдорлар пора бермаса сотмаслигини айти бошлаган ва одамлардан түя нархидан зиёдроқ пул олган. Амалдорларга ҳам бир қисмини доимий етказиб турган. Султон уларнинг ишини билиб қолгач, түя сотувини эркинлаштиришга буйруқ берди ва бошқа түясотарларни ҳам мамлакатга жалб қилди. Аммо фирибгар ва Худобехабар амалдорлар дастидан түя нархи ўша кўтарилигани билан қайтиб тушмади. Одамлар ижарага түя олиб минадиган, айни түя керак бўлганида ижаракилар ҳам нархни кўпроқ сўрайдиган бўлиб қолди. Вазият шундай келдики, энди амалдорлардан таниши борлар кўплаб түяларни навбатсиз сотиб оладиган ва икки баравар нархида халққа пуллайдиган бўлди...

Айтганча фирибгарнинг исми Қосим эди. Ишларимиз айни авжида бўлган паллада олдимизга келиб, шериклик таклиф қилган. Абдулоҳ билан бироз сухбатлашганди.

-Исмим Қосим, катта савдогарман. Амалдорларнинг ярми билан танишман. Чегарадан мол олиб кириш муаммо эмас. Отам ҳам савдогар ўтган. Сизлар билан савдода шериклик қилмоқчиман. Айтишларича бозорда энг арzon баҳода сифатли газлама

ва мўйна сотаётган экансизлар.

-Исмим Абдуллоҳ. Отам қул эди. Ўзим илм толибиман. Савдо қилаётганимиз рост. Аммо ҳозирча шерикка эҳтиёжимиз йўқ.

-Хато қиляпсизлар. Катта савдогарлар мен билан иш бошлагач, савдолари мислсиз кенгайган. Бош қозининг ўғли, соқчи бошининг жияни, вазирнинг куёви, ғазна бошининг ўзи барчаси мен билан ҳамкор. Улар билан катта ишларни амалга оширяпмиз.

-Зарурат туғилса, сизлар билан ишлаймиз. Омон бўлинг.

Абдуллоҳ ўрнидан туриб уни кузатиб қўйди. Кейин менга у ҳақда гапирди.

-Абдусалом агар уни тўхтатиб қолмасак, келажакда улкан фалокатлар олиб келади. Қозидан фойда йўқ. Султонга етказишимиз керак. Чунки у яқинда таҳтга келди. Халқ дардини эшитади. Аммо ўзимиз унга етолмаймиз. Етказишмайди. Бошқа тасири катта инсонлар орқали вазиятни билдирамиз. Шу орада бир ойча вақт ўтди. Бир куни қози одам жўнатиб, асоссиз равишда ишларимизни текширишни бошлади. Жарима ҳам солди. Шу тариқа сергак тордик. Қосим билан ҳамкорлик қилишга рози бўлдик. Унинг бизни чув тушириб кетишини ҳисобга олиб, Маккадаги танишлар билан бир ишни келишиб олдик. Савдо карвони йўлга тушгач, ясама қароқчилар орқали молни талатиб, Қосимни ўғирлатдик (савдо учун беш юзта тую ва икки юз динор тикканди). Макка ҳокими орқали султонга хат жўнатдик. Ниҳоят уни Марв зиндонига қамашди. Ишлари очилиб, қози, вазир, соқчи боши ва бошқалар амалидан айрилди. Айримлари қочиб кетди...

Сиз шунчалик осон бўлдими, деб ўйлаётгандирсиз. Таассуротингиз тўлиқ бўлиши учун ғазна боши аралашуви билан мамлакатда судхўрлик авж олиб кетганини ҳам айтмасам бўлмас. Мамлакатда рибо (судхўрликнинг авж олишига бозорда исломни билмаган савдогарларнинг кўпайиб кетгани ва порахўрлик авж олгани ҳам сабаб бўлди) яширин тарзда ривожлана бошлади. Динни тушунмаган одам фоизга аралашиб қолиши аниқ. Шундай қилиб ғазна боши савдогарларга фоизга қарз бера бошлади. Ўзи эмас қариндошлари орқали. Ошкора эмас яширин. Натижада барака қоча бошлади. Хуллас уларнинг ишларида Қосим катта кўмакчи бўлди. У одамларни рибога ўргатди. Рибони муомалага киритган яхудийлар ва насоролар энди ошкора иш олиб бора бошлади. Янги сulton ишларни тартибга солишни бошлади, аммо энди рибони тўхтатиб бўлмасди. Чунки рибо расмий тус олган. Пулдорлар уюшиб, рибо уюшмасини тузган ва ғазна уларни қўллаб турганди (буғунги банклар, ломбардлар Муаллифдан). Шундай бўлсада, сultonнинг аралашуви билан фирибгарларнинг фаолияти тўхтатилди.

Қосим ва амалдорлардан азият чеккан халқнинг пуллари секин аста эгаларига қайтарилиди. Қосим тавба қилмагани учун қатл этилди. Ростдан ҳам инсон ўзини ўзгартирмаса, одамларнинг қўлидан ҳеч нарса келмас экан. Суд жараёнидан қизиқ бир воқеани айтиб ўтсан.

Амалдорлар ва Қосим суд қилиняпти. Давогарлар кўп. Шунда ғазнабоши ва Қосим давогарлар билан музокарага киришмоқчи бўлди.

-Агар сизлар шикоятларингизни қайтиб олмасангиз, бизни зинданга тикишса, икки дунёда ҳам пулларингизни қайтариб ололмайсиз, - дейишди улар.

-Пулимизнисултонолибберади.Шикоятларимизни қайтариб олмаймиз, - дейишди пули куйганлар.

Хуллас ўртада анча тортишув бўлди. Энг ачинарлиси, халқнинг кўксидаги дарди, алами, эзилгани, айрим кучишлатар тизимларнинг дастидан кўркиб қолгани бир жабрдийданинг айтганларида яққол исботини топди.У қози ҳузурида шундай деди.

-Майли шикоятимизни қайтиб оламиз, уларнинг қутулиб қолиши учун товон пул ҳам йифайлик. Агар шундай қилмасак, улар тез орада зиндандан чиқиб оддий халқни баттар эзади. Менинг ҳеч кимим йўқ, фарзандаларим, аёлим вафот этди. Бу гапларни айтишимдан мурод, бир сафар кўриқчилар бошлигининг устидан арз қилгандик, аввалига арзни кўриб чиқишиди, кейин бироз тинчланди, аммо бир ойга қолмай шикоят қилгандар уруғ-аймоғи билан зуғумга учради. Кўпи қатл қилинди, кўпи зинданбанд қилинди. Афсуски, ўша бегуноҳ ўлдирилгандар ичидан икки ўғлим ҳам бор эди. Аёлим фарзанд доғига чидолмай оламдан ўтди. Қозининг олдida шу гапларни айтиб қолмасам, билмадим ҳақиқатни султонга қандай етказаман...

Биз айтилганларни кўзда ёш билан тингладик. Сарой уламоларидан бир садо чиқмади. Улар зулмга қаршилик қилолмаса, оддий халқ нима қилсин. Амалдорлар истаган ишини қилади. Бугун яна шуни ҳам англадикки, агар сарой уламоси, амалдорлардан кўркиб, ҳақиқатни айттолмас экан, оддий халқ эзилиб юраверади. Одамлар ҳам Холиқдан эмас маҳлуқдан кўрқадиган уламонинг ҳурматини жойига қўяверар экан, амалдорларни алқашда давом этар экан, тинч турмуш, фаровонлик орзу бўлиб қолаверади.

ЯНГИ ХОДИМ ЎЗ РИЗҚИ БИЛАН

Устоз Имоми Аъзам хазратларининг бир гапи бор: “Ишга олган ходиминг ўз ризқи билан келади. Уйлансанг хотининг ўз ризқи билан, фарзандларинг ўз ризқи билан келганидек, янги ходимга Аллоҳ ажратган ризқ бор. Шунинг учун сенг ишлаётган инсонларнинг иш ҳаққида адолатли бўл ва даромадинг сал камайганида уларнинг маошларини камайтирганинг. Шунда асл баракани қўрасан”. Мен доим устознинг ҳақ бўлиб чиққанига гувоҳ бўламан. Бу сафар ҳам ҳисобчининг қадами қутлуғ келди. Ризқи ортифи балан келди. Ишлар тезда шундай тартибга келдики, даромадимизнинг уч баравар ошаганига ишонмай қолдик ҳатто. Илгарилари ҳисоб китоб, мол туширгандан то чиққунча давом этар ва мол сотилиши бир неча кун кечикарди. Одамлар бир кун кутиб ҳам қоларди. Содик келгач, молнинг кирди-чиқдиси жуда содда бўп қолди. Одамлар энди кутмас, Абдуллохнинг илмга вақти қўпроқ эди. Мен ҳам ўз навбатида китобдорлигимни бамайлихотир қиляпман. Бу орада “Тарих китоби” асари битди. Абдуллоҳ бу китобни бир неча йиллик сафарлар таъсирида ёзди. Бу китоб буюклар, жойлар, миллатлар ҳақидаги мўжазигина қўлланма бўлди. Ҳа, майли мақсаддан чалғимайлик. Ўрни келганда бошқа китобда унинг асарлари ҳақида батафсил тўхталиш ниятим бор. Ҳуллас, Содикнинг баракасидан ишлар жадал ривожлана бошлади. Даромадлар ҳам ортиб боряпти. У бозорларга мол етказиб бериш, пулларни

йиғиб олиш, буюртмалар қабул қилиш, зарур моллар рўйхатини тузиш, бозорни ўрганиш ишларини ҳам тезда ўз кўлига олди. Энди илмга вақтимиз янада кўпайди. Ўз навбатида ҳисобчининг маоши ҳам икки баробар ошди. Ундан яна бир яхши одатни ўргандим.

Бир куни хонасига бир иш билан кирсам, пулларини тақсимлаб ўтирган экан. Мен ундан:

-Қарзинг борми?, - деб сўрадим.

-Йўқ, - деди у қисқагина. Кейин у билан шундай қизиқарли сухбат бўлди.

-Унда нега пулларингни алоҳида тақсимлаяпсан?

-Отам ўргатган. Тақсиларимни сизга ҳозир тушунтираман. Ойлик топган даромадимнинг 10 дан бирини ота – онам учун, 10 дан бирини эҳсон қиласман, 10 дан бирини ўзимнинг келажакдаги эҳтиёжларимга ажратаман. Қолган қисмини заруратга қараб сарфлайман.

-Ҳаммасини тушундим, аммо ўзинга икки марта пул ажратганингни менга тушунтир.

-Биринчи ажратган бир қисм бу кедажагим учун. Эртага қандай кунлар бўлишини билмайман. Шунинг учун доимо ўзимга маош ажратиб бораман. Ўтган йилги ўз пулимга ўнта китоб сотиб олдим. Жуда ноёб китоблар, лекин жуда қиммат экан. Бу йилги пулимга кўй сотиб олмоқчиман. Тақсимотдан ортган пулларимни ўз эҳтиёжимга ишлатаман. Агар ортиб қолса синглимга юбораман.

-Сен бу одатингни бошқа ходимларга ўргатишинг керак экан. Шунда кўпчилик ҳали маош олмай туриб,

ишлиатиб қўйишдан сақланган бўларди.

-Ўргатаман. Бирор кун ҳовлида барча ходимлар йиғилганда уларга айтаман.

-Яша. Ҳа, айтганча, Шомдан келган моллар савдосидан тушган пуллар ҳсиобини берсанг. Хўжайин сўраётганди (мен ишчилар олдида Абдуллоҳни хўжайин дейман, токи улар топшириқ оладиган ва ҳадди сиғмайдиган бир кишилигини билсин). Китоб ёзаяётгандарга эҳсон қилмоқчи.

-Хўп бўлади. Сиз хўжайнинг олдига етгунингизча, ортингиздан ҳисоб-китобларни етказаман.

У ҳақиқатдан аниқ ишлайди. Ўзи вада бергандек, тезда дафтарни олиб келди. Абдуллоҳ даромадни кўргач, харажатларни ҳисобладида, бира тўла минг динор пулни эҳсон учун ажратди. Бу пул кичикроқ савдогарнинг ўн ийллик даромади эди. Шошиб қолдим. Лекин бир сўз деёлмадим. Чунки Абдулоҳ бирорвга пул бермоқчи бўлса, фикридан қайтариб бўлмасди. Қайтаришга уринган одамга шундай муомала қиласдики, унга тоабад дарс бўларди.

ҲИСОБЧИГА ДАРС БҮЛДИ

Бир куни Абдуллоҳ билан илмий мажлисда ўтиргандик. Одам кўп эди. Савол бергувчилар ҳам жуда кўп эди. Бир кишунга шундай савол берди.

-Устоз Аллоҳ наздида кучли мўмин кучсиз мўминдан устун экан. Шуни бизг изохлаб бероласизми? Абдуллоҳ табассум билан одатича одамларга бир қур назар солди. Кейин сўровчига қараб жавоб бера бошлади.

-Сиз ҳақсиз, кучли мўмин афзалдир. Аллоҳ буйрукларини бажариб, қайтариқларидан қайтган барча бандаларини яхши кўради. Аммо ҳар томонлама кучли мўминни афзал билади. Агар мўмин киши жисмонан, моддий томондан, ақлан кучли, илми баланд бўлса, жамият ундан наф олади. Бой, билаги бақувват, ақли тўла кишига фитначиларнинг найранглари ўтмайди, у яшаб турган жамиятда аҳлоқсизлик урчимайди. Бўлмағур одатлар шаклланмайди. Агар шундай кишилар жамиятда кўпайса, аёллар хор, эркаклар қул бўлиб қолмайди. Мамлакат мустақил бўлади. Агар ўз фикрига, таъсирига эга виждонли кишилар кам бўлса, мамлакат оғиздагина мустақил бўлади. Аслида бошқа давлатга қарам, унинг йўриғига юриб турган бўлади. Ахлоқсизликлар, рибоҳўрлик (фоизга пул олди берди қилиш), қотилликлар, тухматлар, бегуноҳларнинг зинданга ташланиши авж олади. Шунинг учун ҳар бир ақлини таниган киши илмли,

жанг санъатини ўзлаштирган ва албатта бой бўлиши керак. Мусулмонлар мана айни дамда шу сифатлари билан дунёга машхурдир. Бирор мамлакат уларга қарши чиқолгани йўқ. Агар молиявий мустақилликка ҳаракат қилинмаса, жанг санъати ўрганилмаса, ҳар томонлама илм олинмаса, **ҳар бир оғзи шалоқнинг ҳар бир суюқоёқнинг сўзи ҳикмат, ҳаёти ибрат бўлиб қолади.** Ўтирганлар Абдуллоҳнинг сўзларини зўр қизиқиш билан тинглаб ўтиради. У сўзини тамомлаганини жойига ўтирганидан билса бўларди. Шунда бир киши олдига яқин келиб:

-Устоз етти юз дирхам қарзим бор. Бир йилдан бери тўпланиб шунча бўпти. Қарз эгаси ёқамдан ушлаб, бермаганимга қўймаяпти. Мен учун шу пулни тўлаб тура оласизми? Қурбим етса қайтараман Худо хоҳласа, -деди ерга қараб.

-Бераман, -деди Абдуллоҳ ва ҳисобчига бир хат ёзди. Хатда “Шу хатим сенга етиб борса ва маъносига тушунсанг, уни олиб борганга етти минг дирхам бериб юбор”, дейилганди. Хатни бояги муҳтож киши олиб кетди.

У етиб боргач, ундан хўжайн қанча беришини сўраган. У етти юз дирхам деган. Хатда етти минг дирхам ёзилган. Ангалшилмовчилик бўпти, дея у қайтадан хат ёзган. Хатнинг мазмуни қуидагича, “Хўжайн хатда озгина хатолик ўтибди. Пул сўраган одам сиздан етти юз

дирхам сўраган экан, сиз етти минг деб ёзибсиз. Аниқлик киритиб юборсангиз, мен пулни бериб юборардим”. Абдуллоҳ индамай қуидаги мазмунда хат ёзди: “Шу хатим сенга етиб борса ва маъносига тушунсанг, уни олиб борганга ўн тўрт минг дирхам бериб юбор. Агар сен менинг ходимим бўлсанг айтганимни қил, агар мен сенинг ходиминг бўлсан, ўрнимга кел мен сенинг ишингни қилай. Мен ушбу ҳадисни эшитгач, савобидан умидворман. Ибн Аббос айтади: «Расулуллоҳ (с.а.в.) айтадилар: “Кимки бир мусулмон биродарига тўсатдан бир хурсандчилик келтирса, Аллоҳ таоло унинг гуноҳларини кечириб юборади». Мен ҳам у биродаримга кутилмаганда бир хурсандчилик келтиришни хоҳладим”.

Ана шу воқедан кейин Абдуллоҳ бирор жойга пул чиқармоқчи бўлса, ҳеч биримиз сабабини сўрамаймиз. Ҳисобчи айниқса, анчагача унинг кўзига қаролмай юрди. Ушбу воқеа унга катта дарс бўлган эди.

БОРМАСДАН ҚАБУЛ БҮЛГАН ҲАЖ

Биз тижорат билан турли мамлакатларда бўламиз. Уйда кам турамиз. Шунинг учун ҳам атрофдаги одамлар билан тез – тез борди – келди қилолмаймиз. Бу сафар Абдуллоҳ уйга келгач, савдо ишларини менга топшириб, ўзи ҳазга кетишга тайёргарлик кўра бошлади. У ҳажга борадиган бўлса, катта маблағ тўпларди. Кетиш олдидан бир эҳсон қилиб, сафарда ҳам садақалар берарди. Маккада ҳам муҳтожларни эсидан чиқармасди. Бир куни унинг ўғли Абдураҳмон йиғлаб келиб қолди. Сабабини сўраган отасига: “Қўшнимиз қозонида гўшт қайнатаётган экан, менга бермади. Шунга изза бўлдим”, деди. Абдуллоҳ таажжубланиб қўшниникига чиқиб кетди.

Қўшнимиз бева бир аёл эди. Абдуллоҳ эшикни тақиллатди. Мен девор оша қараб тургдим. Аёл эшикни очга, уялиб савол берди.

-Ассалому алайкум!, хуш келибсиз.

-Ваалайкум ассалом, яхшимисиз?, - дея алик олди Абдуллоҳ. Кейин қалбларни ўртайдиган суҳбат бўлди.

– Сизни мусулмон деб, биламан. Мехрибонлигинги фарзандларингизнинг тарбиясида сезилади. Аммо бир англашилмовчилик бўлганга ўхшайди. Ўғлим қизиқ гап айтиб чиқди. Болаларингиз билан ўйнгани кирганида гўшт қайнатаётган экансиз, аммо ўғлимни изза қилиб бермасдан уйга чиқариб юборибсиз.

-Минг бор узр. Ўғлингизни қаттиқ ранжитдим. Аммо бесабаб дилозорлик қилмайман. Эрим вафот этганидан кейин қийналиб қолдик. Биласиз илгари пулга муҳтожлик сезмаганмиз. Қўшниларга билдиrmай уйдаги нарсаларни сотдим. Қўлга илинадиган бирор нима қолмагач, уч кун

оч қолдик. Мен иш қидирдим, аммо тополмадим. Яқин атрофдаги жарлик олдиdan туш пайти ўтаётсам, бир катта буқа харом ўлиб ётган экан. Қош қорайғанда бориб, бир бўлак кесиб келдим. Аммо эрта тонгача пиширолмай ўйлаб ўтирдим. Болаларимнинг ноласи юрагимни эзгач, қозонга солдим. Тушгача қайнади. Абдураҳмон болларим билан ўйнаётганди. Улар тез – тез қозон олдига келиб, қват қачон пишишини сўрашарди. Охири тайёр бўлгач, ўғлингизга жавоб бериб юбордим. Чунки бизга ҳалол у гўшт. Сизнинг ўғлингизга эса харом бўлади.

-Мени кечиринг. Сизни хотўғри тушунибман. Шундоқ ёнқўшим мухтоҷлигини билмаган одамни кечиринг. Мен ҳозир. У қайтиб чиқдид-да ҳажга йиққан пулларинг ҳаммасини аёлнинг олдига олиб келди. Унга:

-Сиз мухтоҷ бўла туриб мен ҳажга борсам, ибодатим мақбул бўлмайди, - дея пулларни унга берди. Аёл қўллари қалтираб узоқ дуо қилди.

-Садақага берган пулларингизнинг ҳар сафар икки баравар бўлиб тўлиб қолаверсин. Аллоҳим сизни дўзахига туширмасин...

Абдуллоҳ уйга келгач, кечги таомни емади. Тонг отгунча йиғлаб чиқди. Йиғи аралаш “қўшнисининг ҳолидан беҳбар мен ғофилни кечир Аллоҳим”, дерди. Мен ҳам ухломай чиқдим. Орадан маълум вақт ўтгач, ҳожилар қайта бошлади. Улар бир тўп бўлиб Абдуллоҳниги келди. Бирин кетин табриклаб кетди.

-Устоз ҳажингиз қабул бўлсин!

-Устоз ибодатлар қабул бўлсин!

-Ҳазрат, нега биз билан бирга келмадингиз? Қанай килиб биздан олдин келишга улгурдингиз?

Шу каби саволлар, англашилмовчиликлар ўла

бошлади. Табиийки биз таажжубда эдик. Абдуллоҳ уларга ҳажга бормаганини такрор – такрор айтди. Шунда бир кексарқ қўшнимиз сўз қотди.

-Эй, Абу Абдураҳмон, сиз билан биз бир сафда ҳаж қилдик. Сизнинг ростгўйлардан экнингизни биламиз, аммо нега бу сафар ёлғон гапираётганингизни тушунмаяпмиз.

Охири Абдуллоҳ уларга ўша воқеани айтиб берди. Кейин кўрган тушини ҳам сўзлади.

-Кўнига ҳажга йиққан пулимни берганимдан кейин туш қўрдим. Тушимда бир ниҳо қилувчи “муборак бўлсин, ҳажингиз қабул бўлди”, деди. Ҳозир сизларнинг сўзларингизни охиригача эшиганимдан кейин Аллоҳнинг қудрати олдида ожизлигимни яна бир бор ҳис қилиб, марҳаматини сўзлаб беришдан ўзга чoram қолмади. Шу қўшнимнинг баракаси ва дуосидан шу ишлар бўлди. Унга Холиқ Зот икки дунё саодатини насиб этсин. Қани ичкарига киринглар, меҳмоним бўлинглар. Сизларнинг дуоларингиз биз учун ғанимат.

Ўша кунигўзал суҳбат бўлди. Ҳожилар хурсанд бўлиб уйларига тарқалди. Биз бўлган ишлардан ҳамон қаттиқ таъсирда эдик. Шу кундан бошлаб савдо ишларимз баттар авж олди. Пуллар ақлни шоширадиган даражада оқиб кела бошлади.

АБДУЛЛОХДАН ХАРИДОРЛАР ХУРСАНД

Абдуллоҳ бозорга тез-тез бориб савдонинг бошида туради. Мен у ёзган қўллэзмаларни оққа кўчиришдан дам олиб турганимда унинг савдо ишини қузатаман. Хуллас у гўзал савдо қиласди. Харидорлар дўконга кирганида бутун эътибори уларда бўлади. Агар харидор ҳамма молларни кўриб, индамай чиқиб кетса ҳам кайфияти ўзгармайди. Баъзи савдогарлар “шунча оввора қилдинг, олмасанг нима қилардинг мени умидвор қилиб”, “Кийиб кўрдингми, энди оласан”, “Донага сотмаймиз”, каби нағмалар қиласди. У эса бирор мижознинг дилини оғритмасди. Чунки устоздан дарс олганди.

Бир куни устоз бизни бозорга чақирди. Ишлари кам бўлгани учун шу ерда баъзи масалаларни муҳокама қиласдиган бўлдик. Уч пора Куръон ўқийидиган вақт оралиғида ўн битта ҳадисни шархлаб берди. Шу пайт бир аёл ҳижолатдан юzlари қизариб кириб келди. Минг истиҳола билан салом берди.

-Ассалому алайкум, ҳазрат. Минг бор узр. Икки кун олдин олган матом ёқмай қолди. Қайтариб ололмайсизми?, - деди зўрга. Биз ҳайрон эдик. Мен агар сотсам, икки кундан кейин қайтиб олмасди. Олсам ҳам пулинни тўлиқ қайтриб бермасдим ёки ўрнига бошқа мато олишини талаб қиласдим. Устоз буткул бошқача йўл тутди.

-Ваалайкум ассалом. Қайтиб оламан. Қўлингиздаги матони сизга уч юз дирхамга сотгандим. Мана пулингиз. Ҳижолат бўлманг, деди табассум билан. Кейин бизга туринглар. Энди бозорда қиласдиган ишимиз қолмади. Мен Бир ҳадисга амал қилиб кўрмоқчи эдим. **Ҳадиснинг тўлиқ**

матнини кейинроқ келтираман мазмуни сотган молини оғринмай қайтиб олган савдогарнинг саодати хақида эди. Энди бозорга келмайман. Иш бошқарувчиларим ўзлари эплайди. Ёдларингдан чиқмасин харидор ҳар доим ҳақ. Бутун дикқат эътиборларинг халқни рози килиш ва қандай қилиб уларга сифатли хизмат қилишда бўлсин. Шундагина ўндан тўққиз барака сизники бўлади (бу ҳадисда айтилган).

Шунинг учун Абдуллоҳ харидорларга жон дили билан хизмат қиласи. Мен ҳаёл суриб ўтирсам, бир кексарок одам дўконга шошиб кириб келди.

-Ассалому алайкум бу Абу Абдураҳмоннинг дўконими?, - деб сўаради. Тасдиқлдаик. Кейин гапида давом этди. –Бир ҳафта олдин ўғлим мана бу газламани олиб кетган экан. Энди зарурати йўқ. Тўйга деб олинган экан. Агар пулини қайтариб берсангиз, озгина қарзимиз бор эди шуни тўлардик. Ўғлим онасинг гапига юриб олган экан. Менга қолса ортиқча чиқим эди бу. Узр ўғлим, қўлингдан келса менга яхшилик қил. Бўлмаса шу молни сал арzonроққа сотиб ола қол қайтариб. Ўғлим матони қайтриб келишга уялгани учун келгандим.

-Ота хижолат бўлманг, деди Абдуллоҳ. -Ўғлингиз келганида ҳам матони олиб пулини қайтарардим. Сизни овора қилибмиз. Маъзур тутинг. Бу мато икки юз дирхамлик. Мана сизга пули. Абдуллоҳнинг муомаласидан хурсанд бўлганидан у узоқ дуо қилди. Ҳа, у устознинг ҳақиқий шогирдига айланибди.

АБДУЛЛОҲНИНГ КИТОБ ЁЗИШИ

Ўзи аслида фақатгина савдо ҳақида айтмоқчи эдим. Аммо озигина Абдуллоҳнинг китоб ёзишидан ҳам айтмасам бўлмас. Юқорида айтганимдек, Абдуллоҳ ўта аниқликда ишлайди. Унинг вақти ҳатто бир ойлаб режаланган бўлади. Китоб ёзишга эса алоҳида меҳр билан эътибор беради. У китоб ёзадиган вақтларда савдо ишига кам вақт ажратади. Ҳисобчи кўпроқ ишлайди. У бир куни тафсир қилишга киришди. “Тафсир китоби” устида узоқ вақт маълумот тўплади. Кейин бирдан ёза бошлади. Унинг бир кечада ёзганларини уч тўрт киши кечгача оққа кўчирадик. Қандай қилиб бу қадар баракали бўлиб кетишини тушунмасдик. Ниҳоят уч ойда Куръон тафсирини тамомлади. Кейин дўстларини зиёфатга чақирди. Мухтожларга ва илм аҳлига минг динор эҳсон қилди. Дўстлари шомдан сўнг йиғилди. Гўзал суҳбатлар бўлди. У масала ечмаган, ҳадис шархламаган вақтлари жуда қисқа гапиради. Бу сафар ҳам шундай бўлди.

-Дўстларим, қадрдонларим, - дея гап бошлади Абдуллоҳ. – Келганингиздан севиндим. Тафсир қилиш мақсадим бор эди. Ниятимга етдим. Яна бир қанча мақсадларим бор, Аллоҳ етказсин. **Кимнинг мақсади бўлмаса, мақсади борларга хизмат қиласи**. Шу билан гапини тамомлади. Ҳамма жим бўлиб қолди. Ўша вақтда кўпчилик “мен мақсади борларга хизмат қиляпманми, ё ўз мақсадим сари қадам ташляпманми?”, деб ўйлаётган бўлса не ажаб!?

Мана орадан бир ҳафта вақт ўтди. Шу вақт оралиғида савдода жиддий ўзгаришлар бўлди. Шу Абдуллоҳ савдога аралаша бошалаши билан баракаси сезилади. Шу қадарки,

юрмай турган ишлар чопиб кетади. Менимча қилган эҳсонлари сабаб Аллоҳим ишларига баракаларини кам қилмасдан берса керак. Ўзимча ўйлар билан ўтирсам, елкамга кимдир қўлини қўйди. Абдуллоҳ экан.

-Ҳаёл суриб ўтирибсанми, Абдусалом?, - еди у табассум билан.

-Келанингни сезмай қолибман, бирор хизмат бормиди?, - дедим саволига савол билан. Кейин у менга қараб ўйчан гапира бошлади.

-Абдусалом, қара ўнлаб китоблар ёзяпман, тижорат қиляпман. Тижоратим шу қадарки, карвонларим дунёнинг тўрт томонига бориб келади. Мени бир ҳаёл баъзан қийнаб қўяди. Китобларим ва савдо илмим келажак авлодга бус-бутун етиб борармикан? Улар аждодларининг тижорий сирларини ўрганиб улардан-да кучлироқ бўлармикан? Ё бошқалар ўзиб кетадими? **Агар дунёда бошқа дингагилар мусулмонлардан бойиб кетса, ислом дини аёвсиз зулм ва таҳқирлар остида қолиши аниқ.** Ишқилиб авлодларимизни дин уламолари адаштириб қўймасин. Икки дунё учун ҳам қаттиқ ҳаракат қилишга чақирсин.

-Нега бирдан бу ҳақда гапириб қолдинг?, - деб савол бериб юборибман гапини бўлиб. У бир тўхтаб гапида давом этди.

-Бир ҳафта олдин шаҳарга боргандим. Жума маърузасини тингладим. Имом кўпчилик олдида қаттиқ хато қилди. У бойликни аёвсиз танқид қилди, бойларни жаннатга кирмайди, кирса ҳам энг охирида киради, деди. Бойларнинг ҳисоб – китоблари жуда қаттиқ бўлишини айтиб одамларни қўрқитди. Факат ибодат қилиш ҳақида гапирди. У билмайдики, ҳалол тирикчилик қилган,

ҳалол тижорат юритаётганлар ҳам ибодатда аслида. Фақат охират учун ҳаракат қилиш керак, дейилди у ерда. Абдусалом, агар шунақа имомлар кўпайиб кетса, ислом олами камбағаллашиб қолади. Оқибатда рибоҳўрлар ўз ишини катталаштириб юборади. Бошқа диндагилар кучайиб, мусулмонни эзади. Аслида имомлар асл ҳадисни яширмасдан айтишлари керак. Пайғамбаримиз Мұхаммад Мустафо Саллоллоҳу алаҳи васаллам шунадай деган: **“Ҳам охират учун, ҳам дунё учун ҳаракат қилган одам хайрлидир(аслинни топиб киритаман)”**. Бизнинг имомлар ҳозирдан одамларни қўрқитади. Бойлар кўпайса, тадбиркорлар бойиса ҳалқ бой бўлади. Йўллар, шаҳарлар обод бўлади. Муҳтоҷлар қийналмайди. Ишсизлар иш билан таъминланади. Одамларни қўрқитмасдан бой бўлишга, молиявий мустақилликка, пулдор бўлиб, жаннатга олиб борадиган садақаларни қилишга тарғиб қилиш керак. Шунда қиёматгача мусулмонларнинг қўли баланд бўлади. Бу - адолат бўлади дегани. Мен жумадан кейин имомга хатосини айтдим. Узр сўради. Бошқа қайтармаса керак хатосини. Лекин калта ўйлаб, одамларни ишбилармонлик, бадавлатликдан қайтарадиганлар чиқяпти. Бу яхши эмасда. Қара ҳадисларга қанча сохталари қўшилиб кетди. Росулуллоҳ алайҳисаломнинг тижорий сирларига мингта ёлғон қўшиляпти. **Мен ҳам китобларим атай йўқотиб юборилишидан ва авлодларим тижорий илмлардан бебахра қолишидан қаттиқ ҳавотирдаман.**

-Ҳавотиринг ўринли, - дедим унга тикилиб. – Аммо китоб ёзишдан тўхтамаслигинг керак. Юзлаб китобларингдан биттагинаси етиб борса ҳам катта хазина бўлади келажак учун. Душманлар, кўролмаслар хар

доим топилган. Асарларинг етиб боради Худо хоҳласа, аммо менда бошқа ўй бор. Эсингдами, шом тарафга борганимизда султон кутубхонасидаги қўлёзмалардан фойдаланишга рухсат йўқ эди. Гўёки улар асрамоқчи эмиш. Китоб ўқиб турилса, вараклаб турилса, яхши сақланади. Султон китобни асрамоқчи эмас, йўқотмоқчи аслида. Менинг хавотирим келажакда золим шоҳлар устозимиз Абу Ҳанифа ҳазратлари, ундан олдингилар, сен ва сен каби фидоийларнинг асарларини сақлаш баҳонасида қўлёзмалар сақланадиган жойга тўплаб йўқотиб юбормасайди. Ҳалитдан асарларни халқдан яшириш бошланган пайт, ҳадисларга ҳужум қилиняпти. Ишқилиб келажак авлодимизга Аллоҳ инсоф берсин.

-Шуни мен ҳам ўйлагандим, - деди Абдуллоҳ жиддий. – Авлодларимизни агар инсофли шоҳлар бошқармаса, динларини унутсалар, ўзлари ва қариндошларини таъминотларини қилолмасалар, ишчи ўрин яратишга тиришмасалар, бошларига кўп кўргуликлар ёғилади. Худо арасин уларни. Аммо ислом дини ҳамиша ғалаба қозонади. Шу умид билан китоб ёзавераман. Авлодларим барибир асарларимни излаб топади. Агар дин уламоси асарларимни яшириб, ёки ўзгартириб юбормаса, асрлар оша китобларим одамларга эзгулик улашади...

АБДУЛЛОХ “ЙЎҚ” СЎЗИНИ ИШЛАТМАЙДИ

Биз тижорат қилиб кўп тажриба тўпладик. Аммо ҳамон баъзи бир камчиликлар бор эди. Аммо Абдуллоҳ ўрганишдан тўхтамасди. У абадий ўқувчи. Бир куни ундан сўрашди.

-Устоз сиз ўқиши – ўрганишни қачон тўхтатасиз?

Абдуллоҳ уларнинг саволига шундай жавоб берди.

-Ҳеч қачон. Чунки илм олувчи, ўрганувчига ҳатто дарёдаги балиқлар ҳам барака тилайди, уларни Аллоҳ кечиришини сўраб дуо қиласди. Шундай экан ўқувчиликни ташлаб бўладими!?

Абдуллоҳ савдо соҳасидаги барча қўлланмаларни ўрганишдан эринмайди. Ҳатто шу соҳада ёзилган бирор китоб бўлса, тия баҳосида сотиб олади. У тижорат қилиб тургандан ҳеч қачон йўқ демайди. Унинг ўрнига бошқа сўзларни ишлатади. Кимдир газлама сўраб келса, у истагани бизда бўлмаса, “Ўрнига мана буни кўрингчи”, “Бизда ундан бошқачароғи бор”, дейди, аммо “йўқ” демайди. Бир куни бир кекса киши бўялган яхши мато сўраб келди. Аммо бизда йўқ эди. Мўлжали ноз дирхам экан. Абдуллоҳ унга эринмай бошқа матоларни кўрсатди. Чолга ёқмади.

-Бошқа дўкондан сотиб оламан унда, - деди у раҳмат айтиб. Шунда Абдуллоҳ:

-Сиз шу ерда ўтириб туринг. Мен омборни қараб келаман, - дея чиқиб кетди. Бироз вақт ўтиб харидор

истаган матони олиб келди. Унга юз дирхамга сотди. У миннатдор бўлиб чиқиб кетгач, мен чидолмасдан:

-Нега унга уч юз дирхам турадиган матони юз дирхамга сотиб юбординг, кейин бу мато омборда йўқ эдику - дея ундан сўрадим. У менга бироз тикилиб турдида жавоб берди.

-Абдусалом, бу кекса киши ҳақида эшитганман. У юз дирхамни йиққунча бир йил ишлаган. Кампири ва қизларини хурсанд қилиш учун бугун мато сотиб олгани келган. Агар йўқ, деб қайтариб юборганимизда у қўлидаги пулига ундей мато сотиб ололмасди. Эҳтимол яна ишлаб пул йиғар ёки тушкунликка тушиб қоларди. Шунинг учун бошқа дўкондан бу матони уч юз дирхамга сотиб олиб келдим ва унга юз дирхамга сотдим. У яқин орада газлама олиш учун бозорга тушмайди. Умри узок бўлсин. Фарзандлари бадавлат бўлсин.

Мен унинг жавобидан ва жўмардлигидан лол бўлиб қолдим. Агар менга валломати келса ҳам ўша мато бизда йўқлигини айтиб қайтариб юборардим. Лекин Абдуллоҳ ундей қилмайди. Мижознинг кўнглини олади. Уни рози қиласди.

ИНСОНЛАРНИНГ ИЛОЖСИЗЛИГИ ФОЙДА УЧУН ИМКОН ЭМАС

Бир куни устоз бизни йўқлатибди. Шошилиб йўлга чиқдик. Уйларигача икки қунлик йўл. Абдуллоҳнинг яхши бир одати бор. Агар ҳазрат йўқласа, бор ишини ташлаб ўша ёқса чопади. Етиб борганимизда аср вақти эди. Намозни ўқиб олдикда, олдиларига кирдик. Салом алиқдан сўнг қўзимизга тикилиб қаради. Кейин табассум билан гап бошлади.

-Ўғлонларим, тижоратларингиз сиз ўйлагандан ҳам, мен умид қилгандан ҳам гуллаб яшнаб кетди. Ота-онангизнинг дуоларини олиб турганингиз учун шундай бўляпти. Абдусалом охирги марта ота-онангнинг олдига қачон боргандинг? Сенчи Абдуллоҳ?

Биз жавоб беришдан олдин ўйланиб қолдик. Олти ойдан буён Марвга бормабмиз. Уялдик. Бирдан уларни эсладим...

Биз Марвдалигимизда ота-онамизнинг хизматларини жону дил билан қиласиз. Абдуллоҳнинг отаси ҳам тижорат қиласарди. Аммо ҳозир кўпроқ ибодат қилипти. Онаси уй ишлари билан банд. Бир икки марта уларни ва ота-онамни ҳажга олиб бордик. Бир муддат Ироқда ҳам яшади. Лекин ота маконларини қумсайверди. Улар кексайган, аммо қадлари тик. Ҳалол тирикликлари туфайли жонлари ҳаловатда. Бир куни отам менга “**Ўғлим ҳалол яша тинч ухлайсан**”, деганди. Абдуллоҳнинг отаси ҳам шундай фикрда. Уларнинг дуоларини кўпам

ололмаётганимиздан баъзан сиқиламиз. Ана шундай лаҳзаларда молиявий мустақилликнинг қадри ва ўзгаларга тегадиган фойдасини ўйлаб, яна тижоратга зўр берамиз.

... – Олти ойча бўлди, - дедим жавобни куттирганимдан ҳижолат бўлиб. Узтоz ним табассум билан гапира бошлади.

-Мусо алайҳиссалом Аллоҳга эркаланиб дуо қиласкан. Бир куни шундай дуо қилиб турса, нидо келибди “Эй, Мусо, бошқа эркаланиб дуо қилмагин!”. Мусо алайҳиссалом бу гапни эшитгач, илтижо қилиб “Ё, Роббим, шу вақтгача шундай дуо қилардим, аммо танбех эшитмагандим, сабабини менга билдир Аллоҳим”. Аллоҳ таоло жавоб берибди. “У пайтларда онанг тирик эди”. Она дуо қўргони. Мен онамнинг дуоси билан шу даражаларга етганман. Абдуллоҳ ҳам, сен ҳам дуо кучи билан ҳимоялангансиз. Хизматларинг кам эмас, аммо фурсат бўлди дегунча, албатта уларнинг ёнига шошилинглар. Хизматини қилинглар. Омонат дунёда омон бўласизлар. Ота-онангизга пул ажратиб турасиз, бу барака омили. Савдоингиз шунинг учун гуллайверади. Ҳолидан хабар олсангиз, жаннат эшиклари очилади. Ҳа, майли асли бошқа сабаб билан чақиртиргандим. Бир ўгитим бор сизларга. Қалбингизга муҳрлаб олинг. **Ҳеч қачон бирорнинг иложсизлигидан, ё ҳалқнинг ноиложлигидан фойдаланиб дунё орттируманг!** Кейин шом ўқидик. Кечаси ортимизга қайтдик. Устознинг насиҳати ҳақида жуда узоқ ўйладик. У зот бизга ҳеч

қачон ёнғоқни чақиб бермасди. Шундоқ бутун берарди. Биз чақиб олардик. Бу сафар ҳам шундай бўлди.

Эртасига яна савдо ишига киришиб кетдик. Ҳисобчимиз бир ойлик ҳисботни менга берди. Даромад, харажат ва биздан қарздорлар рўйхати. Уларни Абдуллоҳга кўрсатдим. У қарздорларнинг моддий аҳволи, тўлов қобилятини сўради. Улар ҳақида батафсил маълумот бердим. Кейин бироз савдо ҳақида гаплашдик. Шу пайт Абдуллоҳни йўқлаб бир киши келганини айтишди. Ташқарига чиқдик (Абдуллоҳ ишда бўлса, одатда уни сўраб келганларнинг олдига катталик қилмасдан ўзи чиқарди). Одмироқ кийинган одам бизга салом берди. Алиқдан сўнг гап бошлиди.

-Сизлардан ўтган ой мўйна сотиб олгандим. Тўлашга пулим етмаяпти. Бир саман отим бор. Уни нархлаб сотиб олинг. Қарзимга етса, хурсанд бўламан, етмаса бошқадан қарз олиб тўлайман.

-Қарзинг қанча?, -деб сўради Абдуллоҳ унга яқинлашиб.

-Бир динор, - деб жавоб берди харидор ерга қараб.
– Вақтида қайтаролмадим, аслида шу отимни олиб келиб, олинг деб мажбурлашим хато. Аммо иложим йўқ бошқа. Унинг жавобидан сўнг қуидаги гўзал савол – жавоб ва савдо бўлди.

-Оting қанча туришини биласанми?

-Бозорга олиб бормадим. Бир савдогарга пул кераклиги учун сотмоқчилигимни айтгандим етти юз дирхам беришини айтди.

-Бу от ундан қиммат туради.
-Тўғри, бир танишим уни бир динор сўраган эди.
-У бундан ҳам қиммат туради.
-Майли бир динору икки юз дирхамга олинг.
-Мен отингни уч динорга оламан.
-Нега бунча қимматга оляпсиз?
-Икки ҳафта олдин бозорда шундай отлар шу нархда сотилётганини кўргандим.

-Савдонгизга, умрингизга, илмингизга Аллоҳ барака берсин. Ўлгунимча унутмайман бу яхшилигингизни.

-Бу яхшилик эмас, оддий савдо. Миннатдорлигинг ортиқ даражада бўляпти. Ўз баҳосида бозорга сотсанг, шу нархда сенга тўлашганида ҳам уларни шундай дуо қиласмидинг?

-Ҳали мол сотганимда бундай дуо қилмаганман. Бараксини берсин деб кетаверардим.

-Бугун ҳам шундай дегинда, уйингга қайтавер. Сенга ҳисобчи икки динор ҳозироқ беради.

-Раҳмат. Баракасини берсин Аллоҳим.

Ҳисобчи унга икки динор берди. Мен аллақачон ичкарига кириб кетган Абдуллоҳнинг олдига бордим. Қарасам, дуо қилиб ўтирган экан. Юзига фотиха тортгач, менга юзланди.

-Биласанми Абдусалом, устознинг кечаги айтган гапининг мағзини чаққандекман. Бояги қарздордан қарзи эвазига отни олиб қолишимдан устозимнинг ўгити қайтариб қолди, -деди у кўзи ёшланиб.

ҚАЛБ БОЙЛИГИ

Бир куни Абдуллоҳ талабаларга дарс ўтиб турганди. Уни ҳамма жон қулоғи билан тингламоқда эди. У ўқувчиларга бойлик тўплаш ва уни тасарруф қилиш ҳақида гапиравди.

-Хурматли талабалар бой мусулмоннинг зиммасида ўзгаларни бойлик сари тўғри бошлаш, садақа ва эҳсонлар қилиш, одамларни иш билан таъминлаш, жамиятга янгилик олиб кириш, илм оладиганлар ва олимларга ёрдам бериш каби мажбуриятлар бор. Шунинг учун бой бўлишга қарор қилган одам, хасисликдан воз кечиши, кўнглини кенг қилиб ишлаши керак. Бойликнинг қалбга кириб олиб, васваса қилишига йўл қўймаслиги лозим. Унинг сўзини Фузайл ибн Иёз деган шогирди бўлди.

-Устоз бойликни тасарруф қилиш ва қалбни ундан қаттиқ эҳтиёт қилиш ҳақида гапириб турибисизу, савдо карvonларингиз дунёning тўрт томонига бориб келмоқда. Ишингиз билан сўзингиз тўғри келмаяптику устоз. Абдуллоҳ унга оталарча меҳр билан боқиб шундай деди.

-Агар сизлар бўлмаганингизда мен савдони бу қадар кенгайтиргман бўлардим. Кейин у ташқарига чиқиб кетди. Ҳамма жим бўлиб қолди...

Мен юқорида Абдуллоҳнинг орзу ва мақсадларини айтгандим. У орзу қилгандек катта уй солди, минглаб шогирдлар сиқадиган жой ҳозирлади. Хайр – эҳсонда ҳам пешқадам бўлди. Тижоратини устозникидан ҳам каттароқ қилиб кенгайтирди. Илм аҳлига минглаб динор хайрлар қиляпти. Устозларига ҳам катта – катта эҳсонлар қиласи. Кимдир китоб ёзяпти деб эшитса, ўша одамга пул жўнатади...

...У Фузайлга айтган гапини асло миннат учун айтмади. У миннатчи эмасди. Ўзи ўтаётган дарсидагидек, бойлар сифатига эгалик учун айтди. Ўз зиммасидаги ишларни бажариш учун улкан тижорий иш қилаётганини билдириб қўйди.

Ўрни келгандя яна баъзи маълумотларни ҳам айтиб қўйишиш керак. Унинг савдоси Хуросондан Макка, Мадина, Шомгача кенгайган эди. Унинг тижоратидан мақсади мол тўплаб, бойлик йиғиш эмас, балки бу мол-дунё билан ўз обрўсини сақлаш ва илмли дўстларига ҳайру-эҳсон қилиш эди.

... Бир куни бизни меҳмонга айтиб кетишиди. Бордик жуда чиройли суҳбат бўлди. Абдуллоҳ бирор нафи бўлмаган учрашувларга бормас, борган жойида ҳалққа фойдаси тегадиган бир масала ечишга уринар ё ишсизларга иш ўрни яратишни тарғиб қиласди. Бора – бора одамлар ҳам ўрганди. Бефойда суҳбатдан кўра ҳаммага нафи тегадиган амалий ишлар қилинадиган бўлди. Бу сафар бир дўстимиз китоб ёзаётган кўшниси ҳақида гапирди.

-Кўшним китоб ёзяпти. Қандай мавзудалигини сўрасам, ҳадислардаги тадбиркорлик, тириклик, ҳалол ризқтопиш, бой бўлиш ҳақидаги ўринларини шархлаётган экан. Роса қизиқиб қолдим. Кўпчилик имомлар бойлини ёмонлаб, “Қалбни ўлдиради, камбагаллик, факирлик яхши, хисоб осон бўлади, бойлар жаннатга кеч киради”, деб нотўғри гапириб турғанларида, кўшнимнинг иши бир жасоратда. Қози танишим бўлади. Унга қўрқмай ёзавер агар сенга кимдир тазийқ ўтказса, ўзига тазийқ ўтказиб қўямиз дедим. Аммо ўзи бой эмас. Баъзан мардикорлик қилиб чарчайди. Китоби қўлимизга келиши кечикиб

кетяпти. Мен бироз ёрдам қилдим, аммо барибир бутун оилани таъминлаш осонми.

Унинг гапларидан рости ҳайратга тушдик. Ҳамма катта қизиқиш билан тинглаб турарди. Шунда Абдуллоҳ химмат қилди. Китоб хабарини етказганга қарата дадил шундай деди.

-Мен ўша одамга икки юз динор бераман. Унинг гапидан шошиб қолдим. Чунки харажатлар кўп эди. У бераётган пул китоб ёзадиган кишига ўн йиллаб яшашига ва китобинии чиқаришига ҳам етарди. Бу пулни ўртача савдогар бир йил ишлаб топарди. Аммо бир нима деёлмадим. Пул уники, истаганини қилади. Ўтирганлар ҳам ҳайратда эди. Китоб ёзадиганга шунча эҳсон қилсая. Даврада ўтирганларнинг кўпчилиги бунча пулни ҳатто ушлаб ҳам кўрмаган. Орзу ҳам қилмаган. Шу ўйлар миямни чизиб турганида Абдуллоҳ қозини танишим деган дўстимизга яна бир гап айтди.

-Қозига тайинлаб кўйинг илтимос, кўшнингизнинг пулига кўз олайтирганни жазоласин, солиқчиларнинг қадамини унинг уйидан узсин. Унинг беш йиллик солигини эртага ҳисобчим тўлаб қўяди. Бой ва кучли мусулмон инсон бўлишга тарғиб қиладиган одам учун бу хизматим жуда ҳам оздир. Китоби чиққанида насиб этса, карвоним етган жойгача уларни сотаман. Мусулмонлар бой бўлишлари керак. Шунда дунёда адолат хукм суради. Ишсизлик камайиб, инсонлар баҳтли яшайди. Йўқсиллар топталмайди, илм хор қилинмайди, ўқитувчи ва табиблар камситилиб, обрўлари тўкилмайди. Аёллар ишлаш учун ташқарига чиқмайди. Ислом дини ёмонотлик қилинмайди.

ЯНА БИР БОРИЛМАГАН ҲАЖ

Мана ниҳоят яна ҳаж мавсуми бошланди. Абдуллоҳ ҳажга отланди. Биз барча нарсаларни тайёрлаб, йўлға ҳозирлик кўра бошладик. Бу сафар Абдуллоҳнинг ҳисобидан эллик киши ҳажга борадиган бўлди. Мен ва ҳисобчи бутун карvonдаги ишларга бош бўлдик. Йўлга чиқадиган куни юз динор хайр қилди.

Мана зикр қилиб йўлда кетяпмиз. Чўлда тез – тез шоқолларнинг овозлари эшитилиб туради. Тунча айниқса ҳаёлни бўлади. Мен ҳар доимгидек Абдуллоҳнинг кечаси ёзганларини фурсат бўлди дегунча оққа кўчирман. Дилимдаги умидим: келажакда шу асарларни ўқиганида бутун аждодларининг ҳаққига авлодлар дуо қилса. Айтганча, жамоат бўлиб намоз ўқиб турганларимизда ҳам шундай дуолар қиласиз.

Тонгда биринчи Абдуллоҳ уйғонади, аникроғи тунда ухламайди. Олдинда йўлни билиш учун беш – олти кишини жўнатадида, уларни пойлаб ўтиради. Ўзи моҳир жангчи бўлгани учун, карвонга жанг санъатини яхши биладиганларни олади. Доимий савдо карвонларида бундай соқчилар сони юздан зиёд. Мана хабарчилар ҳам қайтиб келди. Абдуллоҳга тўлиқ ахборот бера бошлади.

-Яқин ўттиз чақиримда шубҳали бирор нарса сезмадик. Қароқчиларнинг изи йўқ. Турли йиртқичлар ҳам кам экан. Кечаси олов ёқсак, улардан ҳам хавфсрамасак бўлади.

-Яхши, раҳмат. Энди дам олинглар. Соқчи бошига вазиятни тушунтиринглар йўлга ҳозирлик кўраверсин. Абдуллоҳ кўрсатма бергач, пешиндан сўнг йўлга тушдик. Икки кун тўхтамасдан юргач, карвонга дам берилди.

Хуфтонни ўқиб бўлганимиздан кейин яна китоб кўчириш иши билан банд бўлдим. Абдуллоҳ тиловат қилди. Унинг овози шундай ёқимлики, қалбларни эритиб юборади. У Куръонни ўқиб бўлгач, албатта тафсир ҳам қилишга ҳаркат қиласди. Бу сафар ҳам анча фикр қилди. Узоқ тафаккурдан кейин менга қизиқ гап айтди.

-Абдусалом, Мусо алайҳиссалом Фиравндан қочиб, қизилденгизга борганидаги ҳолатни эслайсан. Денгиз қоқ иккига бўлинган. Қандай бўлинганини тафсилотлари билан ўқигансан. Аллоҳ таоло Мусо алайҳиссаломга асо (хасса) сини денгизга уришни буюради. Сенингча бир зарб билан денгиз бўлинниб кетдими? Йўқ, Роббим пайғамбариға озгина сабаб қилса, қолган ёрдамини Ўзи бериб юборишини маълум қиляпти. Сенингча бизнинг юз минглаб топаётган динорларимизга ўзимиз барака бериб юборяпмизми? Ишларни ўзимиз юргизиб юборяпмизми? Йўқ биз озгина ҳаракат қилдик. Қолган ишни Аллоҳим битириб қўйяпти. Бугунги тирикчилик, савдо, оила тебратиш ҳақидаги тушунчалар жуда саёзда қара. Парвардигор сендан ҳаракат мендан баракат қабилида иш тутяпти. Аммо банда шу озгина ҳаракатини ҳам қилмаяпти. Майли дам олақол, қолганини эртага гаплашамиз. Мен лол бўлиб қолдим. Яна бир бор унинг илми баландлигига, Куръон маъноларини теран англашига амин бўлдим. Рости ишларим кўплигидан ухломладим. Бомдодгача ишларимни битирдим.

Эртасига карвондан илгарила бетдик. Чунки у фикр қилас, ёзадиган китоби ҳақида кўпроқ ўйларди. Шунинг учун доим олдинда юрарди. Олдимииздан кичик

бир кишлоқ иқди. Биз билан ҳисобчимиз ҳам бирга эди. Ҳаммамиз жим ўз ҳаёлларимиз билан эдик. Яқинмизда бир тепалик бор экан. Унинг атрофида турли чиқиндилар ташланган, бадбўйроқ экан. Бир аёл ўша ердан нимадир қидиради. Яқинлашгач, мен ундан сўрадим.

-Ассалому алайкум! Бу қайси кишлоқ? Масжид борми бу ерда? У жавоб беришдан уялди чамаси индамасдан қўлига нимадир олиб, уйига кириб кетди. Абдуллоҳ яна сезгирик қилди.

-Содик ичкарига киргинда, уй эгасидан бугун шу ерда тунасак майлими, деб сўрагин. Қолганини кейин кўрамиз, -деди. Ҳисобчи ичкарига кириб, уч марта салом берди. Бояги аёл чиқди. Унга муддаони билдирганида, у қимтиниб жавоб қиди.

-Ҳеч вақомиз йўқ. Акам бемор ётибди. Мехмон қилолмаймиз. Абуллоҳ унга савол берди.

-Уйингиз ҳашаматлигина экан. Мехмон атойи Худо. Сиздан ош сўрамаймиз жой сўраймиз. Уч кишилик жой топиладими? Аёл кўзда ёш билан гапира бошлади.

-Биз меғмондўст одаммиз. Уйга келган одамга таом бермасдан жўнатмаганмиз. Сизларни киритсан, емоқ учун ҳеч нарса беролмаслигимдан уялиб кетяпман. Биз яқингача бой эдик. Қарокчилар хужум қилиб, отамни ўлдиришди. Боримизни талаб кетишиди. Мен ва акам бекиниб, жон сақлаб қолдик. Анчадан буён очмиз. Тиланчилик қилолмайман, юзим чидамайди. Мана шу атрофда ўлимтикли ё бирор қушми учраб қолса, деган умидда ҳар куни атрофни айланаман. Бугун бир жонсарак қуш топдим. Сизлар салом берганингизда мен уни

олгандим. Уялганимдан уйга кириб кетдим. Акам хаста. Очликдан силламиз куриган. Бугун шу қушни пишириб емоқчимиз. Худо хайрларингизни берсин, илтимос бизни кийнаманг.

Унинг юракларни ўртагувчи гапларидан бизнинг кўзларимиз ёшланди. Абдуллоҳ ҳисобчидан.

-Қанча пулимиз бор?-деб сўради. У:

-Минг динор, -деб жавоб берди. Абдуллоҳ унга ўта вазминлик билан буйруқ берди.

-Марвга қайтиб, уйга етиб олишимизга йигирма дирхам етади. Сен қолганини бу қизга бергин. Улар олдингидек меҳмондўстлигини давом эттирсин. Ҳамиятларини йўқотмасин. Аллоҳ қалби бой иффатли инсонларни яхши кўради. Роббим севганига биз ҳам муҳаббат билан муомала қиласиз. Энди қайтдик ортга. Биз лом-мим деёлмадик. У бой савдогарнинг бир йиллик даромадини бериб юборди. Биз эса ҳажга бормайдиган бўлдик. Адашмасам бу ҳаж ўн бешинчиси эди. Карvonнинг олдига келгач, карвонбоши ва соқчибошига кўрсатмалар берди. Улар йўлида давом этди. Биз тезда ортимизга қайтдик.

Марвга қайтганимизданоқ яна тижоратга зўр бера бошладик. Ишимиз шундай жонланиб кета бошладики, яқин йиллар ичida бу қадар кўп фойда қилганимизни эслолмайман. Чунки ҳисобчимизнинг ўзига ажратадиган пули (юкорида ҳисобчининг маошининг бир қисмини йиғиши ҳақида айтгандим) олдин оладиган маоши баробар бўлди.

АБДУЛЛОХ МАҚСАДИ ЙҮҚЛАР БИЛАН ИШЛАМАЙДИ

Устозимиз Абу Ҳанифа хазратларидан дарс ола бошлаганимиздан буён ҳаётимизда улкан ўзгаришлар содир бўляпти. Энди биз дунёга ҳайрон боқадиган одамлар эмасмиз. Аниқ мақсадларимиз, бутун инсониятга фойда келтирадиган орзуларимиз, пухта режаларимиз бор. Нега бу ҳақда гапираётганимдан ҳайрондирсиз. Ҳозир сабабини айтаман.

Хуллас Абдуллоҳга бемақсадлар ёки тўғри орзу қилишни билмайдиганлар ёқмасди. У билан савдони бошлаганимизда ишга қабул қилиш учун яхши саволлар рўйхатини тузиб чиққанмиз. Улар қўйидагилар.

-Тўлиқ исмингз ва насабингиз ҳақида айтинг.

-Яшаш жойингиз ва ижтимоий муҳитингиз ҳақида гапиrinting?

-Қуръондан неча пора ёд олгансиз?

-Шархсиз ҳадисни нечоғлик тушунасиз?

-Таваккалчимисиз?

-Мақсадларингиз ҳақида қисқача сўзлаб беринг.

-Қандай орзуларингиз бор?

-Иш борлиги ҳақида кимдан эшитдинги?

-Агар ишга олсак, савдомиз учун нима қила оласиз, қандай фойда келтира оласиз?

-Маошингиз қанча бўлишини истайсиз?

Яна бир қанча саволлар борки, айтсам гап чўзилиб кетади. Иш қидириб келганлар билан суҳбатни мен ўтказардим. Кейин улар ҳақидаги хулосааримни Абдуллоҳга айттардим. У биринчи навбатда яхши гумонли, яъни доимо яхши томонлама ўйладиган, ҳар

қандай ишдан яхшилик умид қиласынан да аник мақсади борларга қизиқарди. Қолғанларини қайтариб юборардик. Гарчи у пайларда ислом дини ривожланиб, дунёдаги ҳар бир ишлардан яхшилик қутадиганлар күп бўлса-да, ёмон гумонлилар ҳам учраб турарди. Шундай қилиб Абдулоҳга мақсади аник эмаслар умуман ёқмасди. У тез-тез фаолиятимизнинг мақсадини ҳодимларга тушунтириб, эслатиб турар, ўз мақсадларига эга бўлмаган ёки мақсад қўйишга дангасалик қилаётганларни уч огоҳлантиришдан сўнг ишдан бўшатарди. Ишга кунлик режа билан келиш одат эди бизда. Эсимда, ишни энди бошлаганимизда устозимиз бизга мақсадни аник қўйишни тайинлаганди.

-Мақсадларингиз аник бўлсин. Ноаниқ мақсад сари юрсангиз, натижа ҳам ноаниқ бўлади. Юраверайликчи олдимиздан бир нима чиқиб қолар, қабилидаги ишнинг натижаси ҳақиқатдан бир нима, аммо номаълум нимадир бўлади. Мақсадингиз султонларни шошириб қўйиши, инсониятга фойда келтириши керак. Аллоҳ ишларингизга ривож берсин.

Ушбу сўзлар қулоқларимиз остида ҳар куни жаранглайди. Орадан кўп вақт ўтмасдан Абдуллоҳ бир пишиқ матога сифатли бўёқ билан ўттизта мақсад ёзди. Яқин эллик йилда эскирмайди, ўчмайди ундаги ёзувлар. Мақсадлари шунчалик аник, кенг қамровли эдики лол бўлиб қолдим. Энг тепасига “Аллоҳ хоҳласа шу мақсадларимга албатта эришаман”, деб ёзиб қўйибди. Ҳайратланиб турсам, табассум қилди ва елкамга қоқиб гапира бошлади.

-Аллоҳ таоло қарз олди бердисидан тортиб,

қилинажак ишларни ёзib қўйишгача таълим берган. Ишонмасанг Куръонга боқ. У ерда ақл эгалари учун яхши тавсиялар бор. Мен ҳам мақсадларимни, режаларимни ёзib боришни ният қилдим. Бутун инсониятга фойда келтирадиган ишларни орзу қиласман. Мана шу мақсадларимга ҳар куни қараб тураман. Токи улар эсимдан чиқиб кетмасин ва қалбимга жойлансин. Қалбга ўрнашган нарсанинг таъсири аъзоларда сезилади. Ҳаракат қила бошлайсан. Қорнинг очганида овқатланишга интилганингдек, ушбу мақсадларга етиш учун ҳам тинимсиз ҳаракат қиласан. Сен ҳам мақсадларингни ёзib қўйгин. **Миянга яхши фикрлар келса ҳам қоғозга туширгин.** Чунки улар бекорга эмас. Қани ишга кириш.

Ўша кундан бошлаб мен ҳам мақсадларимни ёздим. Режаларимни қоғозга туширдим. Орадан бир ойча вакт ўтгач, ҳар бир қадамим олий мақсадларим сари ташланаётганини, беихтиёр улар сари одимлаётганимни сеза бошладим. Ёшимиз кирқдан ўтганида ёзяпмиз шу ёзувларни. Мана ёзувнинг кучини англадик. Ана шундан кейин биз ходимлардан ҳам мақсадларини, орзуларини сўраб чиқдик. Қисқа вақт ичида савдомизда мислсиз ўзгаришлар бўлди. Энди юзлаб ишчиларимизнинг кўзлари ёниб турарди, аниқ режа билан ишларди. Фойдамиз эса тобора ортаверди. Пулимииз кўпайгани сари Абдуллоҳнинг хайр – эхсонлари ҳам ортиб борди.

УСТОЗНИНГ ВАФОТИ ОЛАМНИ ФАРЁДГА ТҮЛДИРДИ

Бир куни Абдуллоҳ бомдоддан сўнг менга тез йўлга чиқишимзни айтди. Отларни тайёрладим. Йўлда сабабини айтди.

-Бир туш кўрдим. Кўнглим безовта. Устознинг олдига тезда бормасак бўлмайди.

Мен ҳам хавотирга туша бошладим. Чунки устозга қаттиқ зулмлар қилинмоқда эди. Ироқда Хубайра ҳокимлигида қозилик таклиф қилиниб, рози бўлмагач, азобланганди. Ҳоким вафот этгач, Мансур ҳоким бўлди. У зотни аёнлар ва мусулмон бўлмаганларнинг зодогонлари фитна қилиб, азобга гирифтор қилишди. Улар устозни кўролмасди ва билардиларки, Имоми Аъзам хазратлари қозиликни икки дунёда ҳам қабул қилмайди. Кейин уюшиб ҳокимга устознинг кибрланиб кетганини, ҳатто ҳокимларнинг гапларини ҳам олмай қўйганини айтишган. Мансур у зотни чақириб, қозикалонликни таклиф қиласди. Аммо устоз унамайди. Улар баҳслашади.

-Аллоҳга қасамки сизни қози қиласман, - дейди ҳоким.

-Аллоҳга қасамки қози бўлмайман, -деб устоз ҳам қасам ичиб юборади.

Ана ундан кейин устозни қамаб қўяди. Ҳар куни олдига чақириб, таклиф билдираверади, аммо устоз рад этаверади. Кунига ўн дарра уришни буюради. Биз бу ҳақда эшиганимизда устозни қамоқдан чиқарип олишга роса уриндик. Абдуллоҳ амалдорлар билан гаплашди. Аммо ҳокимнинг қарорини ўзгартириб бўлмади. Устоз билан учрашганимизда бизга насиҳат қилди.

-Азаматларим, ҳақни айтишдан хеч қачон

тортинманглар. Аллоҳдан қўрққандан ҳамма қўрқади. Савдонгизни кенгайтириб, илм таратинглар. Бой бўлингларки, таъмадан кутуласизлар ва обрўларингизни доимо сақлаб юрасизлар. Душманларингдан доимо бир қадам олдинда юринглар. Мендан ҳавотир олманглар. Аллоҳ меҳрибон, яқинда бу азблар тугайди...

Биз отларга дам бермасдан манзилга шошилдик. Борсак, тумонат одам. Дуч келган биринчи одамдан:

-Устозни қамоқдан қўйиб юборишдими?, -деб сўрадим. У бўлса кўзларида ёш гилтилла:

-Устоз оламдан ўтди, - деб жавоб берди.

Кўзларимга дунё тор келди. Ҳеч нимани эшийтмай қолдим. Тилимда “Инна лиллаҳи ва инна илайҳи рожиъун (Аллоҳдан келдик ва Аллоҳга қайтамиз) калимаси тушмасди. Бир замон Абдуллоҳга қарасам, кўзлари тўла ёш одамлар оша ичкарига қараб кетяпти. Лаблари пицирлаб дуо қиляпти. Ичкарига кирсак, бош шогирди Абу Юсуф йиглаб ўтирган экан. Бизни кучиб, унсиз яна йиғлади. Ўғли Ҳаммодга таъзия билдиридик, аммо гапирай десак, ўпкамиз тўлиб, гапимиз бўғзимизда қолаверди. Бизни Фассолнинг сўзлари хушёр торттириди.

-Устоз бизни ташлаб кетди. Бир умр илм излади, аммо ўргатгани учун бирордан бир нима таъма қилмади. Қирқ йил елкаси кўрпа кўрмади (ухламади демоқчи). Шунчалик кўп илм жамлаганидан қиёматгача умматни чарчатадиган бўлди.

Мен минг хасратда бўлсамда ғассолнинг гапларидан қаттиқ таъсирландим. Дардим икки баробар оғирлашди. Бир томондан устознинг энди орамизда йўқлиги бўлса, иккинчи томондан илмларини ёзаётган шогирди Абу Юсуфдан ҳавотирда эдим (Аммо орадан

йиллар ўтиб, хавотирим ўринсиз эканини вақт күрсатди. Унга султонлар зуғум қилмади ва устознинг бутун илмларини китобат қилишга эришди).

Жанозадан сўнг қўпчилик устознинг ҳаққига дуо қилди. Шундай буюк зотлар устознинг тириклиги учун жонларини фидо қилишга тайёр эдилар. Аммо вақт соати етган инсон бу дунёдан чин дунёга кетаверади. Ҳамма ҳам оила даврасида ё хурсандчиликда жон беравермас экан. Устозимиз минг қийноқ ичра қамоқда вафот этибди. Хуфтон намозидан сўнг Абдуллоҳ вафоти сабаблрни қисқагина, тафсилотларга берилмай гапириб берди. Мен ҳам борича айтиб ўтирмайман. У зот ҳақида ёзилажак асарларда батафсил баён қилинади Худо хоҳласа.

Роса йигирма кун ортимизга қайтмадик. Устознинг шогирдлари илмий масалаларни, хазратдан қолган илмий меъросларни жамлаш билан банд. Абдуллоҳ эса Абу Ҳанифа раҳматуллоҳи алайҳىнинг ўғли Ҳаммодга савдо ишини юритиш, пул билан муомала қилиш, бозор қонуниятлари, нархлардаги фарқлар, маҳсулотлардаги алоҳида белгилар, рақобат иши, тижорат одобларини ўргатарди. Мен Абу Юсуфнинг ёзажак асарлари учун устознинг маълумотлари асосида тўпланган қофозларга белги қўйиб тўрт энлик изоҳ ёзиб турдим. Ишлар битач йўлга тушдик.

Ортимизга минг дард билан қайтдик. Аммо биз ҳадисга амал қилишга тиришамиз. Мўл-кўлчиликка шукр, бало-офтальмларга сабр, қазога рози бўламиз. Устознинг жойлари жаннатнинг энг юқори поғоналаридан бўлсин.

ТОЖИРЛАР УЮШМАСИ ЁКИ САВДОГАРЛАР ЙИГИНИ ҲАҚИДА

Устозимиз вафот этгач, васиятларига кўра биз янада қаттиқроқ илм қилиб, савдони кенгайтиришга ҳаракат қила бошладик. Савдомиз ва ишларимиз шу қадар кенгайдики, фойдамиздан ақл шошарди. Дунёнинг тўрт томонида бизни танишарди. Махсулотларимизни мамнун харид қилишар, сотиб оладиганларимизни савдогарлар арzon нархларда сотишарди. Устознинг вафотига мана ўн йил тўлибди. Ёшимиз ҳам элликдан ошиб қолди. Ҳамон савдогарликни **обрўмизни сақлаш, одамларни иш билан таъминлаш ва илм аҳлига моддий кўмак бериш учун қиляпмиз**. Аллоҳ ҳаракатларимизга баракалар беряпти. Икки кунимиз бир хил эмас. Ҳар кунимиз илм, тижорат ва иш бериш, одамларга ёрдам билан бойимоқда. Устознинг васиятларига қўлимиздан келгунча амал қилиб боряпмиз. Мана бугун ҳам бир янгилик билан кунимизни қаршиладик.

Абдуллоҳ доимо яхши гумонли ва келажакка ишонганлиги учун янги ғоялар устида ишларди. Бу сафар ҳам ажойиб фикр айтиб қолди.

-Абдусалом биз савдогарларни бир ерга тўплаб ҳар олти ойда йиғилиш ўтказишимиз керак. Мажлисни ўзим бошқараман. Мажлис учун харажатлар менинг зиммамда. Мақсад битта – халқقا осон бўлсин. Бозорга тушган одам нархдан ранжимасин.

-Яхши таклиф. Энди буни савдогарларга билдириш керак, - дедим мен завқланиб.

Шу кундан бошлаб, савдогарларга бу хабарни етказа бошладик. Мен юздан ортиқ қоғозга олти

ойдан кейин бўладиган йиғилишга Абдуллоҳнинг уй манзили кўрсатилган таклифнома тайёрладим. Кейин савдо карvonлари орқали машҳур тожирларга жўната бошладим. Уч ой деганда деярли барчасидан жавоб хати келди. Бу орада биз уйни таъмирладик, ўтирадиган жойлар тайёрладик. Меҳмонхоналарни созладик. Мен йиғилишни интизорлик билан кутардим. Чунки ўнлаб катта савдогарларни бир жойда кўриш бошқача бир ҳайрат эди.

Орадан олти ой ўтиб, кутилган кун келди. Мусулмонлар жуда тартибли ва вақтига яхши эгалик қиласидиган бўлади. Айтилган жойга вақтида келади. Ҳатто олдинроқ келиб кутиб ҳам туради. Вадабоз эмас мусулмон. Ишқилиб, биздан кейинги авлодлар ҳам вақтни исроф қилмаслик ва қадрлашда бошқаларга доимо ўrnак бўлсин. **Акс ҳолда вақтини қадрлайдиган ажнабийларга йўл бўшатиб беради.** Хуллас савдогарлар бирин-кетин кириб кела бошлади. Дарвоза олдига тўрт йигитни қўлида обдаста билан сув қўйишга тайинлаганмиз. Елкасида сочиқ, чиройли салом билан уларга хизмат қиляпти. Қўлларини ювгач, меҳмонхонага икки йигит йўл кўрсатиб туради. Эшиқдан кираверишда икки йигит уларнинг оёқ киймларини бир четга териб туради. Киргандан ўнг ва сўлда тўрт йигит уларнинг кийимларини илгакка илади. Ичкаридаги тўрт йигит тортилган таомларни меҳмонлар олдига қўяди. Ва бўш идишларни йиғишириб туради. Пешин вақтигача меҳмондорчилик бўлди. Таомларни исроф бўларлик даражада хилма – хил ва кўп тайёralамадик. Аввалига мева, туршаклардан турли шарбатлар, қуруқ мевалар ва қайнатма шўрва. Кейин эса гўштдан кабоб қилинди.

Қимиз ва табға қараб чой ҳам берилди. Пешин намозини жамоат бўлиб ўқиб бўлганимиздан сўнг йиғилиш бошланди. Абдуллоҳ тик туриб гапира бошлади.

-Ассалому алайкум дўстларим. Сизлар билан бир жойда халқнинг оғирини енгил қилиш ва қулайлик яратиш мақсадида йиғилиб турганимиздан ва таклифимизни рад этмасдан келганингиздан мамнунман. Орангизда мендан олдин савдо ишини йўлга қўйганлар, мен билан бирга тижорат бошлаганлар ва мендан кейин шу ишга таваккал қилганлар бор. Бу ерга йиғилишмиздан мақсад битта – бозордаги ғирромликларга ва нарх навонинг суний қўтарилишига йўл қўймаслик. Мен бу ҳақда таклифномада ёзгандим. Келганлар таклифга розилиги билиниб турибди. Энди кўриб чиқиладиган ва тартибга солинадиган масалаларга келсак. Аввало буғдой, арпа ва ёғнинг нархини одамларнинг чўнтаклари кўтарадиган қилиш керак. Ундан кейин туз, қанд, газлама, мўйна, маҳси, ковуш, бош кийим, от савдоси, гўшт, мушк (атир), тилла буюмлар, кумуш буюмлар, гилам, сиёҳ, қофоз, китоб, чинни, араб хурмоси, тўн (чопон), гуруч кабиларнинг нархларини иложи борича ушлаб туришимиз керак. Бу ердагиларнинг ҳаммаси ўзига тўқ ва пул билан муаммоси йўқ одамлар. Мен нархни бир хил ушлаб туриш ҳақида гапирмаяпман. Ошиб кетишининг олдини олишни назарда тутяпман. Аллоҳ таоло ҳам яхшилик қилиш йўлида бирлашишини таълим берган. **Яхшилик ва тақво йўлида ҳамкорлик қилингиз, гуноҳ ва ҳаддан ошиш йўлида ҳамкорлик қилмангиз!** (Моида сураси 2 оят Аловиддин Мансур тафсири). Таклифлар бўлса эшитамиз. Кейин хulosса қиласиз.

Абдуллоҳдан сўнг бирин кетин тожирлар фикр билдира бошлади. Бизга мўйна ва газлама сотадиган одам биринчи сўз олди.

-Гапларингизга қўшиламан. Аммо баъзан мўйна тайёрлаш жараёнида хом-ашё етишмай қолади. Биз ўша вақтларда қиммат нархга маҳсулот оламиз. Нарх ошмасдан иложи йўқ. Етказиб берувчилар вазиятни билгани учун нархни ошириб юборади. Биз ҳам ўз навбатида қиммат сотишга мажбур бўламиз.

Кейинги сўзга чиққан одам от савдосининг энг каттаси.

-От савдоси қизик. Бугунги кунда турли урушлар кўп. Натижада мен отни қимматроқ сотаман. Чунки улар отсиз жангга чиқолмайди. Шунинг учун бозорда икки хил нархда савдо қилолмайман. Карвонлар ва халқ учун ҳам ўша нархда сотаман. Сабаби уруш бошланганда отлар тақчил бўлиб қолади. Мен катта сармоя эвазига бошқа жойлардан сотиб оламан. Устига меҳнатимни ҳам кўшаман. Бу борада бир нима дейиш кийин.

Ундан кейин тўн ва бошқа кийимларни сотадиган гапирди.

Бизда ишлар мавсумий деса ҳам бўлади. Абдуллоҳнинг шарофати билан совуқ жойларга ҳам сота бошладик. Бу дегани мавсум йўқ энди. Нархларни бир хил ушлаб турибман. Аммо бошқа мамлакатга қимматроқ сотаман. Чунки йўл харажатлари бор. Ростини айтсан, четга мол сота бошлаганимдан кейин чинакамига бойидим. Яна шуни ҳам тан олишим керакки бизнинг диёрларда қиммат дейилган тўнларнинг энг баланд баҳоси бошқа мамлакатларда энг паст ҳисобланади. Шунинг учун bemalol савдо қиляпмиз. Таклифни ўйлаб

кўришим керак.

Шу тариқа ўнга яқин одам гапирди. Айникса мушк сотадиган катта тожирнинг гапи кўпчиликка маъқул келди.

-Мен авваллари мушкни тайёрлаб жойида сотардим. Табиийки арzon баҳога. Аммо маҳаллий бозорларни, бошқа жойларни суриштириб ўтирасдим. Кетган меҳнат, тикилган сармоя, ишлатилган маҳсулотни ҳисоблаб нарх чиқарадим. Аммо бир куни ўз мушкимни бир кичик бозорда кўриб қолдим. Нархини сўрасам мендан олиб сотадиганларнинг нархидан ҳам икки баравар қиммат экан. Шундан кейин катта бозорларда ўз дўконимни очдим. Ўша ердан одамлар тўғридан тўғри оладиган бўлди. Одамлар хурсанд. Орада Абдуллоҳ билан танишдим. Кейин бошқа мамлакатларга ҳам сотишни бошладим. Энди қайси мамлакатга сотсан, ўз дўконимни очиб, ўша жойдан тарқатаман. Тўғри бир мамлакат ичida битта дўкон кам, аммо оз бўлсада, халққа ёрдам бўлади.

Унинг гапларини эшигланлар раҳмат айтиб юборди. Аср намозигача баҳс, мунозара бўлди. Олти савдогар норози бўлиб чиқиб кетди. Қолганлари бир тўхтамга келди. Ниҳоят Абдуллоҳ хулоса қилди.

-Дўстларим, ниҳоят бир тўхтамга ҳам келдик. От савдосида икки хил нарх бўлади. Уруш учун қиммат нарх, халқ учун арzon. Ёғ нархи ички бозор учун арzon, ташқи бозор учун чорак фоиз қиммат. Газлама, тўн, бош кийим, масси, ковушлар эҳтиёжларга қараб ҳар олти ойда йиғилганимизда бир муҳокама қилинади. Ун, қанд,

туз кабиларда нархлар жиддий ўзгармайди. Қачонки қурғоқчилик келса оширилади. Аммо халқни қийнар даражада эмас. Биз энди катта савдогарлармиз. Инсоф чегарасини билишмиз керак. Бозордаги чайқовчиларнинг нархни кескин ошириб юборишларига йўл қўймаймиз. Олиб – сотарларга ҳам ўта қиммат сотганини билиб қолсак, маҳсулот сотмаймиз. Халқ қийналган вақтларда ҳатто ўз баҳосида ҳам сотишимиз керак. Мана ёғ сотадиган дўстимиз Жафар ўтган йили зайдун, зигир, масхар яхши бўлмаганида ўз баҳосидан паст нархда зарарига ҳам сотди. Оддий қийналганлар учун ойда бир марта текинга ҳам тарқатди. Унинг омборида уч йиллик захираси бор. Биз ҳам у каби ҳимматлироқ бўлишмиз керак. Абдусалом пишиқ газламадан ишланган матога исмларингизни ёзиб қўйган. Шартларга розилигингизни билдириб, бармоқ босинг. Олти ойда шу ерда ёки Ироқдаги уйимда йигиламиз. Муаммоларни ҳал қиласиз. Яна бир муҳим масала: иш бериш. Газламачи дўстимиз ўтган йили олтмиш кишига иш берган. Бу олтмиш рўзгор обод дегани. Биз ҳам иш беришни қўпайтиришимиз. Қўлидан иш келадиган одамларга ўз ишларини бошлашлари учун кўмак беришимиз керак. Самарқандлик чинни сотувчи дўстимиз олти ой аввал Ёш йигитларга иш бошлашлари учун пул берди. Шу баҳона ўттизта устахона очилди. Этикардўзлик, маҳсидўзлик, каштадўзлик, нонвойчилик, тикувчилик каби устахоналар эди улар. Бир карvonбошининг сўзларига кўра икки юздан ортиқ одам ишли бўлган. Дўстимизнинг айтишича уларга

беш юз динор қарз берган. Қарз муддати уч йил экан. Ҳатто нонвой ва тўқувчиларга пулни шундай берган. Қайтариш шарт эмас. Биз ҳам одамларни мана шундай қўллашимиз керак. Шунда улар янгиликлар яратади. Яна бир дўстимиз ўз шаҳридаги муҳтожларнинг икки йиллик қарзини тўлаб, меҳнатга лаёқатлиларга иш топиб берибди. Ҳаммаси мақтагулик жиҳатлар. Боя биздан норози бўлиб чиқиб кетганлар, инсофизлик қилса, бизга боғлиқ бўлган алоқалаларини узамиз. Токи хатоларини англасин. Кейинги йиғилишмизга Аллоҳ етказсин. Эслатиб қўйишим керак. Йиғилишда муаммолар ечилиб, янгиликлар ўйлаб топилади. Халқнинг оғири енгил қилинади.

Шундай қилиб уюшма ўз ишини бошлади. Тўғри у расман эълон қилинмаган, кўпчиликнинг умуман хабари йўқ бўлса-да, тадбиркор доира у ҳақда биларди. Чайқовчиларнинг халқни ортиқ қийнашларига анча чек қўйилди. Одамлар харидни хурсанд ҳолда қиласидиган бўлди. Бу орада яна ўн йилча вақт ўтиб кетди. Бу вақт ичida Абдуллоҳнинг ёзган асарлари ҳам элликдан ошди. Тижоратимиз ҳам кенгайди. Аммо сўнги пайтлар у кўп эҳсон қилиб, ҳатто сармоядан ҳам ишлатиб юборадиган бўлди. Бу ҳақда сал кейинроқ яна айтаман. Ҳозир эса одоб ҳақида озгина.

ТАДБИРКОРЛАРГА ПОДШОҲЛАРНИНГ ЭЪТИБОРИ

Абдуллоҳ менга бир гапни кўп тақрорларди.

-Абдусалом унутма, амалдор, соқчи кабилар миллат қаҳрамони, қутқарувчиси унвонига эга бўла бошласа, нуқул улар айтар сўзи устун бўлаверса, аҳвол оғирлашади. Тадбиркорнинг қадами қирқилиб, оддий халқнинг оғзига муҳр босилади. Халқни тожирлару, тадбиркорлар қутқаради. Амалдорлар, сultonлик, соқчилар уларнинг ишларини осонлаштиришда ёрдам берсалар, мамлакат бой бўлиб, куч-қудрати ортади.

У нимани гапирса, минг марта ўйлаб сўзлайди. Айтганлари айни ҳақиқат. Шу жиҳатдан Марв сultonидан миннатдор бўлсак арзийди. Тожирлар, тадбиркорларга етарлича шароитлар яратиб қўйган. Солиқлар жуда паст (аммо шу озгина солиқларни кўпчилик савдогарлар тўлагани ва кўп мол олиб кирилиб, олиб чиқилгани, сотилгани эвазига ғазнага яхшиган даромад келади), амалдорлар ўзича ишларимизга аралашолмайди, солиқчилар сultonдан қўрқанидан бизга яқинлашмайди.

Сultonнинг ислоҳотлари ҳақида озгина айтиб ўтишим керак. Шунда инсофдан бўлади. Чунки эркин савдомиз ва бойиб кетишимиз, нархларни қимматлаштиrmай халқقا ҳам, ўзимизга ҳам фойдали

савдо қилаётганимизга султоннинг ёрдамлари эавазига эришдик. Шоҳимизнинг энг катта ёрдами – тадбиркордан давлатнинг қўлини торттиргани бўлди. Бу орқали порахўрликлар, тожирларнинг синиб кетишлари, солиқчиларнинг ортиқча пул йигимлари ва беҳуда текширишларидан кутулдик. Ундан ташқари карвонга туя, от етмаса ёрдам олишлар, пул етмаса ғазна орқали қарзга пул ажратилиши, карвонсаройдаги арzon тўлов, чегара орқали савдо қилганда соқчилар қузатуви кабилар ҳам султоннинг ғамхўрликларидан.

Мен дунё кезиб бизнинг султончалик тадбиркорларни, дехконларни тушунадиган, юрт ривожи, илм – фан равнақи учун тиришган подшоҳни кам кўрдим. Ишқилиб умри узоқ бўлсин. Тадбиркор бой бўлса, давлат бой бўлади. Давлат бой бўлса, халққа эътибори кўп бўлади. Халқ ғамхўрлик кўргач, кўпроқ ишлайди ва яна давлатни бой қиласди.

Шунга амин бўлдикки, давлат бозордан қўлини тортса, мамлакат гуллаб-яшнаб кетаркан. Бунга жонли гувоҳ бўлиб турибмиз.

Ҳар бир мусулмон султон халқига мана шундай эътибор берса, қиёматгача, қўлимиз баланд бўлади. Акси бўлса, ўзгаларга муҳтоҷ бўлиб, номусулмонларнинг қўлида эзилиш кутади. Улар чалган ноғораларга ўйин тушишдек ноиложлик етади. Аллоҳим мусулмонларнинг

қўлини доимо баланд қилсин.

Ҳа, янабиргап: агар марвлик бирор савдогар бошқа мамлакатда бир хато қилса, ёки ноҳақ зулм кўрса, султон бир нома билан мурожаат қиларди. Аскари билан жангга чиқмаса-да, яхши музокара йўли билан муаммоларни ҳал қиларди. Бу каби ишларни бошқа султонлар ҳам амалга оширадики, шунинг учун келишув осон кечарди.

Давлат эътибор қилса, шўрхок ердан гул униши бор гап. Халқ билан султон бирлашса, унча-бунча кучлар уларни енголмайди. Тадбиркор қўллаб-қувватланса, султонлик камбағал бўлмайди.

Бир пайтлар, яъни тадбиркорликни бошлаганимизда ахвол оғир эди. Соликлар баланд, чегарадаги муаммолар, порахўрлик, амалдорларнинг кирдикорлари, қозининг адолатсиз ҳукмлари авжиди. Шу сабаб, қўп тадбиркорлар ўз юритидан бошқа мамлакатга кўчиб кетган ва ўша ерларда бойиб кетганди. Янги султон келгач, биринчи навбатда қозиларни ишдан олиб, соқчибошиларни жиловлашга киришиди. Кейин бозорга эътибор берди. Ортиқча текширувларни тўхтатиб, шаҳардан ташқаридаги худудларда соликларни ҳалқ мамнун бўладиган даражада туширди. Халқ билан очиқдан очиқ мулоқот қиласиган бўлди. Натижада яна юзлаб муаммолар ўз ечимини топа бошлади. Бошқа мамлакатдаги юртдошлиаримизни мамлакатга жалб қила

бошлади. Бу султон тожирлар ва тадбиркорлар юрт равнақи учун ҳал қилувчи омил эканини англаб етди. Биз ҳам қўрқмай Марвда савдони бошлаб юбордик.

Солиқлар пастлиги учун, тожирлар қийналмай қолди. Натижада закот, хайр-эҳсон кабиларни бемалол қила бошлади. Айримлари мадраса очди, устахоналар ташкил қилди, ишлаб чиқаришларни йўлга қўйди. Халққа енгиллик бўлди.

Аммо сарой уламоси бироз журъатсизроқ. Улар амалдорларнинг таҳдидлари олидида ҳамон мумтишламоқдалар. Адолатсизликлар ҳақида биринчи гапиришлари лозимлиги ҳолда, сукут сақламоқда. Уларнинг ўрнига ҳам тадбиркор, тожир, дехқон, умуман оддий ҳалқ гапирмоқда. Табиийки оддий ҳалқнинг гапи узоққа бормайди. Сарой уламосининг битта адолатли таклифи билан бутун ҳалқнинг муроди ҳосил бўлади. Қўрқаманки, шу қўрқоқликлари биздан кейинги авлодларда ҳам давом этмасайди. Ишқилиб уларнинг Холиқдан эмас маҳлукдан қўркуви ортидан минглаб оддий ҳалқ жабр қўрмасайди. Аллоҳим Ўзинг аспа ва уларга инсоф, шижаот бергин.

ОДОБСИЗ ОЛИМ БИЛАН УЧРАШМАГАНИМГА ШУКР ҚИЛАМАН

Бир куни Мисрга илми баланд бир олим зот келганин эшитиб қолдик. Абдуллоҳ унинг одоби хусусида сўраттириди. Жавоби келганида эса таби тирриқ бўлди. У одам сал одобсизроқ экан. Шунда у бизни хайрон қолдирадиган гап айтди.

-Агар шаҳарга дунёning илмини жамлаган олим келибди, аммо одоби сал камроқ экан, деб эшитиб қолсан ўша одам билан учрашмаганимга шукр қиласан. Аксинча бир одабли ода шаҳарга келди. Илми озроқ бўлса ҳам, аммо одоби севдирадиган даража экан, деб эшитсан, ўша одам билан учрашмаганимга надомат қиласан. Чунки мен одобни ўттиз йил, илмни йигирма йил ўргандим. Қани ишларингизни қилинг. Ҳадемай карвон келади.

Унинг гаплари мени ўйлантириб қўйди. Шу чоққача унинг одоб учун ўттиз йил сарфлаганини ё сезмаганман ё билмаганман. Ўзимча илм ортидан ундаги одоб шаклланиб қолган деб юрадим. Аслида одоб мashaққатли меҳнатлар эвазига келишини у икки оғиз гапида исботлади қўйди. Ростдан ҳам Абдуллоҳ одобни минглаб шайхлардан ўрганган. Юқорида тўрт минг шайх билан суҳбатлашганини айтгандим. Унинг ўзини тутиши, халимлиги ўзига ром этарди. Ёш болаларга ҳам салом

беради. Доим унга йўлиққанимзда биздан олдин салом беради. Ўзидан каттанинг йўлини кесиш у ёқда турсин, йўлда ҳатто ундан олдинга ўтиб кетмайди. Ота – онасини қаттиқ хурматлайди. Айтган хизматларини бажони дил қилган. Савдо ишида ҳам жуда чиройли муомала қиласди.

Харидорлар ундан газлама эмас унинг муомаласини сотиб олади. Тадбиркорлар билан музокарани ҳам жуда ажойиб тарзда ўтказади. Бировнинг гапини бўлмайди. Мен уни мақтамаяпман. Умуман мақташ ниятим ҳам йўқ. Фақат Аллоҳ берган илми ва ўзининг шижаоти орқали эришган ютуқлари ҳақида айтяпман.

Одоби йўқнинг ҳеч нарсаси йўқлиги ҳақида устозлар таълим берган. Аммо унинг моҳиятини бугунгичалик ангаламагандим. Илм олишдан эринмаган одам, аввало одобни ўрганишни биринчи бошлиashi керак. Шунда мурод тезроқ ҳосил бўлади.

УМР ҲАМ ТУГАЯПТИ

Абдуллоҳнинг саҳийлиги шу қадарки, агар қўлида тишлиған нони бўлса-ю, кимдир сўраб қолса, ўша нонини бериб юбораверади. Ҳиммати шу қадарки, ўз уйини дўстига бўшатиб беради. Ёшимиз олтмишдан ошганидан буён унинг пул сарфи қўпайиб қолган. Бир ҳафта олдин бир аёл келиб арз қилиб қолди. Арзга Абдуллоҳ ноодатий жавоб берди.

-Хазрат, ўғлим даргоғингизда етти йил илм таҳсил қилди. Шу вақт оралиғида мен анча кексайиб қолдим. Фақат ўқиши учун гилам тўқиб, пул етказиб турдим. Энди эса пул ишлаб топишга мадорим кам. Шу пайтда ўғлим китоб ёзишга киришган. Ишлагин десам, “китоб ёзсан нариги дунёда иккимизга ҳам савоби бориб туради” дейди. Орада бир икки марта бир қўшнимизнинг ишларини қилиб пул олиб келди. Тежамкорлик билан ишлатяпмиз, аммо унинг бу маблағи бир ҳафтага ҳам етмайди. Насиҳат қилинг. Ишласин. Олдин оилани обод қилиб, кейин китоб ёзсин.

-Синглим ойлик харажатларингизга қанча кетади?

-Юз дирхам.

-Мен сизга икки юз дирхам ҳар ой жўнатиб тураман. Ўғлингиз китоб ёзсин. Унинг илми баланд. Зеҳнини тириклик учун сарфламасин. Яна бошқа ёрдам керак бўлса тортинмай айтаверинг.

Аёл бундай бўлишини кутмаганми ё ҳаяжонданми пулни олганидан кейин ҳам бир нима деёлмади. У гапиргунича Абдуллоҳ ичкарига кириб кетди. Орадан

бир фурсат ўтгач, у йиглаб дуо қила бошлади. Менинг ҳам күнглим эриб кетди. Охирги түккиз ойда етмиш талабага қирқ минг дирхам хайрия қилди. Ўттиз олимга саксон минг дирхам ёрдам қилди. Уч уйсизга уй қуриб берди ва уларни иш билан таъминлади. Олтмиш кишини ҳажга жўнатди. Марв шаҳрида текинга китоб тарқатди. Йигирма кишини уйлантириди ва танишларига айтиб иш билан таъминлади. Яна бир қанча ёшларга ўз тадбиркорликларини бошлашлари учун икки юз динор ажратди. Хуллас яна бир қанча эҳсонлари борки, уларнинг ҳаммаси эсласак, гап чўзилиб кетади.

Бугун айниқса роса қизиқ воқеа бўлди. Биз тадбиркорлик, савдо иши билан бўлиб, кўп пул топдик. Кейин шу пулларга анча меҳр ҳам қўйибмиз. Аммо Абдуллоҳда ундей эмас экан. У пуллари кўпайгани сари эҳсонни, ёрдамни кўпайтиради. Шунинг ҳисобига Аллоҳим барака бераверарди. У ойлик даромаднинг ўн фоизини хайрияга сарфларди. Аммо сўнги пайтлар хайрияси фойдадан ўтиб, сармоягача келяпти. Табиийки биз хавотирдамиз. Содик ҳам безовта...

Эрталаб етмишларни қоралаган нариги маҳаллалик Паҳлавон aka ташвишли кириб келди. Биз ҳовлида эдик. Салом бердида Абдуллоҳни сўради. Абдуллоҳ унинг овозини эшитиб чиқиб келди. Салом берди. Кейин озрок суҳбатлашишди.

-Абу Абдураҳмон мени танийсан. Икки кун олдин молларим жарга қулаб тушди. Улар ўнта эди. Қирқдан ошиб кўрган ёлғиз ўғлим боқиб юради. Жар ёқалаб

хайдаб келаётганда тупроқ ўпирилиб, ҳаммаси тушиб кетибди. Ўғлим ҳам сирпанган, аммо икки ханжарини ерга суқиб омон қолган. Уйга бир аҳволда кириб келди. Молларни ўлдириб қўйганидан қаттиқ изтиробда. Унга қаттиқ гапиролмайман. Шу молларга қараб тургандик. Сал семирса, сотиб ўғлимни уйламоқчи, қолганига қўй олиб боқмоқчи эдим. Насиб қилмаган экан. Сендан қарз сўраб келдим. Менга йигирма динор бериб турсанг. Бир йилга қолмай қайтараман. Яна мол сотиб оламан, боқаман. Бир қисмига ўғлимни уйлантираман.

-Оға кўп ғам қилманг. Ўғлингизни танийман. Мендан уч йил дарс олган. Одобли йигит. Қуръонни ёд билади. Унинг қўнглига хавотир ораласа, илми озайиб қолади. Зехни ўтмаслашади. Мен сизга қарз эмас шундай эллик динор бераман. Ўғлингизни уйлантиринг ва савдо иши учун пул беринг. Қўй сотиб олинг. Бу пулларни Аллоҳ ризоси учун беряпман. Менда пул борки, Аллоҳим муҳтоҷни жўнатиб сўраттиради. Хизмат бўлса доимо бош устига. Ўғлингизга салом айтинг.

Содиқ Паҳлавон акага пулни бергач, Абдуллоҳнинг олдига келиб, минг ҳижолатда бир гап айтди. Жавоби нафақат уни балки мени ҳам танг аҳволга солиб қўйди.

... -Устоз, сиз сармоядан ҳам пул олиб бериб юборяпсиз. Пулимиз тугаяпти.

-Хавотир олма Содиқ умр ҳам тугаяпти.

Содиқ жавобни эшитганидан кейин ялт этиб Абдуллоҳга қаради. Мен ҳам беихтиёр унга қарадим. Олдимда тик қоматли, кенг елкали, ўқтам, аммо

соқолларига оқоралаган. Күзлари ўсмир йигитларни кидек ёниб турган басавлат одам турарди. Унинг умри тугашига ишонгинг келмайди. Аммо муҳлат тугаса не – не забардастлару, қанча ёшлар чин дунёга сафар бошлайди. Демак ўтган умр сарғисоб қилиниб, қолган умр яхшиликларни кўпайтириш керак. Абдуллоҳ сезмаса гапирмайди. Ибодатлари орқали Аллоҳга яқинлашган банданинг дилига рост ҳаёллар келади. Шундай экан йўл тайёргарлигини янада қаттикроқ қиласвериш керак. Мен ҳам қолган умримни яхшиликлар қилиш учун режалаб қўйишим керак (қанча яшашимни билмайман, аммо хайрли ишларга муддат белгилаб қўявераман). **Умр ҳам тугаянти.** Бу гап қалбимда шундай асар қолдирдики, олтин-кумушлар бир арзимас матога айланди. Шу ҳаёллар билан омборга бориб қолибман. Қарасам Содик бир четда йиғлаб ўтирибди. Унга халақит қилмадим. Унга ҳам осон эмас. Шунча йил хизмат қилиб, бир ёмонлик кўрмаган, эркаликларини оғринмай кўтарган инсонидан айрилиш чинданда оғир. Менга эса минг карра оғир. Ёзсан дафтар ёниб кетса керак дардимдан. Ҳалитдан уни соғинмоқдаман. Ё Роббим, унинг умрини зиёда қилгин. Илмидан одамларни қиёматгача баҳралантириш. Ўзи эккан саҳийлик дарахтларини ҳеч қачон қуритма, қовжиратма.

АБДУЛЛОҲ АБАДИЙ ТАЛАБА

Абдуллоҳ доимо изланишда эди. Доим ўқир, дарс берарди. У доимо ўқиган нарсаларини бировга ўргатган киши тезроқ олим бўлиши ҳақида эслатиб туради. Унинг шижаоти шу олтмишдан ўтганида ҳам ўн саккиз ёшлиларницидан зиёд эди. Одамлар ундан:

-Сиз қачонгача илм талаб қиласиз?, -деб сўраганларида,

-Мен ўлгунимча толиби илм бўлмоқчиман. Талабага барча нарса истиғфор айтади, ҳаттоқи сувдаги балиқлар ҳам, дейилган. Шундай экан уни ташлаб бўладими?- деб жавоб берарди.

Абдуллоҳ Шом соҳилидаги Тарсус, Масиса ёки Маккаи Мукаррама ва Мадинаи Мунаввара шаҳарларига қилган узоқ муддатли сафарларида у ердаги мусулмон аҳлига Расулуллоҳнинг (с.а.в.) ҳадис муборакларини устозларидан қандай эшитган бўлса, шундай етказар эди. Шунингдек, у ўзининг Қуфа, Басра, Шом, Хуресон, Макка ва Мадинага қилган сафарлари чоғида одамларга савдо сирларидан дарслар ўтар, уларни тижорат, ўз хусусий ишларини бошлашга кўмаклашар ва йўл-йўрик кўрсатарди. Унинг ёрдами билан юзлаб инсонлар савдо билан шуғуллана бошлади. Касб қилди, илм олди, тириклий ташвишидан кутулиб китоб ёзди.

Бир сафар Марвга келганимизда кўпчиликнинг талаби асосида ўз уйида савдо сири ва савдодаги ҳалоллик ҳақида маъруза қилди. Маъруза жуда ажойиб бўлди. Айниқса, муҳтожлиги учун молини сотадиганлардан фойдаланмаслик, асл нархини билмасдан мол олиб чиқкан одамлардан инсоф билан харид қилиш, қарзи

эвазига уйидаги молини, қўйини, отини паст баҳода келишиб олиш, мавсум келганида нархни кўтариб халқни қийнамаслик, маҳсулотни ўтказиш учун қасам ичмаслик, қайтиб келган маҳсулотни харидорни қийнамасдан қайтариб олиш ва пулини бериш, вақтга эгалик қилиш учун намозлар орасидан фойдаланиш, молиявий мустақиллик учун катта таваккал қилиш ва тушган даромаддан жамғарив бориш, ота-онага пул берив туришнинг ишлардаги баракаси, ўз касби бўйича тинимсиз китоблар ўқиш ва бошқа масалалар юзасидан батафсил тўхталди. Одамлар шу даражада маҳлиё бўлиб эшитиб ўтирадики, ҳовлида сал тиқ этган товуш эшитиларди. Маърузадан сўнг саволларга навбат келди. Одамлар бирин кетин саволлар бера бошлиди.

-Савдоингиз нима учун доимо кенгайиб боради?

-Намозларни вақтида ўқийман ва савдо ҳақидаги илмларни ўрганишдан тўхтамайман, Аллоҳдан умид қиласераман. Доимо ўқиб, ўрганаман.

-Мен ҳам сиздек савдогар бўла оламанми?

-Ха Азаматим. Бўла оласан. Агар ўз устингда ишлассанг, устоз тутсанг, намозларинг орасидаги вақтларга ишларингни режалассанг ва оғишмай мақсад сари интилсанг, Аллоҳдан доимо умидвор бўлсанг, менданда буюкроқ тижратчи бўласан Аллоҳ ҳоҳласа.

-Тижорат учун камида қанча сармоя керак?

-Тижорат учун аввало кучли хоҳиш керак. Аник мақсад ва пухта режа керак. Агар шу айтилганлар бўлса, сармоя сени узоқ куттирмайди, шундай олдингдан чиқади.

-Мол қўпайтириб қандай тижорат қиласа бўлади?

-Сутини сотасан. Ёғини шаҳарга бориб, айланиб

сотсанг ва доимо етказиб бериб турсанг, одамлар сенга ўрганади ва сендан бошқасидан олмайди. Рақобатда ютишинг учун нархини тушириб турасан. Терисини ошлаб сотасан, ичакларини этикдўз усталарга пуллайсан. Гўштини қуритиб қўйсанг, сафарга чиқадиган карвонларга яхшигина нарҳда ўтказасан.

-Кўпчилик бойлика меҳр қўйма дейди. Ҳатто имомлар ҳар жума маърузасида бойлар камбағаллардан кейин жаннатга киради, агар киролса дейишади. Бойлик қалбни ўлдиради, олтинлар йўлдан оздиради, қабилидаги гаплар билан қўрқитади. Сиз нима дейсиз?

-Ўғлим, ёшинг ўн бешларда чамаси. Сен уларнинг гапларини эшиту, аммо ўйлаб кўр. Агар қалбингда ишонч, сахийлик ва хотиржамликни жойласанг, улар айтиётган гапларга ўйланма. Аллоҳ наздида қувватли мўмин қувватсиз мўминдан афзалдир. Қувват илмда, бойлиқда, кучда бўлади. Намоздан бўш вақтларинг тижорат билан жиддий шуғуллан.

-Мен дангасалиқдан қутулолмаяпман. Ишлайман деганда турли сабаблар билан иш қолиб кетади. Эшишишмча сиз кам ухлар экансиз. Кам уйқулик омад калитими?

-Йўқ, Арслоним. Кам уйқулик агар гуноҳга, танани қийнашга ва бошқаларни безовта қилишга сабаб бўлса омадсизликдир. Сенинг ёшингда кечанинг аввалида тўлиқ ухлаш, охирида туриб намоз ўқиш ва илм олиш.

Сўнг тирикчилик билан жиддий машғул бўлиш керак. Дангасалиқдан қутулиш учун иш билан машғул бўлишинг керак. Қирқ кунда сенда янги одат шаклланиб, ўз-ўзидан содир бўлади. Одатларингни ўзгартирсанг ҳаёting ўзгаради.

-Хотиним нуқул нолийди. Кам топяпсиз, қўшнилар ундин, қариндошлар бундай. Сиз дангасасиз. Нима қилсам олтин ўрталиқни топаман?

-Ўғлим сен фикр қил. Буюк эрлар ортида буюк аёллар туради. Устозим Абу Ханифа раҳматуллоҳи алайҳининг ортида фазилатли аёли бор эди. Кийимлари тоза, таоми покиза, ётоқ жойи озода эди. Аёли узтозимни қаттиқ хурмат қилас ва ҳаммадан кўра кўпроқ ишонарди. Кучига, иқтидорига, илмига шубха қилмас ва доимо яхши ишларга тарғиб қиласарди. Шундай вақтлар бўлганки, устоз унутсалар ҳам аёли биз каби талабаларни унутмас, ўғиллари орқали динор, дирхам, кийим-кечак бердириб юборарди. Аёлингни тушун ва тушунтир, сенга ишонсин ва мадад бўлсин. Эр – хотин қўш хўқиз дегани иккиси баравар ишласин дегани эмас, эр топармон, аёл тутармон бўлиб рўзгорни обод қилиши демакдир. Эр кўчадан ризқ топади, аёл уни исроф қилмайди. Эр пул топади, аёл бола тарбиялайди. Қолганини ўзинг тафаккур қил ва оқил оила бошлиғи бўл. Роса қирқ кун жанжал қилмасдан, намозларни ўқиб бўлиб, оилани тартиблаш, топганингни режали сарфлаш, аёлингга чиройли муомала қилиш ва

фарзандларингга эътиборни узлуксиз қилсанг, Аллоҳ хоҳласа муродинга етасан.

-Устоз инсон қандай ишни қилса чарчамайди?

-Ўзгаларга ва ўзига манфаати қўп ишни қилган инсон чарчамайди.

-Кўп ишлаш учун нима қилиш керак?

-Сен кўп ишлаганинга эмас қандай натижа олганингга қара. Агар кўп ишлаб оз натижа олаётган бўлсанг, демак вақтингни ва ишингни тартибга солишинг керак. Агар оз ишлаб оз натижа олаётган бўлсанг, дангасаликни бас қилиб, кўпроқ ишлашинг лозим. Савол салноаникроқлиги учун жавоб ҳам шундай бўлиб қолмасин. Қулоқ сол! Иш устида сарфлаган вақтингга эмас нима иш қилганингга боқ. Баъзилар “ўх бир кун ишладим”, дейди, аммо қилган иши бир пора тиловат қилганчалик вақтга teng. Шунинг учун доимо натижага эътибор бергин.

Саволларнинг кети йўқ эди. Аммо вақт чегараланган. Пешин намозига аzon айтилди ва одамлар масжидга шоша бошлади. Биз ҳам ибодатга ошиқдик. Ўша куни ҳамма хурсанд, олган илмлари яқин бир неча йил учун яхшигина дасттак, қўлланма бўларди. Мен ҳам муҳим жойларини ёзиб қўйдим. Келажакда бир китоб ёзиш учун...

ХОВЛИ ЭМАС, ҚҰШНИ ОЛЯПСИЗЛАР

Абдуллоҳ құшничилик ҳаққини ҳам жуда яхши биларди. Унинг насроний, яхудий құшнилари ҳам бор эди. Уларни ҳайит байрамларида таом, совға – салом билан хурсанд қиларди. Улар уни яхши құрап, ҳол-ақвол сүраб турарди. Бир куни яхудий құшниси ҳовлисіні сотмоқчи бўлиб эълон берди. Сувли жой, боғи ҳам бор. Табиийки харидорлар кўп бўлди. Бир куни савдога гувоҳлик учун мен билан Содиқни чақирди. Бордик. Харидорга нархни айтди.

-Икки минг динор, - ҳайратини яширолмай қолди харидор. – Ахир ҳовли минг динор туради нари борса. Намунча нархи осмон?

-Тўғри, -деди у кулиб. – Аммо сизлар ҳовли эмас құшни оляпсизлар. Мен Абдуллоҳ ибн Муборак билан қзўниман. Шундай құшни шарафига нархни яна минг динор кўтардим. Истасанг сотиб ол, истамасанг ўзинг биласан.

Харидор узоқ ўйланмади. Айтилган нархни беришга рози бўлди. Ҳозирча ярмини колганини уч кундан сўнг беришини айтди.

Яхудий рози бўлди. Биз унинг сотувчилик қобилятига қойил қолдик. Кимнинг ҳаёлига кепти

дайсиз шундай усул билан бойлик орттириш. Тағинам у савдогар эмас, агар тијоратчи бўлсайди, Абдуллоҳнинг қўшничилигини айтиб ҳар қандай молини икки баравар қимматига сотармиди. Хуллас ўша куни биз муҳим тажриба ўргандик. Аммо одамларни қийнаб, бундай тажрибаларни оммалаштириш ҳақида ўйлаб ҳам кўрмадик. Афсуски ушбу воқеани эшигтан одамлар ҳовлисини, уловини, богини пуллашда ўша одамнинг усулини қўллай бошлади. Энди олимлар, моҳир таржимонлар, катта тожирлар, энг зўр ҳунармандлар, одам гавжум жойлар, уйлар, боғлар, уловлар нархи кўтарилиб кетди.

Бу ахвол бизнинг ишларни қайта кўриб чиқиш, нархларни яхшилаб назорат қилиш, қимматчи чайқовчиларга мол сотмаслик каби чораларни қўллашимизга сабаб бўлди.

АБДУЛЛОҲНИНГ САФАРДАГИ ҲАМРОҲЛИГИ

Бир куни Абдуллоҳ Тусдан Марвга қайтаётганида унга соқчи бошимиз ҳамроҳ бўлди. Уларга оқ йўл тилаб жўнатдик. Икки ойдан сўнг улар билан қайта кўришдик. Шунда соқчибоши менга бўлган воқеаларни айтиб берди.

-Устоз билан етти кун тўхтовсиз йўл юрдик. Мендан кўра жисмонан чиниқканроқ ва кучлироқ экан. Чарчаган бўлсамда, айтолмадим. Саккизинчи куни бир водийдан ўта бошладик. Шунда мендан сўради:

- Сен бошлиқ бўласанми ёки мен бўлайми?

-Мен ходимингизман. Сиз бошлиқ бўла қолинг, -дедим хурмат юзасидан.

-Унда айтганимга сўзсиз итоат этасан, деди.

Кейин йўлгатушдик. Пешин намозини ўртача ўқишидек вақт юрдик. Тунашга жой ҳозирлаб бошлаганимизда бирдан ёмғир ёға бошлади. Устоз бир кийимни олиб тонг отгунча мени ёмғирдан пана қилиб чиқди. Ўша кеча ухломадим. Бундан кўра ўлганим яхшийди, деб ўйлаб чиқдим. Ёмғир тиниб, йўлга чиқаётганимизда шундай деди.

-Ўғлим, сафарга чиққанингда яхши ҳамсафар бўлгин. Токи ҳамроҳинг сендан азият чекмасин.

Мен ҳеч нима деёлмадим. Ўзимни жуда нокулай сездим. Мана ортга қайтаётганимизда ўзим бошлиқ бўлдим ва хизматларини бекаму кўст адo этишга уриндим. Бу ҳақда бутун карvonдагиларга, дўстларимга айтиб бераман.

Мен дикқат ва ҳайрат билан эшийтдим. Айниқса, Абу Абдураҳмоннинг сафардаги ҳамроҳилиги ҳақидаги гаплар мени йиғлатди. Ўйласам, фўрлигим ёки одобсизлигимдан Абдуллоҳнинг кўп эътибор ва ғамхўрликларини ҳатто сезмай қолган эканман.

ДОРИ СОТСАНГ, ЗЕХН ПАСАЙИБ КЕТАДИ

Абдуллоҳ жуда соғлом инсон бўлиб, жанг санъати билан кун ора шуғулланар, камондан ўқ узишни ҳар куни машқ қиласарди. Унга хасталик унга бегона эди. Аллоҳ таоло дард берса шифосини ўзи билан беради. Агар у бемор бўлса, шартта рўза тута бошлар, узоғи уч кунда дард чекинарди. Рўза тутган пайтлари овқатдан тийилар, сахарликда сув ичиб, ифторликда сув билан озгина хурмо ерди. Унинг наздида рўздан кўра тезроқ даво йўқ эди.

Бир куни бир савдогар бозорда гиёҳ сотиб юрганини кўриб қолдик. Абдуллоҳ у билан сухбатлашди.

-Қандай дори сотяпсиз?

-Овқатни тез хазм қилдирадиган.

-Қаердан олиб келдинг?

-Бу савдо сири.

-Жуда соз. Қанчадан бери шу гиёҳни сотяпсан?

-Икки йилдан буён. Яшаб турган мамлакатимнинг солиқчилари бор будимни тортиб олишгач, чайқовчилик қилдим. Кейин бир табиб билан танишиб унинг дориларини сота бошладим.

-Илгари нима иш қиласардинг?

-Тўкув устахонам бор эди. Ўнта ишчи ишлатардим. Бозордаги сотувчим, бир солиқчига йигирма газ матони текинга бермагани учун дўкондаги барча молларни тортиб олган. Устидан арз қилгандим, уйимгача тортиб олиб кўйди. Арзимни ҳеч ким эшийтмади.

-Агар сенга Марвдан шундай устахона очиб берсам, ишлайсанми?

-Ишлайман. Аммо оиласини боқишим учун табибининг

дориларини сотмасам бўлмайди.

-Шу дори сотувидан йилига қанча даромад қиласан?

-Юз динор.

-Устахонанг фойда келтиргунча, сенга пул бериб турман. Кейин ҳар ой қилган фойдангнинг ўндан икки қисмини менга бериб турасан. Сен билан шерик бўламиз. Бор сармояни мен тикаман. Тўкув учун керакли маҳсулотларни ҳам ўзим етказиб бераман. Эвазига мана шу хазм қилдирадиган дорингни сотмайсан. Бу ерда одамлар илм олади, Куръон ёдлайди, савдогарлик билан шуғулланади. Агар хазм қилдирадиган гиёҳдан сотиб ола бошласалар, кўп овқат ейишни бошлайди. Илм қалбга кирмайди, дангасаликлари зиёда бўлади, савдоларидағи тиришқоқликлари йўқолади, зехнлари пасайиб кетади. Шунинг учун сотишни бугуноқ тўхтат. Мана сенга олдиндан ўн динор. Агар ушбу дорини сендан бошқаси сотишни бошласа, менга хабар бер.

Қўлидаги олтинларга қараб туриб, у одам йифлаб юборди. Бегона юртда, бегона одамдан ўз юритида кўрмаган яхшиликни кўриб тургач, қандай ҳам кўз ёш тўкмасин?!

Энди Абдуллоҳнинг музораба (шерикчилик) си ҳақида ҳам айтмасам бўлмас. Ёшимиз олтмишдан ошгач, Абдуллоҳнинг тижорати мислсиз кенгайиб кетди. Шу қадарки, карvonсаройларда унинг карвони бўлмаган вақт кам бўларди. Унинг маблағи ортгач, қўлидан иш келадиган одамлар билан шерикчилик қила бошлади. Бутун сармояни у тикади. Шериги иш қиласди. Мана шундай шерикчиликлари ортидан турли мамлакатларда ўндан ортиқ тўкув ва тикув устахоналари, мўйна дўконлари, дехқончилик ерлари, хурмозорлари, тери ошлаш

корхоналари, этикдүйзлик устахоналари ва бошқалар иш бошлади. У шерикчиликдан күп улуш олмасди. Энг күпи ўндан түрт қисми бўлиб, у мўйна сотувидан келарди. Қолганлари ўнтан уч, ўндан икки қисмга шерикчилик эди. Шу тарика у одамларни иш билан таъминлар, турли маҳсулотларнинг нархларини ҳам халқ учун қулай қилиб кўярди.

Кўпчилик, тушган пулларни нима қиларди деб, ўйлаши мумкин. У ҳеч қачон қўлида катта миқдорда пулни ушлаб турмасди. Тепада айтиб ўтганимдек, илм аҳлига, китоб ёзадиганларга, муҳтоҷларга, беваларга, масжид қурилишига, мадрасага, янги кутубхоналар ташкил этишга (китоб нархи жуда баланд бўлиб, бир кичик кутубхона очишга кетган пул ўртacha тадбиркорнинг икки йиллик даромадидан кўпга тушарди) ва бошқа ишларга сарфларди.

У билан шерикчилик қилганлардан айримлари, хиёнат ҳам қиларди. Бир куни илгари соқчилик қилган, қайсиdir айби билан ишдан четлатилган одам билан савдода музораба қилди. Олти ой ўтгач, у касод бўлаётганини айтиб, фойдадан пул ажратмай қўйди. Абдуллоҳ одам жўнатиб, ҳақиқатни билгач, ўзи олдига борди. Босиқлиқда шерик билан гаплашди.

-Мен сен билан узоқ йиллар бирга ишлашни ният қилганман. Муаммоингни айтсанг, биргалашиб ҳал қиласиз.

-Касод бўляпман, бу иш менга тўғри келмас экан. Берган пулингизга рози бўлинг, мен меҳнатимга розиман.

-Пулимга рози бўлишдан олдин ҳақиқатни билишим керак.

-Яна қандай ҳақиқат? Менга ишонмаяпсизми?

Ишонмасангиз нега шериклик қилдингиз?

-Шериклик таклифи сендан чиққанди. Чегарадан чиқма. Иззатингни билгин. Суриштиридим, фойданг яхши, аммо менга бергинг йўқ.

-Ҳали ортимдан жосуслик қилиб юрибсизми? Аллоҳдан уялмайсизми?

Шу гапи ортиқча бўлди. У гапини тугатмасидан кўксига тушган муштдан ағанаб кетди. Қайтиб қўл кўтармоқчи эди, бикинига тушган тепкидан инқиллаб қолди. Яна туриб, яқинлашмоқчи эди, Абдуллоҳ беш – олти марта мушт туширди. Ерга ётиб қолди. Аввал соқчи бўлгани учун қўрслик ва қўрслик одати қолмаган экан, акс ҳолда бетамизлик қиласди.

Абдуллоҳ ёқасидан тутиб ўрнидан турғазди ва берадиган пул миқдорини ҳозироқ тўлашини талаб қилди. У кексароқ одамдан бунчалик важоҳат, жангдаги моҳирликни кутмагани учун ғууррга берилганди. Юввош тортиб, дўконидан пул олиб чиқди. Шериклик тугатилди.

Абдуллоҳ хотиржам ортига қайтди. У ортиқча асабийлашмас, табассум билан енгарди. Бу сафар ҳам шундай бўлди...

Хуллас, шундай ҳолатлар ҳам бўларди. Аммо бу ишлар унинг фаолиятига жиддий таъсир этмас, сахийлик, хайру эҳсондан тўсмасди. Ёши етмишни қоралаб қолганида айниқса, шамолдек сахий бўлиб кетди у. Унинг сахийлиги ҳақида ҳали авлодлар томлаб китоб ёзса ажабмас.

АБДУЛЛОҲНИНГ ВАФОТИ

Абдуллоҳ жуда ғайратли инсон эди. Жанг санъатидан яхши хабардорлиги учун баъзан чегара ҳудудларидағи жангларда ҳам иштирок этарди. Мен унинг бирор марта қаттиқ жароҳат олганини кўрмаганман. Сабаби, у жангни аввало келишув асосида тўхтатишга эришарди. Шундай пайтлар бўлганки, агар уруш чегарадан мол олиб ўтиш, савдодаги тўсиқлар туфайли келиб чиқадиган бўлса, ўша муаммоларни тинчлик йўли билан ҳал этар, бунинг учун олтинларини аямасди. Шу тариқа кўп урушларнинг олди олинган.

Бир куни эрта тонгда у мени олдига чақирди. Ўша пайтда биз Ироқда эдик. Олдига кирдим. Кўзлари ҳамон ўткир, сукути маъноли, бардам эди. Менга тикилиб туриб, табассум қилди. Кейин секин гап бошлиди.

-Абдусалом биз сен билан салкам олтмиш йил елкама-елка меҳнат қилдик. Китоб ёздик, савдо қилиб ўз обрўмизни сақладик, пасткашга муҳтоҷ бўлмадик, сultonлар эшиги тагида турмадик. Сен менга бир умр ёрдам бердинг. Оиласнг билан мендек кўчиб юрдинг. Машаққатларга сабр қилдинг. Энди айтчи, мендан бирор шикоятинг борми?

-Йўқ, -дедим қисқагина.

У гапида давом этди.

-Чиқкан қуёш бир кун ботади. Туғилган инсоннинг ўлмоғи аниқ. Олиб турган нафасларимиз бир кун қайтиб чиқмаслиги ҳам равшан. Бугун умримнинг охирлаб қолгани менга аён бўляпти. Шу тунгача етиб боролмасам керак. Мендан рози бўл. Менинг ишимни ўғлимга кўмаклашган ҳолда ўзинг юритгин. Бошлаган ишларимни

нихоясига етказ. Кеча Содиқ қарздорлар дафтарини олиб кирганди. От сотувчидан бошқаларни кечдим. Бугуноқ шу ҳақда билдирил уларга. Кутубхона очаётгандик, шу ишни ҳам охирига етказ.

-Абдуллоҳ хали айтган ишларингни бирга тугатамиз, сен узок яшайсан, -дека кўз ёшимни яширомасдан гапира бошладим. -Дўстим мени ҳеч қачон ходимдек кўрмагансан, ходимларингга зулм қилмагансан, уларни пастга урмагансан. Қул ишлатмагансан, уларни озод қиласардинг доим. Бу не ҳолки, ўлимдан гапириб, мени маҳзун қиляпсан.

-Дўстим ташвишланма, чин дунёда ҳам бирга бўламиз. Аммо мени ҳеч мақтамасдинг, шу сафар ноўрин муболаға қилдинг. Мен Аллоҳнинг қулиман, қул эса ўзини муносиб тутиши керак. У бошқа бандаларни ўзидек билиши ва шунга яраша муомала қилиши айни бандалик. Гапларим рост қадрдоним. Ўлим соатим яқин. Ишқилиб авлодларимиз бизни унутмаса бас. Яна бир гап: йиғилишларни энди ўғлим бошқаради, лекин сен унга ёрдам бермасанг эплолмайди. Султонларнинг бозорга аралашуви, нарх-наво ва чайқовчиларнинг ўйини, солиқчиларнинг хийлаларидан хавотирдаман. Ҳалқни улар қашшоқлаштириб юборади. Ёшлар фаол бўлса, йиғилиш самарали ишласа, одамлар ҳаққини таниса, тадбиркорларга султонлар ҳам, ҳалқ ҳам кўумак берса, минг йилар ўтсада, мусулмон диёрига номусулмонларнинг мақрлари ораламайди. Ислом ҳақоратланмайди. Қиз-аёллар хўрланмайди. Кейин сипоҳлар, қўриқчиларни ҳам қаттиқ назоратда ушлаш керак. Бу ҳақда султонга хат ҳам ёзгандим. Агар улар ҳаддидан ошса, жамият издан чиқади. Порахўрлик авж олиб, ҳалқ давлатга ишонмай қўяди. Ўз

давлатига ишонмаган халқ эса, фаровонликдан умидини узади. Султон эса халқнинг лаънатига учрайди. Ўғлимга ҳам айтиб қўйдим, сенга ҳам айттай. Амалдорларга паст кетманглар. Энди тиловат қиласан. Ҳаммомни тайёрлаб қўйишса, ғусл қилиб, намоз ўқийман. Аллоҳимга юзлашиш вақтлари яқин.

-Хўп, мен сени тушундим. Айтганларингни Аллоҳ хоҳласа, албатта бажараман.

Унинг олдидан дилим вайрон бўлиб чиқдим. Кўз ўнгимда ўтган йиллар, у билан қилаётган ишлар гавдаланди. Шунчалик бой хотиралар, келажак учун режалар бор эканки, Абдуллоҳ бўлмаса, бу дунё бўшаб қоларкан. Агар у кетса, аксар илм аҳли етим қолади. Олам мунғайиб қолади. Шу ҳаёллар билан ҳаммомни ҳозирлатдим. Қарздорларнинг қарзидан кечилганини маълум қилдим. Кейин айтган таплари эсимдан чиқмаслиги учун қофозга ёзиб қўйдим.

Абдуллоҳ тўлиқ уч пора қироат қилди. Кейин ғусл қилди. Намоз ўқиди. Узоқ дуо қилди. Сўнг мени чақириб, бир энли қофоз узатди. Савол назари билан қараб турганимни пайқаб гап бошлади.

-Меърос масаласидаги васиятимни сенга берганимга бир ҳафта бўлганди. Бу ердаги васият бутун мусулмонларга, авлодларимга. уни кўпайтириб тарқат, китоб ёзсанг албатта васиятимни ҳам кирит. Энди оиласини чакир. Дўстларимга ҳам хабар бер.

Мен югуриб бориб оила аъзоларини чакирдим. Дўстларимизга одам юбордим. Кейин васиятни очиб ўқидим.

“Бутун мусулмонларга васиятим: ҳеч қачон Аллоҳдан ўзгасига муҳтож бўлманг. Намозларга эътиборли бўлинг,

баъзи ишларни баҳона қилиб намозни сурсангиз, ишиңгиз ҳам орқага сурилаверади. Қаттиқ ишланг, изланинг, илм олинг, бой бўлинг. Султонларга ҳам шу гап. Агар халқ ва султон бирикса, давлат бой бўлса, бошқа мамлакатнинг хоҳиш иродасига бўйин эгмайди. Мусулмонлар бир тану бир жон бўлса, ҳеч қачон ислом дини таҳқирланмайди. Илмдан, янгилик яратишдан, бирорвга муҳтож бўлмай, доимо ёрдам қиласидиган даражада бой бўлишдан, жанг санъатини пухта эгаллашдан эринманг. Сизнинг бирлигингиз, бойлигингиз, илмингиз, кучингиз мусулмонларни эзилишлардан қиёматгача асрайди. Агар акси бўлса, ислом дини оёқ ости бўлади. Мусулмонлар бутун оламга ёмонотлик бўлади. Васиятимни хурмат қилишларингизни ва амал қилишларингизни қаттиқ илтимос қиласман.”.

Кўзларимда ёш билан ўқиб чиқдим. Ўзи вафот эта туриб ҳам ўзгаларни ўйлайдиган одамга Аллоҳ раҳматини кенг қилсин. Уни дўзахига туширмасин. Шу ўйлар билан яна унинг олдига бордим. Дўстларимиз ҳам келди. Ҳамма билан рози-ризолик қилди. Дўстлар ҳовлига чиққач, ўзи намозга турди. Шундагина унинг дармони камайганини, куввати кетаётганини ҳис қилдим. Намоздан сўнг дуо қилди ва ўтирган ҳолида чин дунёга сафар қилди.

Жанозасини ўқиб, дил тўла фарёд билан дағн қилдик. Ҳамманинг кўзи тўла ёш. Яқин кунларда на Ироқда, на шомда, на Марвда мусулмонлар кулмаса керак...

У вафот этган Ироқнинг Ҳийт деган шаҳарчаси Фрот дарёсининг ёқасида жойлашган бўлиб, қабри шаҳардаги кўзга ташланадиган, кўпчиликка маълум жойда.

Абдуллоҳнинг вафоти кўпчиликни чуқур қайғуга солди. У ҳақда ҳақиқатда таъсирли гаплар айтилди.

Бир дарвеш киши келиб, унинг ҳаётда қолиши учун жонини ўйланмасдан фидо қилишини айтганида, йигилгандар “воҳ”, деб юборди. Чунки ҳаммамиз ўз жонимизни лаҳза ҳам ўйламасдан беришга тайёр эдик. У дилимиздагини тилига чиқарган, қалбимиздаги фарёдни изхор қилганди.

Орадан уч кун ўтгач, Абдуллоҳнинг савдодаги сирлар, қоидалар ёзилган дафтарини топиб олдим. Мана ундаги ёзувларни ўқияпман.

Мен илк савдога киришганимда жуда содда ва гўр эдим. Таржимонлик қилиб, энди бозорга кирган вақтим ҳаётим бунчалик ўзгариб кетади деб ўйламагандим. Савдони отам айтганидек обрўйимни сақлаш, оиласми мухтоҷ қилмаслик ва илмлиларга яхшилик қилиш учун қилишни ният қилгандим. Туя бир тилла қани бир тилла? Туя минг тилла мана минг тилла. Ҳа, вақтида биттагина қизил туям бўлишини орзу қилардим. Бугун юзлаб қизил туяларим бор. Сафар учун яхши айғирим бўлишини истардим. Бугунга келиб беш юздан зиёд отим сафарда юрибди. Ўз уйим бўлишини, унга минглаб одамлар сифишини Аллоҳдан сўрагандим. Мана ўндан ортиқ мамлакатда ана шундай катта ҳовлиларим бор. Олдимга мухтоҷлигидан пул сўраб келганни қайтармасам деб, орзуланардим, Аллоҳга шукр хузуримдан бирор ноумид бўлиб қайтаётгани йўқ. Мен узоқ йиллик тажрибаларимдан баъзиларини келажак авлодим учун тавсия қиласман. Бутун савдо тизими ҳақидаги ёзганларим йўқолиб кетмаса, алоҳида китоб бўлиб дарслер сифатида ўтилар. Демак қисқагина тавсияларимдан бироз айтиб ўтсан.

1. Асл баҳосида сотиб олишда барака бор

Мен илк сафарга чиққанимда бир аёл эри хаста ва болалари ёш бўлгани сабаб, муҳтоҷлигидан отини сотаётганига гувоҳ бўлганман. Ўшанда инсофсиз савдогар ярим баҳосида даллол билан келишиб, аёлга жабр қилганди. Аммо кўпчилик гувоҳлар унга ёрдам бериб, ўз молларидан оз-оздан берган, бир табиб айниқса эри учун дори-дармонларни саралаб қўлига тутқазганди. Орадан икки йилча вақт ўтиб, ўша савдогарнинг аборг бўлиб юрганинини эшилдим. Ўша воқеадан сўнг доим молни муҳтоҷликдан сотаётган одамлардан ўз баҳосида сотиб оладиган бўлдим. Улар нархни билмасди, аммо мен қалбимга қулоқ солардим ва бозор нархида сотиб олардим. Ана шундан кейин ишларим шу қадар тез ривожлана бошладики, бирдан ишчилар ёллашимга тўғри келди. Ҳатто бир сафар бир одам бир тўнлик матога бераётган дирхамларимни рад этган. Чунки у матонинг нархи қимматлигини билмасди. Аммо тушунтирганимдан сўнг кўнганди.

2. Сармоя чўнтақда бўлмайди

Мисрда таржимонлик қилишимдан олдин яқин дўстим Абдусалом менга сармоя бўлмаса бозорга кириб бўлмаслигини айтганди. Аммо сармоясиз бозорга кирдим. Ишларим гуркираб кетди. Тушундимки, сармоя чўнтақда эмас экан. Агар ақлингизни ишлатсангиз ва ҳаракатдан тўхтамассангиз, сармоя сизни узоқ куттирмас экан. Таржимонлик қилиб топган пулларимдан жамғариб, газлама савдосини бошладим. Ўшанда топадиган олтинларимнинг ҳатто ярмидан кўпроғини тежардим. Ўзимни сармоя билан таъминлаш учун анча вақтгача таржимон бўлиб ишлашимга тўғри келган. Агар иш бошламоқчи бўлсангизу, аммо пулингиз бўлмаса, ақлингизни ишлатинг. Пул ишлаб топиш қобилятингиздан фойдаланинг. Кимнинг қанча пул ишлаб топишига қараб, унинг пул ишлаш қобилятига баҳо бериш мумкин. Бугундан пул ишлаб топиш қобилятингизни ўстиринг. Катта сармояга аввало тайёр бўлинг. Динору, дирхамларларни ишлата билган кунингдан бошлаб сармоядорга айланасан.

3. Ҳақгүй шерик ярим йўлни босиб ўтганинг демак

Мен устозим Аллоҳ раҳматига олсин Абу Ҳанифанинг хузурига борганимда бир воқеанинг гувоҳи бўлгандим. Устознинг шериги бир матони бир неча баравар қимматга пуллаган, устоз ўша харидорни топтириб келиб, ортиқча пулини қайтарган ва ўша газламалардан келган пулларни тўлиқ эҳсон қилиш билан бирга шериги билан ишни тўхтатганди. Ўшанда агар бирга ишлашга тўғри келса шерик танлашда пухтароқ бўлиш кераклигини тушунгандим. Абдусалом менинг энг яқин дўстим ва ишларимда шеригим бўлди. Шу вақтгача ундан хиёнат кўрмадим. У менга фойда деб берган пулимга розилигини айтганида, рости кўзимга ёш келганди. Чунки бу қалбга ҳавола, виждонга баҳо эди. Ҳа, ўшандан бери бирор марта фойда тақсимотида уникини кам қилмадим. Ҳар сафар олтинларни бўлаётганимда унинг гапи қулогум остида жарангларди: **фойда деб берган пулингга розиман.** Мана шундай шерик билан ярим йўлни аввал бошданок босиб ўтгандим. Шерикли ишда ҳисоб-китобни жуда аниқ олиб бориш керак. Бу зеҳнни кўп банд қилгани учун бир ҳисобчи ёллаган яхши. Ҳисобчилар одатда ҳар бир чақанин назардан четда қолдирмайди. Мана шундай аниқлик – тижоратнинг гуллашига сабаб бўлади.

4. Режалар намозлар орасига қўйилади.

Устоз билан учраштирган Аллоҳга шукр. Илк учрашувдан буён ҳаётимда туб бурилишлар бўлди. Қилган насиҳатлари қулоқларим остида доимо жаранглаб туради. Устоз менга ишларни намозлар орасига қўйишни буюрганди. Тавсияга амал қила бошлаган илк кунимдан катта фойдасини сезгандим. Шунинг учун ишларни беш вақт намоз орасига жойлашни одат қилган одамнинг муваффақияти аниқ кафолатланган бўлади. Намоздан кейин дуолар қабул, мақсадлар ҳосил бўлади. Бенамозлик иллат. Баъзилар ишларини, пулларини, учрашувларини битириб олиш учун намозни ортга суради, билмайдики сурилган ёки ўқилмаган намозлар билан ишлари ҳам ортга сурилаверади, ўнгидан келмай тураверади.

5. Яхшиликдан суюниб, ёмонликдан куюниб кетма

Бу қоида менга устозим билан учрашганимдан таниш. Устознинг савдо карвони ҳақидаги икки хил хабарга хазратимнинг жавобларидан лол қолгандим. Орадан йиллар ўтсада мен ўша воқеани эсимдан чиқармадим. Ақлни шоширадиган даражадаги олтинлар топсамда, қаттиқ суюниб ақлимни йўқотмадим. Оғир кўнгилсизликлар келса-да, куюниб ёқа йиртмадим. Бир куни фақат ўзим биладиган бир кўнгилсизлик бўлди. Одатда мен касодга учраганларимни умуман айтмайман. Аммо дафтаримга ёзиб кўяман. Хуллас бир куни бозорда олиб сотар билан учрашиб қолдим. У менга катта миқдорда тери ва чилвир буюртма қилди. Пулини молни олгач, беришини айтди. Ишондим (чунки лафз инсоннинг тирклигидир, белафз инсоннинг ўлиқдан фарқи йўқ). Орадан икки ой ўтиб айтган молини етказдим. Теричиликни тушунмаганим учун уларга озгина шикаст етган экан. Аммо сифати қаттиқ бузилмаган. У молни олди. Пулини бир кун ўтиб беришини айтди. Мен асосий сармоямни ўша молларга тиккандим. Эртаси куни ундан жавоб бўлмади. Газлама ва мўйна олиб келишим керак, мижозлар бетоқатлана бошлаганди. Агар вақтида етказиб бермасам, бошқа савдогар мижозларимни оғдириб олиши мумкин эди. Аммо чайқовчидан ҳа деганда жавоб бўлавермади. Мен газлама олиб келиш учун бир танишимдан катта миқдорда қарз олдим. Муддатни бир ой деб белгиладик. Тери буютирган одам узоги йигирма кунда пулимни қайтаришга вада берди. Мен савдо карвоним билан қайтиб келганимда роса бир ой ўтганди. Қарзимни қайтариш учун чайқовчидан пул сўрадим, у яна муддат сўради. Қарзининг ўндан бир қисмини қайтарди. Шу қадар жаҳлим чиқдики, жисмоний имкониятимдан фойдаланиб уни ўлдириб қўйишим ёки

ўласи қилиб калтаклашимга оз қолди. Аммо устозимнинг насиҳатларини эслаб фикримдан қайтдим. Унга охирги муддатни бердимда, танишимнинг олдига бориб узр сўрадим. Аммо танишимга пул жуда зарур экан. Мен икки кун ичида молни ярим баҳосида сотиб, қарзни бердим. Касодга учрадим. Яқин бир йил ичида на газлама, на мўйна олиб кела оладиган даражада сармоясиз қолдим. Аммо пули бор одамларни ахтардим, тўхтаб қолмадим. Бир сармоядор чиқди. У бир неча йилдан буён олтин йигар, аммо ишлатмас экан. Ундан қарз сўрадим бермади. Кейин фойданинг ўндан уч қисмига шерикликка кўндиридим. Менга бир марта мол олиб келиш кифоя қиларди. Бир ярим ойда янги моллар олиб келдим ва яхши фойда қилдим. Қарзимни ва фойдадан улушни қайтардим. У яна шерикчилик қилиш истагини билдириди, аммо зарурати бўлмагани учун рози бўлмадим. Мол оладиган одамларга бир вакилдан хат жўнатиш ва пулинин кейинги мол олишда бериш шарти билан ишни бошлаб юбордим. Ишончга кирдим. Чайқовчи вадасини бажаролмади. Олти ой ўтиб қарзини қайтарди. Жахл қилмадим. Пулни олдим ва қайтиб чайқовчилар билан пулинин олдиндан бермаса ишламасликка аҳд қилдим. Тўкувчи, тиқувчи усталар билан ҳар доим қарзга ишлайвераман, чунки уларга ишонаман. Хуллас ортиқча хурсандчилик бўлмағур ғууррга, ортиқча ғам эса омадсизликка сабаб бўларкан. Ўшандан буён ҳечам ғамларга куюнмадим, хурсандчиликларга ортиқча суюнмадим. Ўртacha бўлдим.

6. Омад омадсизлар қилишни истамаган ишларни қилишингдадир

Ҳали тижоратда тажрибам жуда кам пайтда бир ҳолатни бошдан ўтказдим. Қишида жуда қаттиқ совук бўлди. Ўн кунча совук сабаб дўконни ёпдим, аммо бозор ишлаб турди. Мен уйда ўтирдим. Ўша ўн кун ичидаги бошқа бир пулдор киши мен олиб келадиган моллардан бозорга олиб кирган ва нархни арzonлаштирган. Келсан, харидорларнинг аксари ундан мол оляпти. Шу билан олти ойда нархни пастлатиш ҳисобига харидорларни кўпайтириб олдим. Шу орада устоз билан учрашиб қолдик. Ҳазрат бизга хурмо боғларини қўрсата туриб, қўшни хурмозорлар билан ҳам таништириди. Бир хил сув ичадиган, бир хил ўғит солинадиган жойдаги дараҳтлар учхил кўринишида эди. Мехнатнинг самараасини, яъни қишини қиши, ёзни ёз демай қилинган меҳнат натижасини кўрдик у ерда. Энг серҳосил хурмозорнинг эгаси авал қашшоқ бўлгани, меҳнати ортидан фаровонликка эришганини айтиб берди устозим. Мевасиз боғнинг эгаси ўртаҳол бўлгани, аммо дангасалиги сабаб ҳозирда мардикор бўлиб қолганини ҳам билиб олдик. Устознинг боғи ўртача ҳосил берар, назорат камлиги ва устознинг оз аралашуви сабаб шундай бўлган экан. Ўша кун англадимки, илмда ҳам, тижоратда ҳам қулай фурсат кутилмас экан. Ҳар кун, ҳар соат, ҳар лаҳза қулай имконият, қулай фурсат бўларкан. Ходимларимга ҳам бутун умр шу қоидани ўргатиб келдим. Шу оддий қоидани ўзлаштирганимдан сўнг имкониятлар эшиги ланг очилиб кетди.

Ростдан ҳам дангасалик иллат. Аллоҳ таоло ҳам шижаотли бандаларини яхши кўради. Шижаотли одамларда барака ҳам бўлади. Улар чиройли гумон билан яшайди.

7. Ишга қабул қилиш қоидаси

Устозим менга доим “Оилага чақалоқ ўз ризқи билан келганидек, ходим ҳам иш берувчига ўз ризқи билан келади”, дерди. Мен шу вақтгача у зотнинг сўзларига шубҳа билан қарамаганман. Аммо баъзан ходимга эҳтиёжим бўлади-ю, тўлов имкониятим етарли бўлмай қоларди. Таваккал қилиб ходим олсам, унга лойиқ маошдан ташқари фойда ҳам келарди. Узоқ йил савдо қилиб, кўп одамлар билан ишлаб тажрибалар орттиридим. Ходимларни секин ишга қабул қилиб, тез бўшатиш кераклигини англадим. Қирқ кун синов билан ишга оламан. Шу вақт ичида маош бермайман деб айтаман, аммо муддат тугагач, қўлига ишига яраша ҳақ бераман. Ходимларни уч марта огоҳлантираман. Биринчиси иш боши тарафидан, иккинчиси қўшимча иш юклаш билан (хатосини англагач, қўшимча ишни олиб ташлайман), учинчиси жарима соламан. Шунда ҳам талабимга жавоб бермаса хайрлашаман. Бўшатиш жараёни ҳам роса қирқ кун давом этади. Мана шундай қоидалар асосида ҳисобчини ишга олганмиз. Лекин унинг синов муддати икки йил бўлган. Шу муддат ичида уни бир дўстимнинг қўлида ишлашини таъминладим. Тажрибасини оширгач, ёнимга олдим. Мана бирор марта менга панд бергани йўқ. Тартиб билан ишлаши натижасида ишларимнинг ярмини ўзимдан соқит қилдим. Кўпроқ ўйлашга, китоб ёзишга, ўқишига вақтим бўлди. Авлодларимга комил ишонч билан айтаманки, ходимни ишга олдингизми, албатт ўз ризқи билан келади. Ғам қилманг.

8. Чиройли сўраш - илмнинг ярми

Отам менга доим “Чиройли сўраш - илмнинг ярми”, деб айтарди. Бу ҳақда ҳадисларда ҳам келтирилган. Аммо мағзини тўлиқ чақамаган эканман. Бозорга илк қадам қўйганимда, газлама савдосини бошлаётган вақтларимда ўша ҳикматнинг асл маъносини англаб етдим. **Инсон чиройли сўраб, ўзига керак бўлган илм, тажрибаларни олиши мумкин.** Абдусалом билан бир тўп мато сотувчисидан то газлама ишлаб чиқарувчигача етиб борганимиз ҳақиқий исбот бўлди. Биз оддийгина хийла қилдик. Озгина моли бор одамдан кўп молни қисқа фурсатда топиб беришини талаб қилдик. Оқибат ҳар бир тожирўзидан йирикроқ савдогарнинг олдига жўнатаверди. Ниҳоят ишлаб чиқарувчининг олдига бордик. У билан суҳбатлашдик. **Бу орқали икки енгилликка эришдик. Биринчиси арzon нарҳда сотиб оламиз, иккинчиси чайқовчидан азият чеккан халқقا арzon нарҳда сота оламиз.** Натижада харидорларимиз кўпайиб, бозорни эгаллай бошладик. Мен ҳар бир илм олувчига, ҳар бир савдо қилгувчига чиройли сўрашни маслаҳат бераман. Ниятни ҳолис қилиб, инсонлар манфаатини биринчи ўринга қўйган ҳолда, халқقا осонлаштириш йўлини қидириш керак. Бугун бир инсонга осон қилсақ, эртага авлодларимиз бутун халқ юкини енгил қиласди. Инсоф билан ишлаб, чиройли сўрасак, барака ҳеч қачон аримайди. **Чиройли сўраш нафақат илмнинг, балки тижоратдаги фойданинг ҳам ярмидир.**

9. Сахийлик бойлик гарови

Онам менга сахийликнинг ҳар бир шоҳи жаннатга олиб кириши ҳақидаги ҳадисни айтиб берарди. Ёшлигимдан қизғанчиқлик ҳиссидан йироқ ўсдим. Отамонамнинг меҳнатлари эвазига сахийликни ўргандим. Болалигимдаги соддагина ҳаётимда ота-онам мени кўп имтиҳон қиласарди. Бир куни камонбозлик мусобақасидан келсан (ўшандада ўн ёшларда эдим), онам дастурхон ёзаётган экан.

-Кел ўғлим овқатланиб ол, - деб дастурхонга чақирди.

Дастурхонда яримтагина нон бор экан. Қорним жуда оч. Отам боғда ишлайпти. Онам нонни қўйиб, ишга чалғиди. Айни тушлик маҳали. Биз доимо бирга овқатланардик. Негадир улар келмади. Шу вақт тиланчи кеп қолди. Югуриб чиқсам, нон сўраб турибди. Дастурхондаги яримта нонни бериб юбордим. Бир муддат онамнинг овқат сузиге келтиришини кутдим. Аммо таомдан дарак йўқ. Онамдан қачон тушлик тайёр бўлишини сўрадим. Жавобидан йиғлаб юбордим.

-Ўғлим бугун тушлик тайёрлолмадим. Уйимизда боя сен тиланчига берган нондан бўлак ейишга ҳеч вақо йўқ эди. Биз ҳам туз тотмадик. Ўша нонни сен учун асраб қўйгандим.

Мен нима дейишини билмай қолдим. Югуриб кўчага чиқдим. Узок ўйланмай бозор томонга юра бошладим. Шу вақтгача нон уйга қаердан келишини билмас эканман. Илм олиб, жанг санъати билан шуғуланиб юраверган эканман. Энди ишлайман. Ҳар куни ишлайман. Бозорга бориб, каттароқ бир дўконга кирдим. Хўжайинидан иш сўрадим. Иш сўрайапману, негадир уяляпман. Хижолат бўляпман. Савдогар инсофли экан. Менга бутун дўконни тозалашни, буюмларни тартиблашни эвазига яхшигина пул беришини айтди. Камида беш пора тиловат қилгунча

вақт сарфлаб ишни битирдим. Менга бир дирхам берди. Тангани олдимда, нон растасига бордим. Улар пулни олиб нон берди ва қайтимини ҳам унутмади. Қайтимиға мева сотиб олдим. Қорним оч ва қаттиқ чарчаган бўлсам-да, жуда хурсанд эдим. Ота-онам учун нон олиб бораётганимдан шод эдим. Ҳовлига кириб боришим билан онамни чакирдим. Югуриб олдимга келди. Қўлимдаги нарсаларга қаради. Кейин саволлар берди, мен хурсанд жавоб бердим.

-Ўғлим қўлингдаги нарсаларни қаердан олдинг?

-Ишладим она.

-Қаерда ишладинг?

-Бозордаги бир дўйконни тозаладим, буюмларини тартибладим. Эвазига бир дирхам берди. Ўша пулга нон ва мева сотиб олдим.

-Вой ўзимнинг арслоним. Ўғлоним, азаматим.

Онам йиғлаб юборди. Шу пайт қўшни чиқиб қолди. Уйига шошилинч меҳмон келганини, нон сўраб келганини айтди. Беихтиёр нонни кўксимга босибман. Онам қўлимдаги нон ва меваларни қўшнига шартта бериб юборди. Ичим узилди, аммо бир сўз айттолмадим. Индамай сўрига чиқдим. Ҳали ўйлаб улгурмасимдан онам иссиқ овқат, нон-чой олиб келди. Отамни чақирди. Мен тушунолмай хайрон эдим. Онам кулиб отамга қаради. Отам табассум билан бошимни силаб гап бошлади.

-Ўғлим, биз сендаги сахийлик, ишchanлик, тез қарор қабул қилишни синаб кўрдик. Аллоҳга шукр ҳеч кимга муҳтоҷ эмасмиз. Сен катта йигит бўлиб қолдинг. Сахийлик узоқ машқлар эвазига пайдо бўлади. Сен имтиҳондан ўтдинг. Файратинг, сахийлигинг, меҳнатдан уялмаслигинг сенинг улкан ютуғингдир. Сен иккиланмай чарчашингга қарамай биз учун нон топишга уриндинг. Бу жасорат, ҳақиқий сахийликдир. Унутма сахий инсон бой бўлади. Сахийлик фақат олтин-кумушлар билан эмас,

кимдир илмидан, кимдир тажрибасидан, биروف кучидан, биروف меҳридан сахийлик қиласиди. **Берган қўл олган қўлдан хайрлидир**, дейилган ҳадисларда. Ҳа, ўғлим, Муҳаммад соллоллоҳу алайҳи васалламнинг ўғитлари қиёматгача бандалар учун ҳаётий қўлланма бўлади.

10. Мижоз ҳар доим ҳақ. Уларга “йўқ” деган сўзни ишлатмаслик керак.

Мен устозимнинг савдосини узоқ вақт қузатиб бирор мартаузотнинг “йўқ”, деган сўзни ишлатганини кўрмадим. Харидор сўраган нархга “йўқ” дейилмас, сўраган нарсаси бўлмаса, бошқа мол таклиф қилинар, ёқмаса, мижозга шошилинч бўлмаса, олиб келиб беришарди. Шундай воқеалар гувоҳи бўлганманки, устознинг дўконида йўқ матони бир камбағал киши сўради, аммо ундан мол йўқ эди. Устозим кутиб туришини айтиб, чиқиб кетди. Анча вақтдан сўнг олиб келди ва харидор сўраган нархда сотди. Харидор хурсанд бўлиб чиқиб кетди. Олиб келинган мато метрлаб сотилмас, тўплаб савдога кўйиларди. У одам ялинса ҳам берилмасди. Кейин бидимки, Абу Ҳанифа хазратим бир тўп матони сотиб олиб, керакли миқдорини қирқиб сотган экан.

Устозим менга “харидор доимо ҳақ”, деб кўп айтарди. Баъзан харидорларнинг минг бир инжиқликлари га чидашга тўғри келади. Савдога кирган одам ҳамма қийинчиликларни бўйнига олади. Чунки савдосини одамлар гуллатади. Харидор бўлмаса, унинг дўкони ҳам, моли ҳам арзимас бир мато холос. Шу сабаб тортиша-тортиша мол олмайдиган, обдон дўконайланиб, матоларни титкилаб ҳатто кийиб кўриб ҳам айниб қоладиган, паст баҳо бериб кетадиган, жанжал кўтаргиси келиб қолса, кўполлашадиган олармонларга фақат сабр билан муомала қиласман. Чунки дўконда шунинг учун ўтирибман. Мен олармонларнинг ходимиман. Бу хуласаларим, узоқ тажриба ва устознинг машаққатли дарслари самарасидир. Харидор ҳар қандай ҳолда ҳам ҳақ. Ҳатто ноҳақ бўлса ҳам, у билан қаттиқ тортишиш яхши эмас. Агар унда нотўғри фикр шаклланса, кўрган – билганига сиз ҳақингизда, савдоингиз ҳақида нолойиқ сўзларни айтиб

юради. Савдони касод қилади. “Мана мол, истасанг ол бўлмаса йўқ” ёки “Олмасанг тегинма”, “ўзи ақчангиз борми?”, “олмасангиз нега мени оввора қилдингиз молни титкилаб” каби муомала харидорни бездиради. Қайтиб ўша дўконнинг яқинига йўламайди. Чиройли муомала ва сабр савдони ривожлантиради. Шунинг учун ҳар куни раҳбар (харидорлар сотувчиларнинг раҳбари) га муносиб хизмат қилиш, кўнглини олиш ва хурсанд қилишни ўйлаш керак. Ноҳақлигини билиб турсангиз ҳам ортиқча тортишманг. Аксинча “агар нархлар ёки моллар маҳъқул келмаётган бўлса, бозорни кўринг ўзингиз истаган нархларда топишингиз мумкин” қабилида жавоб қилиш кифоя. Шунда тортишувнинг олди олинади. Молингизнинг сифатига ишониб айтган гапингизнинг исботини харидор қайтиб келганида кўрасиз. Агар тортиша-тортиша кетиб қолган ва яна қайтиб келган мижозга ҳам яна яхши муомала қиласверсангиз, нархни ошириб олмасангиз, у доимо сиздан харид қилади. Хулласи калом доимо харидорнинг манфаатини кўзланг, ўшанда бой бўласиз.

11. Ўзгаларнинг иложсизлиги имконият эмас.

Устозим менга доим ўзгаларнинг иложсизлиги қулай имконият эмаслигини айтарди. Шунинг учун ноиложлигидан бирор нимасини сотаётган ёки қарзини узиш учун молини ярим нархда беришга тайёрлардан фойдаланмадим. Бир куни бир одам мендан кўп микдорда мол олди. Белгиланган муддатда қайтаролмади. Кейин яхши чопағон отини олиб келиб, ярим нархида қарзи эвазига бермоқчи бўлди. Аммо мен ундан асл баҳосида сотиб олдим. Қарзидан ортган пулинни қайтариб бердим. Жуда хурсанд бўлди. Унинг юзидағи розилик, кўзларидаги қувончни кўриб, муҳтоҗнинг муҳтоҷлигидан фойдаланмасликка яна бир бор аҳд қилдим. Кўпчилик баракасини ўзи қочиради. Бозорда ҳар – хил савдогар бор. Қарз бўлиб қолган одамдан бирор арзигулик нарсасини қарзидан ортиқ нархда турса-да, инсоғизлик қилиб, қарзи эвазига олади. Натижада барака кетади. Ёки бирон кимса азбаройи муҳтоҷлигидан бирор нарсасини сотмоқчи бўлади. Унга ақча зарурлигини билган олармон ерга уриб сотиб олади ва икки баравар қимматига сотади. Бу иш қароқчилик билан баробарлигини, ҳақиқий судхўрликдан ошиб тушишини устозим кўп таъкидларди. Ҳалол савдо – илм. Уни яхшилаб ўрганиш ва ўзлаштириш керак. Агар шариатни тушунмай савдога киришилса, фоизга (рибо, судхрликка) аралашиб қолиш ҳеч гап эмас. **Инсонларнинг иложсизлиги имконият эмас.**

12. Қалб бойлиги

Айримлар бойликни аввал бошда мен тушунгандек идрок қиласы. Мен бойликни қўлим ҳамма нарсага етиши учун эмас, кўп тилла тангаларни йигиб қўйиб, кўнгил тусаган нарсани сотиб олиш. Маишатда камчилик бўлмаслиги деб тушунардим. Яна кўпчиликка ўзимни кўрсатиб қўйгим келарди. Кўпчилик эса бойликни ёмон деб ўйлади. Диндан чиқаради, бузади, ҳаловат кетади ҳатто жаннатга киришга тўскинлик қиласы, деб ишонади. Бу оддий халқнинг овунчоқ фикрлари. Агар инсон илмли бўлса, тирикчиликнинг ҳалолини касб қиласа, пул билан муомалани яхши қила олса, бойлик ундаидар одам учун катта баҳт, мислсиз имкониятдир. Чунки берган қўл олган қўлдан хайрли экани ҳақида ҳадис ҳам бор. Кўпчилик имомларга хайронман. Одамларни бойликдан нафратлантиради, хорлик сари етаклади. Бу хато. Аслида мусулмон бой бўлиши керак экан. Кучли бўлиши керак. Акс ҳолда номусулмоннинг, ҳатто илмсиз мусулмонларнинг орасида хор бўлади. Узоқ йиллик тажрибамдан тушундимки, инсонларни бойликдан қўрқитиш, қайтариш яхши эмас. Бойликни обрўни сақлаш, қариндош-уругга яхшилик қилиш, илм толиблари, олимларга эхсон қилиш, иш билан таъминлаш учун тўплаган яхши. Барибир мусулмон бой бўлса, жамиятда соғлом мухит шаклланади. Мусулмон бой бўлса, турли фикрлар, четдан кириб келадиган алдамчи ғояларга йўл қўймайди. Мусулмон бойиса дин ҳеч қачон обрўзислантирилмайди. Яна бир мухим гап: ҳар бир мусулмон албатта жанг санъатларида моҳир бўлиши шарт. Жисмонан бақувват, бой, ақли расо бир мусулмон тадбирсиз, кучсиз минглаб мусулмонлардан алодир.

13. Мақсадсизлар билан ишлаш номаълум йўлга олиб чиқади.

Ҳаётда доимо олий мақсад билан яшаш керак. Мақсади йўқнинг борар йўли ҳам аниқ бўлмайди. У тасодифларга қурбон бўлиб ёки тасодифан ишлари яхши бўлиб кетишидан умидвор бўлиб юраверади. Мен савдо қилиб, илм олиб шунга амин бўлдимки, мақсадсизликдан кўра оғирроқ хасталик йўқ экан. Отам менга мақсадсизлар билан юриш номаълум томонга олиб бориши ҳақида айтганида ҳақ экан. Мана ҳар бир кунимда ҳамон ўша гапнинг тўғри эканига амин бўламан.

Инсон мақсадларини, режаларини албатта ёзиб қўйиши ва вақт белгилаб, кучига баҳо бериши керак. Шунда ўсиш бўлади. Режали юришни Аллоҳ таоло бизга ўргатиб қўйган. Мана беш вақт намоз мусулмоннинг кунлик режаси. Белгиланган. Бажарса яхшиликка эришади, бажармаса халокатга учрайди. Демак ожиз банда ҳам кунлик режаларини, ойлик, йиллик режаларини тузиб юриши керак. Шунда мақсадини топади. Ҳаётида маъно пайдо бўлади.

Луқмони Ҳаким ҳазратлари ўғлига ёмон ўодамлар билан дўстлашмасликни айтиб, огоҳлантирганида, ўғли имони бақувватю, ақли оқ-қорани ажрата оладиган бўлганини Э, ёмонларга қўшилса ҳам хулқи ўзгармаслигини айтганида табассум қилиб қўяди. Мевалар пишган вақтда, ўғли сал қуртлаган олмаларни ажратиб алоҳида қопга солаётганини кўради. Ўғлига: “ҳаммасини бир қопга солавер”, дейди. Орадан анча вақт ўтгач, улар қопни очиб кўрганларида ҳамма мевалар ириб кетганди. Ҳаким ўғлига маъноли қараб қўяди.

Мана шу ҳикоят бемақсадликдан ахлоқи бузукларга қўшилиб, охири номаълум томонларга кетиб қолишнинг

олдини олиш учун кифоя. Халқ учун яхшиликлар улашадиган даражадаги олий мақсадлари, жилла қурса ўзини яхши томонга буриш мақсади борлар билан дўстлаши керак. Ана шунда мурод ҳосил бўлади.

14. Тадбиркорлар эркин рақобат қылса ва бирлашса, халққа енгиллик бўлади.

Тадбиркорлар бирлашиб, халққа енгиллик яратиш тарафдори бўлишлари керак. Агар улар нархни кўтариб ўйин қилиш учун бирлашса, аҳвол оғир бўлади. Орамизда катта тожирлар келишиб бир хил нархни белгилаб, халқдан арzon сотиб оладида, бошқа мамлакатга қимматга сотади. Халқ дардини кимга ҳам айтсан?! Мен ҳали ёш вақтимда шу ўйинларга гувоҳ бўлганман. Бошқа мамлакатга мол сотиб, ўёқдан мол олиб ўз мамлакатига сотадиганларнинг ўйинларини кўрганман. Улар нарх белгилашда халқнинг манфаатини кўзламайди. Орадан йиллар ўтиб, улғайдим, тижоратим мислсиз кенгайди. Орзуим ушалди. Бой бўлдим. Ва ниҳоят тадбиркорлар йиғинини ташкил қилдим. Биз тожирлар жамоаси келишиб, халқни қийнаётган чайқовчиларга мол сотмайдиган, қаҳатчилик пайтлари ҳам қиммат бўлмаган нархларда мол сотадиган, энг муҳими – одамларни иш билан таъминлайдиган бўлдик. Хуллас бир жамоа йиғилса, албатта халқнинг фойдасини кўзлаши, инсонларга манфаатли ишларни маслаҳатлашиши энг яхши ишдир. Аллоҳ таоло ҳам тақво йўлида бирлашишни таълим берган. **Яхшилик ва тақво йўлида ҳамкорлик қилингиз, гуноҳ ва ҳаддан ошиш йўлида ҳамкорлик қилмангиз!** (Моида сураси 2 оят Аловиддин Мансур тафсири)

15. Абадий талаба бўлинг

Одамлар мендан қачонгacha ўқишим мумкинлигини сўрайди. Менда ҳар доим жавоб битта – абадий ўқийман. Толиби илмга ҳатто сувдаги балиқлар ҳам истиғфор айттаркан. Сувдаги жонзотларки илм оладиган одамнинг гунохи кечирилишини Аллоҳимдан сўраб турса, мен нима учун ўқиши, ўрганишни тўхтатишим керак!? Ахир Ҳабибимиз Муҳаммад алайҳиссалом “Илм чинда бўлса ҳам олинглар”, деган маънодаги ўгитларини айтиб турган бўлсалар.

Инсон зоти ўқигани, ўргангани сари юксала боради. Мия ҳам худди мушакка ўхшайди. Мушаклар машқ қилинганида, юк кўтартганида бақувватлашганидек, миямиз ҳам ўқиганида, ўрганганида, ёдлаганида кучаяди. Мен ҳар бир инсонга ўқишидан ҳеч қачон тўхтамасликни тавсия қиласман. Бу менинг тажрибаларим йифиндиси эмас, бу Аллоҳнинг ҳукми ва Пайғамбаримиз Муҳаммад алайҳиссаломнинг ўгитларидир...

Негадир кундаликнинг қолган қисмлари йўқ эди. Балки энди ёза бошлагандир. Чунки савдо ҳақидаги бошқа ҳамма китобларини мен оқقا кўчирганман. Бу китобини яқинда бошлаган эканда. Аллоҳ дўстимни ўз раҳматига олсин. Қиёматгача келадиган умматга яхшиликлар қилиб кетди...

Аҳад ЖУМАНҚУЛОВ

11.12.2017

“Тўғрисўз ва ишончли тижоратчилар набийлар, сиддиқлар ва шаҳидлар билан бирга бўладилар”. деган жойни “Ҳам оҳират учун, ҳам дунё учун ҳаракат қилган одам хайрлидир(аслини топиб киритаман)”. булимининг бир жойига илдирсангиз бу ҳам булади (Баҳридинг аканинг фикри)

Ем сотаётган ҳалол савдогарнинг ҳикояти. Харидор ўн кило эмас 15 кило олганини ва бопладим деб ўйлаганини бирор жойига киритишим керак.

Мусулмон кенг ҳовлили, марқабли ва яхши хотинли бўлиши кераклиги.

Тижорат

Тижорат ахлоқи ёхуд мусулмон тадбиркор учун
Куръон ва Суннатдан 10 олтин қоида.

1-қисм.

Куръоний қоидалар.

1. Эй мусулмон тижоратчи, тижоратнинг ўзига хос завки, ҳавоси ва ҳаяжони бор. Яна ҳам кўпроқ фойда олиш хирсига берилиб, асло ва асло Аллоҳ таъолони зикр қилишдан, ибодатдан ва закотни адо этишдан қолмаслигинг керак. Келиши ҳақ бўлган ўлимни муттасил хаёлингда тутишинг лозимки, бу ҳолат оёғинг тойиб кетишидан, сени бирорлар йўлдан уришидан сақлаб қолади ва ҳамиша тўғри истиқоматда қадам ташлашингни таъминлайди. (Далил: Нур сураси, 37-оят)

2. Эй мусулмон тижоратчи, сен иймон келтирган Парвардигоринг Ўзи истаган бандасининг ризқини кенг қилиб қўйишини, истаганини эса кифоят қиласиган даражада ризқлантиришини ҳеч қачон эсдан чиқарма. (Далил: Исрөъ сураси, 30-оят, Сабаъ сураси, 36-оят). Сенинг вазифанг: ер юзида ризқингни териш учун ғайрат қилиш ва тер тўкишдир. (Далил: Жумъа сураси, 10-оят, Музаммил сураси, 20-оят). Бир инсон сифатида кўлингдан келганини қилишинг, натижасини эса меҳрибон бўлган Парвардигорингга қўйиб беришинг лозим. Бу ишда чегарадан чиқмасдан, исёнга йўл қўймасдан, ризқу насибангга ризо кўрсатишиング керак.

3. Эй мусулмон тижоратчи, сен иймон келтирган Парвардигори олам имтиҳон сабабли ер юзига нозил

қилган неъмат ва ризкларининг баъзисини ҳалол, баъзисини ҳаром қилгандир. (Далил: Юнус сураси, 59-оят). Аллоҳ таъоло жорий этган бу чегараларга риоя қилишлик сенинг энг катта вазифанг саналади. Шайтон ва унинг дўстлари сени ҳак йўлдан тойдириш учун бутун воситаларни ишга солишади, ҳаромларни сенга чиройли ва фойдали қилиб кўрсатишади. Сен тақво либосига бурканиб олган ҳолда ҳар лаҳзада Ҳақ таъология юзланиб, гафлатдан узок, уйғоқ қалб билан бардам туришинг керак. Фақатгина шу йўл орқали ҳисобини беришинг мумкин бўлган ишлар билан шуғулланишинг осонлашади.

4. Эй мусулмон тижоратчи, нима қилишингдан қатъи назар, хоҳ у олди-берди бўлсин, хоҳ қарз олиш ёки шериклик – музораба бўлсин, барча ҳолатларда ёзув-чизув қилиш лозимлигини асло ёддан чиқарма. (Далил: Бақара сураси, 282-оят). Бу мавзуу Куръони Каримда энг узун баён қилинган мавзулардан бири эканлигини доимо эсда тутиб, ушбу амри илоҳийнинг шартларига том маънодариоя қилишинг вожибdir. Шунга амал қилсанг, ўртага чиқиш эҳтимоли бўлган барча муаммоларнинг олдини тўса оласан.

5. Эй мусулмон тижоратчи, савдо-сотиқни ўлчов ва тарози асосида юритаётган, яъни, ишда тарози ва бошқа ўлчов воситаларидан фойдаланадиган бўлсанг, тўғрилик ва ҳалолликни асло тарк этмаслигинг керак. Ҳар хил қинғирликларнинг қоралангани ва Мадян ҳалқининг бу каби ҳийлакорликлар оқибатида азобга дучор қилинганлигини унутмаслигинг лозим. Тарозида тортиш ва ўлчаш пайтида харидорнинг ҳаққига тажовуз ва хиёнатдан ўзингни тийишлигинг мутлақо шартдирки, эрта қиёматда Ҳақ хузурида амал дафтaringни ўнг

томондан олиш сенга насиб қилсин.

7. Эй мусулмон тијоратчи, Аллох таъоло савдо-сотиқни ҳалол, фоиз ва судхўрликни ҳаром қилгандир. Судхўрлар киёмат қунида қабрлардан жин чалган девоналардай туриб чиқадилар. (Далил: Бақара сураси, 275-оят). Ҳалол бўлган фойдангга фоизни аралаштиранг, баракатдан маҳрум бўласан (Бақара сураси, 276-оят). Аллоҳ ва Расулига (солаллоҳу алайҳи васаллам) қарши жанг қилишни хоҳламасанг (Бақара сураси, 279-оят), фоизга яқинлашмаслигинг, уни на олишинг ва на беришинг керак. Бу борадаги дикқат ва эътиборингни хеч қачон сусайтирмаслигинг лозимки, умумий бир қулфат ҳолига келган бу хасталикдан ўзингни ҳимоя қилишга муваффақ бўлгайсан.

8. Эй мусулмон тијоратчи, сен садоқатни ўзинг учун энг муҳим тамойил қилиб ол. Куръони Каримда сиддиқлар набийлардан кейин, шаҳидлардан эса аввал зикр этилган. (Далил: Нисо сураси, 69-оят). Номуносиб шарт ва муҳитларда садоқатда бардавом бўлиш жуда ҳам оғир ишдир. Шу сабабли содиқ кишилар билан доимо дўст ва ҳамроҳ бўлиш керак. Ҳар қачон ёнингда ва орқангда садоқатли дўстларинг бўлсинки, янгишган онингда сени огоҳлантирадиган бир тил, йиқилганингда сенга узанадиган бир қўл ҳар замон ёни бошингда эканлигини ҳис этиш баҳтига эришгайсан.

9. Эй мусулмон тијоратчи, яхшилик ва тақвонинг ёйилиши учун кўмаклашмофинг, ёмонлик ва душманликнинг кўпайишига монеъ бўлишинг лозим. Ҳар қанча кийин аҳволга тушганингда ҳам, гўёки Аллоҳга қарз бераётгандек, Унинг бандаларига ёрдам қўлинни узатишинг керак. Унга берилган қарзнинг асло

бир йўқотиш эмас, балки кони фойда, битмас-туганмас бойлик эканлигини ҳеч қачон ёдингдан кўтарилибсан. (Далил: Бақара сураси, 245-оят). Яхшиликнинг ёйилиши йўлида яна ҳам кўпроқ жидду жаҳд билан ҳаракат қилгинки, ҳақиқий маънодаги саодатга эришгайсан.

10. Эй мусулмон тижоратчи, қарзларингни тўлаш борасида жуда интизом билан йўл тутишинг, ҳақсизлик қилмаслигинг, ўзаро розилик ҳолатлари бундан мустасно, ҳеч кимни қийин аҳволда қолдирмаслигинг шарт. Яхшиликни суйиистеъмол этиб, инсонлар орасидаги яхшилик томирларини йўқ қиласиган бўлсанг, ўзингни ҳам, бошқаларни ҳам маънан ўлдирган бўласан. (Далил: Нисо сураси, 29-оят). Бу хусусда сендан талаб этилган шартларга шундай риоя этгинки, атрофингдагиларни пушаймон қилмагайсан ва охир-оқибатда кимсасиз ва ёлғиз аҳволда қолмагайсан.

11. Эй мусулмон тижоратчи, фойданинг қаердан келаётганлигини ҳеч қачон унутмаслигинг, молингни закотини тўла-тўқис адo этиш билан бирга инфоқ ва садака беришни ҳам кўпайтиришинг, кечаю кундуз, яширин ва очиқча Аллоҳ таоъло сенга берган ризқ ва бойликни Унинг йўлида (фисабилиллоҳ) сарфлашинг ва натижада ҳар қандай кўркув ва хузнлардан эмин қолишилинг лозим. Аллоҳ таъоло битта яхшиликни етти юз баробар қилиб ўзингга қайтариб турган бир вазиятдаақлли бир тадбиркор сифатида бу каби фойдали тижоратни қандай ҳам рад этишинг мумкин?! Бас шундай экан ўз тижоратингга Аллоҳни шерик қилгинки, олиш учун эмас, балки бериш учун сендан талаб қиласиган бир шерик ва ҳамкорга эга бўлгайсан, бағишлишдан, инъом этишдан ва эҳсон қилишдан асло тўймайдиган ва толмайдиган бир хилқатга айлангайсан.

2-қисм.

Сунний қоидалар.

1. Эй мусулмон тижоратчи, Раззоқ зот бўлган Аллоҳ таъоло ҳузуридан сенга битилган тақдирга рози бўлишинг, бу йўлда таваккулингни комил бир тарзда бино этишинг лозимки, имонингга ярашадиган бир мақомга эга бўлгайсан.

Ҳадис: “Агар сиз ҳақиқатан ҳам том иймон ила Аллоҳга таваккул қилганингизда эди, тонгда оч чиқиб, оқшомда тўқ ҳолда уясиға қайтадиган күшларни ризқлантиргани мисоли Аллоҳ сизни ҳам мутлақо ризқдан насибадор қилган бўларди”.

2. Эй мусулмон тижоратчи, Аллоҳ таоъло жорий этган ҳалол ва ҳаром чегараларига риоят қилишинг, шубҳали нарсалардан юз ўгиришинг керакки, токим номус ва ҳайсиятингга доғ туширмагайсан.

3. Эй мусулмон тижоратчи, ризқ талабида эрта тонгдан ҳаракат қилиб, уйингдан чиқишинг, устингда қуёш бош кўтармасдан, сен қуёшнинг устида бош кўтаришинг (яъни, қуёшдан аввал уйғонишинг) лозимки, баракатга ноил бўлгайсан.

Ҳадис: Ҳазрати Али розийаллоҳу анҳу айтадилар: “Мен Расулуллоҳ соллаллоҳу алайҳи васалламнинг: “Аллоҳим, умматим учун эрта тонгни баракатли қил”, деб дуо қилғанларини эшитдим”.

4. Эй мусулмон тижоратчи, олишда ва сотишда, қарз беришда ва олишда доимо осонлик ва қулайликни асос қилиб олки, тижоратингни хотиржам бир тарзда амалга оширган ҳолда Аллоҳнинг раҳматига эришгайсан.

5. Эй мусулмон тижоратчи, сотаётган молингнинг сифатини туширадиган ва қийматини камайтирадиган бир қусур мавжуд бўлса, буни харидорга очиқчасига айтгингки, акс ҳолда фойдангга ҳаром аралашиб, ўзинг бирорвларнинг лаънатига қолиб кетишингга сабаб бўлмасин.

Ҳадис: “Кимки, қусури бор молини сотаётганида бу ҳақда харидорни воқиф этмаса, доимо Аллоҳнинг газаби ва фаришталарнинг лаънати остида бўлади”.

6. Эй мусулмон тижоратчи, фоиз борасида жуда ҳушёр бўлишинг, фоиз олмаслигинг ва бермаслигинг, фоиз аралашган жойда турмаслигинг ва бу хусусда ғоятда эҳтиёт билан йўл тутишинг лозимки, Расулуллоҳ солаллоҳу алайҳи васалламнинг уйилган қовоқлари ва оғир танбеҳларига рўбарў қолмагайсан.

Ҳадис: Жобир ибн Абдуллоҳдан ривоят қилинади: “Расулуллоҳ солаллоҳу алайҳи васаллам фоиз берганни, уни олганни, буни қайд этган котибни (яъни, уніқоғозга туширувчи кишини) ва бунгагувоҳлик қилган шоҳидларни лаънатладилар ва уларнинг барчаси бу гуноҳга teng шериқдир, дедилар”. (Имом Муслим, “Мусоқот”, 106. Имом Насойи, “Зийнат”, 25.)

7. Эй мусулмон тижоратчи, қиласидиган ишингни сабот или бажармоғинг, сабрли бўлишинг ва ҳисоб-китобда яқин замонни эмас, балки узоқни кўзлаб ҳаракат қилмоғинг лозимки, натижада муваффақиятга эришгайсан.

Ҳадис: Ойиша розийаллоҳу анхумодан ривоят қилинади: “Расулуллоҳ солаллоҳу алайҳи васаллам айтдилар: “Аллоҳ таъоло сизлардан бир киши учун бир томонни (нарсани) ризққа сабаб қилиб қўйса, бу

ўзгаргунча ёки қийинлашгунча уни тарк этмасин (яъни, ундан воз кечиб кетмасин).

8. Эй мусулмон тижоратчи, дунё моли кўзни қамаштирувчи ва ёқимли эканлигини, аммо Аллоҳ таъоло хузурида фоний ва қийматсизлигини ҳеч қачон унутмаки, ҳирс ва тамаъирлик домига тушиб, дунё талабида ҳаддан ошмагайсан.

9. Эй мусулмон тижоратчи, молингни лойиқ бўлган баҳодан ошириб сотиш учун нотўғри йўлларга кириб қолмаслигинг ва харидорларни асло алдамаслигинг лозимки, токим Расулуллоҳ соллаллоҳу алайҳи васалламнинг ҳақиқий уммати бўлиш баҳтини қўлдан чиқармагайсан.

Ҳадис: “Алдаган киши биздан эмасдир”.

10. Эй мусулмон тижоратчи, ўзишинг ватижоратингни тўғрилик асоси устида бино этишинг ва ҳеч қачон ҳақиқатдан айрилмаслигинг лозимки, жаннатда энг яхши дўстлар билан қўшни бўлиш саодатига эришгайсан.

“Тўғрисўз ва ишончли тижоратчилар набийлар, сиддиқлар ва шаҳидлар билан бирга бўладилар”.

Туплади Бахриддин, таржимон Зариф ГОФУРОВ.

МУНДАРИЖА

